



6

11-D

23

8?



6-11-D-23






V I T A
TERESIAE
REGINAE LEGIONIS:
ET SANCIAE

*Dominae Ierabrice Sororum Lu-
sitanae .*

Sanctimonialium Cisterciensium Sancti
Bernardi instituti, quæ Vulgò, San-
ctæ Reginae, appellantur.

FRATRE FRANCISCO MACEDO.
Lusitano Minore observante Authore.



R O M A E .

Typis Philippi Mariae Mancini 1667.

Superiorum permissu .

Doctores et Magistri



Illustriss. & Reuerendiss. D.

I A C O B O
A B B A T I

ROSPIGLIOSO



*IBELLVM, quem tibi
Illustrissime, suppliciter of-
fero, eo ipso, quo Clemens
IX. Pontifex. electus est die, subiectum
iam antea prælo absolueram. Non po-
teram optare melius ei natalitium sidus,
quam quod offerebat occasio. Sed tan-
ta cum eo lux est oborta, ut Solis in-
star effulserit, cuius tener, & paruulus
fætus minus patiens fuit. Sidus igitur
illi soli proximum te, & quæfuit, &
respexit, congruens natalibus, ut tuto,
& aptè nasceretur. Nec obstitit lon-
ginitas, quam & tuus eximius splen-
dor*

dor suslulerat, & studium benefaciendi
extinxerat. Vtraque gentilitia dos est
Rospigliosæ Familiæ, quæ cum illustribus
semper, & magnifica per se fuit, tum
benigna, & benefica in alios extitit.
Talem te experti sumus, qui te
Illustriss. Abbas, nouimus adolescen-
tem priuatum, cum & in studijs lit-
terarum, & academijs versarere, qui
cum esses ingenio, doctrinaque excellenti
comem, & urbanum erga cæteros te,
sine discrimine exhibebas, eoq; apud om-
nes gratiosum; ut apud alios diuersari
Gratiæ, apud te habitare viderentur.
Itaque iam tum quocumque te verteres
eò tecum, & oculos, & corda hominum
conuertebas. Hac indole domi omni di-
sciplina virtutis à Patruo Iulio Cardi-
nali Rospiglioso, nunc Clemente IX.
Pontifice institutus, ad eius te imagi-
nem ita conformasti, ut non modo ad
um-

umbræ, sed etiam exprimeres. Ex illa umbra domestica eductus in lucem Aulæ, præclara ingenij, prudentiæ, fidei, integritatis, modestiæ documenta dedisti. Bruxellas Pronuntius missus sedis Apostolicæ dignitatem, doctrinæ præstantia, & grauitate morum commendasti. Rem Romanam ita gessisti, ut illius potior, quàm politicæ ratio haberetur. Angustum tamen erat illud, pro tuæ amplitudine virtutis, Theatrum. Diuina igitur Prouidentia effecit, ut Iulius Card. Patruus tuus Pontifex crearetur, qui te votis omnium expetitum Romam vocabit, suoque lateri admotum Vniuersalis Ecclesiæ administrationis participabit; quò latius in commune bonum Pontificij fontes emanent. Hic capax tuarum virtutum locus est: in quem totius Orbis vniuersi-

tas confluit, & à quo eius vita salusque
pendet. A Clemente IX. sunt exempla
petenda, proficies imitando. Nec
difficilis erit imitatio ei, cui est inge-
nita similitudo. Cumque tibi propositum
sit gentilitiam præstare clementiam, eius
ego usuram meritò postulo, dum patroci-
nium huic meo foetui à Clementia tua
posco. Quod sumere non auderem, ad id
me cogit accipiendum Religio. Vnum
vereor, ne te minus deceat, quod est exi-
guus. Verum & ille ita natus est, &
magnum tamen nactus est sidus. Dein-
de pondere valet, non mole. Argumen-
tum enim pondus habet & dignitatis,
& virtutis. Nimirum Vitam Tere-
siæ Principis Lusitaniæ Regine Legio-
nis, quæ totam Hispaniam virtutum
suarum odore, & fama implevit. Quam-
dignam existimarunt Innocentius III.
& Gregorius IX. litteris Apostolicis,
quibus

quibus eam, & salutarunt, & ornarunt:
& Vitam Sanctæ Sororis, quæ spretis
nuptijs Ferdinandi Legionis, & Cas-
tellæ Regis virginitatem suam Christo
consecrauit: ac prima Religiosos San-
ctorum Patriarcharum, Frâncisci primùm,
deinde Dominici excepit, & protexit.
Accedit pretium professionis religiosæ
quam in Cisterciensi Ordine ex S. Ber-
nardi instituto ambe, ædificatis ad id
suis sumptibus Monasterijs, miserunt.
Quod attinet Apotheosin: iam pridem
de illa apud sedem Apostolicam agitur;
nunc ope tua, & patrocínio spem certio-
rem concipiemus eam à Clemente I X.
Pontif. impetrandi, tum propter tuam
apud illum gratiam, tum propter nimiã
eius erga superos pietatem; quorum Al-
zaria conatur augere: tum propter sum-
mã eiusdem in omnes beneficentiam. Eo-
que Clemens I X. viuicrum ad bene-

*merendum de Christiana Republica
studia excitabit, qui omninò sibi persua-
debunt non posse viventibus, & meren-
tibus deesse præmia, quæ sunt ab eo mor-
tuis, & mereri minime valentibus
constituta. Vale.*

Tuus ex Asse

Fr. Franciscus à S. Augu stino
Macedo.

LECTORI MOROSO



ANXIVS in scribendo morosum te in legendo volo, ut quæ summa accurate scipſi ſcrupuloſè examines: quò videam, quæ à me ſunt lentè ac faſtidioſè probata, vtrum ea tibi, vel ſeuerè cenſenti ſatis faciant. De fide rerum non eſt quòd dubites. Habui exemplaria idonea, & iuris publici quibus religio ſit non credere: cum acta vnde ſumpſi, quæ ſcribo, ſecundum leges Tridentini Concilij ſint conſecta, à ſuperioribus recognita, & Romam miſſa Itaque narro fide aliena, in quam tibi non eſt poteſtas. Quod eſt meum, ideſt character, & forma ſcribēdi, vno verbo, ſtylus, de eo iudicandi integram tibi, & liberam poteſtatem facio. Certè quicquid neruorum in eloquendo habeo

beo , huc id omne contuli : ac illud
pro mea tenuitate Ciceronis paulum
tamen deflexum usurpo . *Scriptæ
sunt hæc vitæ accuratè a nobis , & si un-
quam in scribendo fuimus aliquid , aut
etiam si nunquam aliàs fuimus , nunc
perfecto amoris , & observantiæ in hæc
Reginas magnitudo vim nobis scriben-
di dedit .* Quòd si morosus tamen
esse velis, quòd ornatiora tibi quàm
pro simplicitate veritatis historicæ
videantur, & malis cum Attico kor-
ridula, & neglecta afferre, eundem ti-
bi Ciceronem opponam, qui sic eius
opinionem refutat, scribens ad eum
de historia Consulatus sui à se accu-
ratissimè composita . *Meus inquam
liber, totum Isocratis $\mu\upsilon\pi\omicron\pi\omicron\delta\epsilon\iota\chi\iota\omicron\nu$, & om-
nes eius discipulorum arculas, ac non
nilil etiam Aristotelica pigmenta con-
sumpsit : nō quòd id ego sim assecu-
tus, sed quòd eo excuso, quē potui
orna-*

ornatū, & nitorē dictionis adhibere. Cum præsertim alia sit ratio scribendi historiā, alia vitas: inter quæ genera sic soleo distinguere, vt Historiā texturę simplicis telę comparē, vitas picturæ artis Phrygionicę, quæ acu fit, estq; subtilior multò, & delicatior, & sericum, & argentū, & aurum admittit, & varietatem exigat: ac idcirco conciunculas inferui ad concitandos affectus accommodatas; volo enim vt ardeas interdum lector, & colliquefcas; & quibus ego dum scriberem pungi me sentiebam, ijs tu per mea verba expressis ad omne virtutis genus stimulere. Quoquo tamen modo stylus se habeat, res tu expende: & ad ea, quæ leges, acta te compara. De dictione rectè ne, an secus sentias, haud multùm morabor. Vale.

FR.

FR. BONAVENTURA CABALLVS
Ord. Min. Strict. Obseru. Sacrae Congrega-
tionis Rituum Consultor, & in Gisinontana
Familia Obseru. ac Reform. Commissarius
Generalis, & Seruus. Dilecto nobis plurimū
in Christo P. F. Francisco à S. Augustino
Macedo, eiusdem Ordinis, & instituti Lecto-
ri Iubilato, & salutē in Domino.

Opus quoddā, cui titulus est: *Vita Theresie* à te cō-
positum, & elaboratum, cum à duobus Religio-
nis nostrae Theologis reuisum & approbatum fuerit,
quibus id rei commissum, harum vigore facultatem
tibi facimus, quatenus illud cum benedictione Dei
Typis mandare possis, seruatis in reliquo sanctioni-
bus Apostolicis, nostrique Ordinis Constitutioni-
bus. Vale. Datum Romae in Araceli, Die 22.
Iulij 1667.

Fr. Bonauentura Caballus Commissarius Generalis.

Approbatio R. P. Fr. Francisci Maria de Castro S. Pe-
tri Prouinciae Bononiae Patris, Custodis
Lectoris Iubilati.

Librum istum, qui *Vita Theresiae* praeitu-
latur, sic mandante Reuerendiss. P. Com-
missario Generali, ea qua potui diligentia
percurri. Cumque in eo quidpiam, quod
San.

Sanctæ Fidei , aut bonis moribus aduerfetur
minimè repperim • prælo digniffimum exi-
ftimaui. Prodeat igitur tantum opus in lucē,
& ad tanti præceptoris gloriam, & ad Reli-
gionis Seraphicæ decus, ac incrementum .
Datum Romæ die 12. Iulij 1667.

*Fr. Franciscus Maria de Castro S. Petri Prouinc. e
Bononiæ Pater, & Custos .*

*Aprobatio R. P. Fr. Romani petrelli, Le-
ctoris Generalis .*

Opus istud, cuius titulus est, *Vita Tbe-
resia* ex iussu Reuerendiss. P. Com-
missarius Generalis ego infra scriptus dili-
genter inspexi, cumq; nihil contra Catholi-
cā fidem, aut bonos mores, sed potius om-
nia ad eiusdem fidei exaltationem, & stu-
diosorū profectum vtilia inuenerim, typis
mandari posse censeo. In quorum fidem,
&c. Datum Romæ in Conuentu S. Mariæ
de Araceli die 16. Iulij Anno 1667.

Frater Romanus Petrellus Lector Generalis.

Imprimatur
Si videbitur Reuerendissimo Patri Magistro
Sacri Palatii Apostolici.

M. Episc. Arimini Vicesg.

DE mandato Reuerendissimi P. Magi-
stri S. Palatii Apost. legi librum, non
tam de Reginarum Maiestate, quam de ornata
sermonis sublimitate censendum, cui titulus,
Vita Theresiæ Reginæ Legionis, & San-
ciæ Dominæ Lerabiciæ, Sororum Lusita-
torum, &c. Fratre Francisco Macedo Lusi-
tano Autore, in quo sicut nihil non Catho-
licæ Fidei, & Christianis moribus consonum
reperi, ita Latini medullam sermonis suavis-
simè degustavi. In hunc librum (thesaurum
verius dixerim, æquè argumenti dignitate
ac aurea eloquij scena spectabilem) non solum
diuitias omnes sui congeffit ingenij, sed Au-
tor, qui totus eloquentia est, usque ad eo se-
metipsum totus effudit, ut pretium paginis
facere videatur, non magis descripta sceptræ,
quam calamus. Dignum propterea existi-
mo,

mo, qui in Reipublicæ litterariæ commodum
edatur in lucem, præsupposita Superiorum,
ad quos pertinet, facultate, tot habiturus lau-
dum suarum præcones, quot inueniet ubique
Lectores, &c. Roma in Conu. S. Augustini
die 13. Maij 1667.

Fr. Ludouicus de Gen. Ord. Erem. S. August.

Imprimatur

Fr. Hyacinthus Libellus Sacri Pa-
latij Apostolici Magister.



V M Sanctissimus D. N. Vni-
uersus Papa VIII. die 13. Mar-
tij anno 1625 in Sacra Congr-
gatione S. R. & vniuersalis In-
quisitionis Decretum ediderit, idemque con-
firmauerit die 5. Iunij anno 1734. quo in-
hibuit imprimi libros hominum, qui Sancti-
tate, seu Martyrij fama celebres & vitæ
migrauerunt, gesta, miracula, vel reuelatio-
nes siue quæcumque beneficia, tanquam eorū
intercessionibus à Deo accepta continentes,
sine recognitione, atque approbatione Ordi-
narij, & quæ hætenus sine ea impressa sunt
nullo modo vult censeri approbata. Idem au-

tem

tem sanctissimus die 5. Iunij 1531. ita explicauerit, ut nimirum non admittantur elogia Sancti, vel Beati absolute, & quæ cadunt super personam; benè tamen ea, quæ cadunt supra mores, & opinionem, cum protestatione in principio, quod ijs nulla adsit auctoritas ab Ecclesia Romana; sed fides tantum sit pœnes Auctorem. Huic Decreto, eiusque confirmationi, & declarationi, obseruantia, & reuerentia, qua par est, insistendo, profiteor me haud alio sensu quicquid in hoc Libro refero, accipere, aut accipi ab illo velle, quàm quod ea solènt, quæ humana dumtaxat auctoritate, non autem diuina Catholica Romanæ Ecclesiæ, aut Sanctæ Sedis Apostolicæ nituntur: ijs tantum modo exceptis, quos eadem sancta Sedes Sanctorum Beatorum, aut Martyrum catalogo adscripsit.

FINIS

V I T A
TERESIAE

REGINAE LEGIONIS:
ET SANCTIAE

Dominæ Ierabricæ Sororum Lusitanarum.

Sanctimonialium Cisterciensium Sancti
Bernardi instituti, quæ Vulgò, Sanctæ
Reginæ, appellantur.

FRATRE FRANCISCO MACEDO
Lusitano Authore.

C A P V T I.

Brenis Regni Lusitani descriptio.



Q V A Hispania Occidentem spectat, & Oceano extremo alluitur, Lusitania iacet, in longitudinem iustam

ſtā porrecta: cæterum anguſta, hinc
 angente terra, hinc vetante mari;
 ad Septentrionem ardua, & clau-
 ſa montibus, ad Auſtrum plana,
 & aperta campis: pars maritima
 cuneata littoribus, curuata ſinubus,
 diſtincta promontorijs; interiùs fre-
 quens, exteriùs portuoſa, ad com-
 mercium vndique opportuna;
 ſalubri Cælo, fertili ſolo, piſco-
 ſo mari. Gens quondam armis
 ferox, ſibi hærens, ſocietatis inſo-
 lens, cum deſueta exteris; deinde
 uſu, & conſuetudine manſuetior,
 litteris etiam clara; belli iuxta, &
 pacis ſtudijs floruit. Ingenitæ li-
 bertatis amans, & tenax: ſeruitutis
 impatiens, Romanum primùm,
 deinde Mauricum iugum vltima
 amiſit, & prima excuſſit. Chriſtia-
 niſacris initio religionis imbu-
 ta,

ta, traditam Fidem nulla vnquam
sorde hæresis inquinata , nulla
schismatis labe infecta, inuiolatam
seruauit. Ante, & post exactos Mau-
ros communes Lusitani cum cæte-
ris Hispanis Reges habuere, donec
anno fermè centesimo post mil-
lesimum , cùm Alphonsus Sextus
Hispaniæ Rex auulsam à corpore
Regni partem cum Teresia Filia
Henrico Lotharingo ne? an Bur-
gundo? Principi in dotem dedisset,
Alphonsum filium, maternum ius
ad sceptrum trahentem , Regem
salutarunt . Inde proprij Lusitanis
Reges esse coeperunt . Postea rem
strenuè armis gerentes intus Re-
gnum, imperium foris propagarūt.
Primùm in Africam , mox in
Asiam, demum in Americam in-
tulere arma, cum signo Crucis con-

iuncta : primique & nauigationis
inſtituendæ, & Religionis ampli-
candæ auctores fuere . Quicumque
populi aut explorare maria , aut
aperire terras ſunt auſi , Luſitanos
& imitati , & ſecuti Orbem pera-
grando, impreſſam vbique eorum
virtutis orbitam inuenerunt . V-
nus omnium Europæ regum Lu-
ſitanus ex aulæ ſuæ fenestra in Ta-
gum ſubterfluentem incumbens
venientes ex quatuor partibus di-
uerſis coniunctas pariter vno mo-
mento naues videt, ſequæ omnium
gentium linguis Dominum ſalu-
tari audit . Adeò anguſtum illud
regnum longè latèque dominatur,
vt cum in vniuerſum ſe effundat
Orbem, eundem in ſinu ſuo colle-
ctum recipiat .

CAPVT II.

Alphonſi Primigeſta, & Aulæ inſtituta, & mores.

INito regno Alphonſus Primus poſt fractas Maurorum opes, & vindicatam armis vltiorem Luſitaniam, quam Minius Durius, ac Munda fluuij interſecant, per reliquas prouincias circūlaturus armaſedem ac regiam Conimbricę fixit. Hęc urbem potiffimū delegit in corde regni ſitam, & ipſam cor regni, trophæi more in edito poſitā, oleis cinctam, quæ lauros mitigarent, pronam in amnem, ſalubrem, & amēnam, ad reficiendas vires, & ſudores belli detergendos idoneā. Hic iuſtum Maſalda vxor, & Re-

gia familia domicilium poſuit .
Hinc Alphonſus armatus ad præ-
lia ferox , & alacer exhibat . Huc ad
otium poſt victoriam iam mitis, &
lentus redibat . Illo ſub Rege , ac
Sancio filio, ſi arma ſpectes, ferreū,
tempus fuit: ſi mores, aureum . Pio
& aſſiduo occupatis bello , non ob-
repebant vitia: quippe nec deſidia
laxabat vires; nec vagæ libidines
eneruabant corpora : nec fallax
adulatio extinguebat fidem : nec
turpis ambitio ſuſtulerat merita ;
obduratos militari uſu animos blā-
dæ deliciarum tineæ corrumpere,
non poterant; nec obducto callo ſo-
lidata membra molli bus volupta-
tum illecebris ceſſerant: galea pre-
mente frontem nemo calamis ſtris
intorſerat crines . Aſperatis gla-
dio, & ſcuto manibus nec diſſolu-
tis

tis, nec rapacibus esse licebat. Pares
feminæ viris. Domi contineri, pēsa
obire, colum, & acum tractare, ra-
rò conspici, ornamenta negligere;
fucos & pigmenta ignorare; alie-
nos vultus non intrudere, proprios
ingerere, à vino tēperare, nihil ole-
re: virgines verecundiam, matrone
grauitatem præ se ferre. Indole sua
quisque utebatur, & suo se prode-
bat ingenio. Imago animi vultus,
indices oculi, sensa cordis verba
exprimebant. Atque uti vultus
sine fuco; ita animus sine dolo.
Domi humanitas, in foro fides
vigeat. Mensæ paræ, som-
ni breues, vestitus, & cibus parabi-
lis. In armis, & equis elegantia.
Tanti fieri quisque solebat, quan-
tum de Rege, de que Republica
merebatur. Rectè facta, & præ-

clarè gesta certa præmia sequeban-
tur : secùs actis supplicia iusta con-
stabant . Si quid à quoquam deli-
ctum , humanæ imbecillitati dari ;
non aut impudentiæ , aut malitiæ
assignari solitum . Innocentes ani-
mi de criminibus mitiùs iudica-
bant . Summa in Rege, Regina que
religio accendebat ad pietatem,
cæteros . Charior his qui propior
Deo erat . Magna inter se concor-
dia ciuium , ac eò maior quòd cir-
cumstabant Mauri , quibus cum
non tam regni amplificandi cupi-
dine , quàm asseruandæ religionis
studio bellabant . Hæ artes, hi mo-
res illis congruebant temporibus ;
quanquam nec boni mores sint be-
neficiæ temporum , nec praua vitia
eorundem , sed hominum , qui vt
se purgent malefacta temporis im-

putant, atque vt excusatio sit verosimilior, ijsdem rectè facta assignare malunt.

C A P V T III.

*Sancij Patris Tereſiæ , & Sanciae
indoles , & proles .*

HAc in vrbe, in hac regia Sanci-
cius primus Alphonsi Pa-
tris filius, & hæres natus, ac educa-
tus pios æquè , ac nobiles ſpiritus
hauſit, eos adultus magno reipubli-
cæ proſectu , ingenti Maurorum
damno ſeruauit . Patris in templis
comes, in bellis adiutor , æquare
potuiſſet Alphonſum , ſi parem is
habere poſſet . Eo viuo duxit vxor-
em Dulciam , ſiue Aldonciam
inſignem forma, & virtutibus vir-
ginem,

ginem, ſuis dignam parētibus pro-
 lem. Berengarium quippe Comi-
 tem Barcinonenſem patrem: Pe-
 tronillam, Aragoniæ regis filiam,
 matrem habuit. Plures ex Dulcia
 liberos ſuſcepit Sancius: virilis ſtir-
 pis tres. Alphonſum natu maxi-
 mum, heredem regni, Craſſum po-
 ſtea dictum. Ferdinandum, qui in
 Flandriam vocatus ab amita Ma-
 thilde, illius opera Ioannam vni-
 cam Balduini Flandriæ Comitis, &
 poſtea Imperatoris Conſtantino-
 politani filiam, & heredem con-
 nubio ſibi iunxit, & in funetto
 apud Bouinas prælio à Philippo
 Auguſto Galliæ rege, aduerſus quē
 pugnabat, captus, & in Luparā Pa-
 riſijs coniectus tandiu in vinculis
 fuit donec à Ludouico Nono edu-
 ctus paulò poſt Nouioduni ſine li-
 beris

beris obiit. Petrum, qui propter similitudines cum rege fratre susceptas in Mauritaniam secessit, ibique cum diu in magno apud Barbarū regem honore vixisset, mortuo fratre in Lusitaniā rediit: creatus postea Comes Vrgellensis, deinceps Rex Balearum insularum institutus, impar viribus oblatum principatum sustinere non potuit, & nulla relicta prole Dynasta decessit. Hi Mares. Fæminæ fuere quinque. Teresa, Masalda, Sancia, Berengaria, Blanca, quarum (vt interim omittam de quibus scribimus duas) Masaldaincestis nuptijs Hērico Primo Castellę Regi copulata, post susceptam ex eo sobolem auctoritate Romani Pontificis dirempto matrimonio, thoro exclusa in Aroucense monasterium Cister-

ſtercienſis ordinis, ſuis ad id ſumptibus ædificatum, incluſit ſeſe, ibique reliquum vitę tempus exegit. Berengaria innupta in regno Caſtellę Guadalaiarę, cuius domina effecta eſt, vixit. Mortuę oſſa in Luſitaniã delata ad Sanctę Crucis iuxta patris ſepulcrum iacent. Blancam nouiſſimam virgunculam Tereſia, cum diſſoluto matrimonio in patriam reuertifſet, ad Loruanienſe Cęnobium in quo ſe conſiderat, ſecum duxit, & Chriſto cõſecrauit, & breui amiſit. De Tereſia, & Sancia ſcripturi ſumus. Nothos non curamus.

CAPVT IV.

Domestica Reginæ, & aulicarum virginum illis temporibus exercitatio.

VTi viri id temporis apud regem militaribus se operibus exercebant, ita virgines Palatinæ apud reginam muliebribus artibus operam dabant: quæ horæ tum diurnæ, tum nocturnæ maioribus curis vacuæ supererant, eas ad muliebria obeunda pensa conferebant. Quod quia in solemnem consuetudinem vertit, & ad illustrium feminarum familias transijt, necesse est accuratè describere ad specimen officij. Gynæceum est amplum, & liberum in quo tabula-

latum modicè erectum, & parieti
commiſſum, longum magis, quàm
latum porrigitur tapetibus con-
tratum. Hic ſedetur more patrio
in ſolo; niſi quòd Regina, ac re-
gij ſanguinis feminis puluini ſub-
ſunt. Hic eſt ordo ſedentium. Emi-
net regina in ſūmo, à lateribus re-
giæ feminæ confiſunt. Hæc prima
ſeries eſt: ſuccedit ſecunda nobiliū
virginum aulicarum, intra tabu-
latum, ſed humiliter ſine puluinis
ſedentium. Tertia, quæ ancilla-
rum eſt, extra tabulatum manet, &
in pauimento ſtoreis è nitido iunco
intextis cooperto ſedem habet, vt
ſua cuique ſtatui dignitas conſtet.
Atque vt locis diſſident, ita mate-
ria, & opere differunt. Supremæ
acu pingere, & adhibito auro, & ſe-
rico artem Phrygiam exercere: me-
dię

diæ tenuissima lina interiectis filis
diuersicoloribus distinguere, & cris-
pare: infimæ inferta lateri colu, &
actō in tortilem modū fuso, linum
& lanam carpere, & deducere: sic
ad multam diem laborare: sic lucu-
brare ad multam noctem. Confe-
ctis operibus, in symbolum pensa
colligere, secernere, & in diuersas
cistas reponere, vulgaria in uestitū
priuatum, & domesticum vsum,
conferre, pretiosa ad ornatum, cul-
tumque seruare, excellentia altari-
bus destinare, & sacris addicere.
Hæc reginæ, & regiarum virginum
opera erant: pietatis in superos ar-
gumenta laboriosa; nec alia merces
exigebatur præter accipientium
preces, non imperata tamen a do-
nantibus, sed oblatas, & volunta-
rias. Hac ratione vestiri nobilius

aræ, ſacrari religioſius, ſplendere clariùs: ornari effigies, & ſimulacra decentiùs, ſupellex vbique ſacra copioſius augeri: diurnum illud, & nocturnū ſeminarum otium belli, & foris negotijs æquari. Interdum reges huiuſce laboris uſuram capiebant: ſupererāt quippe ex operis, quæ militibus, vel incitamento ad militaria patranda facinora, vel præmio ijs patratiſſent; & glorioſum erat his ornamentis diſtingui milites, & noſcitari. Sic aulicæ virgines accendendo ad prælia bellatores, vel ſedentes hoſtem vincebant.

C A P V T V.

Teresiae inter reliquas aulicas virgines in officio praestantia .

E Minebat inter cæteras , impensè dedita studijs pietatis . Erant quædam communia . Diuinis interessè mysterijs , interiores sensus ad meditationem reuocare , sacrarum precum pensum conficere , relata in album sanctorum nomina inuocando reddere , piacularium orbiũ filum (Rosarium dicũt,) precando deducere . Hæc quotidiani muneris erant . Illa certis ac frequenter suscepta tēporibus ; sacris adesse concionibus , aperire conscientiae latebras , & contractas sordes sacerdoti exponere , Euchari-

sticum cibum sumere, quæstiones
excitare pias; collationes, sancto-
rum Patrū more, de rebus ad pro-
fectum animi attinentibus insti-
tuere. In his Terefiā desiderari nū-
quam, sæpè primas partes agere, &
in schola illa virtutis non tam dis-
cere, quàm docere: exemplo præire,
non sequi. Adijcebat propria. Ex-
tenuare inedia, verberare flagellis,
pungere fetoso cingulo corpus, pu-
blicas Regiæ delicias secretis excru-
ciationibus macerare, aulæ officia
sensim interrompere, & Deo vaca-
re, in se altiùs descendere, abditos
animi recessus scrutari quotidie, de
cogitatis, dictis, factis seuerè ratio-
nē exigere: si quid delictum esset,
de eo à Deo veniam postulare. Stra-
ti mollitiē asperare, & ex eo sæpe
ad orandum surgere, & precibus
som-


somnum carpere. Illud ei familiarē : conceptas Diuini amoris flammās per ardentes suspiriorum faculas eructare, & subitis oratiuncularum ictibus cælum petere, ac in superos piè iaculari . Nec minus hæc illi agendi , quàm occultandi studium fuit. Luminibus virtutum splendore maiestatis obstruebat. Ingeniosa demissio , quæ fastum, opulentiam quæ obtendens sanctimonix opinionem auferebat . Ecquis in habitu, & cultu regij corporis inopem, ac demissum animum habitare crederet? adeò inimica est pompa virtuti, vt sola specie obiecta suspicionē vitij creet . Nescires vtra magis placeret Deo, virtus ne, an occultatio virtutis?

CAPVT VI.

*Alphonſo Regi conſanguineo inceſtis
nuptijs collocatur.*

CElſa in Tereſia indoles, excellens forma, eximia virtus claram in tota Hiſpania fecere. Fama excitus Rex Legionis Alphōſus habere vxorem voluit. Legatos ea dere ad Sancium patrem miſit. Nec difficile fuit obtinere. Vtriuſque partis ſtudium matrimonium expetentis effecit, vt arctiſſimæ neceſſitudinis impedimentum, aut non animaduerterint, aut non curarint. Rudis ætas, locus diſſitus, Maurorum vicinia, armorum ſtrepitus, eò profecerunt, vt excuſatiùs facerent. Iit ad innuptas nuptias
Te-

Teresia, & contra fas in consanguineum thalamum accepta, prolem numerosam coniugi, sed ex legem peperit. Vixere ambo diu concorditer, & tranquillè, vel ignorantia legis, vel vi amoris conscientiam obtundente. Forte nihil; certè minus peccauit Teresia ob sexum legis inscia, & obnoxia parentibus, quibus cùm fidem habere, tum morem gerere oportuit. Non erat virginis vix dum adultæ, examinare an liceret, an deceret cōiugium, sed indictum acceptare. Vnde enim leges vetantes sciret? aut vt sciret; an impedimentum sublatum esset ambigere? Videtur innocenter fecisse. Vellet ne Virgo Regia tantæ indolis, tantæque probitatis, scortimore vetitis inferri thalamis, tradi stupratori, non viro: iacere prosti-



bulum, non vxor, infami flagitio
inceſtare thoroſ, adulterinoſ concipere, ac edere foetus, ſpurioſ deinceps futuros? ſane vt error in nuptiis fuerit, peccatô videtur abſolui poſſe Tereſia. Cuius innocentiaẽ fidem Deus, (vt par eſt credere) poſt mortem miraculo fecit. Repertum eſt eiꝯ corpus integrum, conſperſum floribus, & flagrans, ac ipſoſ flores recentes conſeruans, conditione victa naturæ; argumento: non fuiſſe læſam crimine mentem, cuiꝯ eſſet corpus inuiolatum. Pudicã illam, iſtud impollutum, in quod animi caſti virtus tranſiſſet. Quam narrationem ſuo loco inferendam, hic non ineptè, opinor, occupamus.

CAPVT VII.

Teresiæ iam nuptę studia, & mores :

PActam sibi Alphonsus rex Legionis Teresiam cum ingenti dote vxorem in Regnum accepit. Forma superabat dotem. Sed vtrique virtus præstabat. Idē vitæ institutum, quod in aula patris virgo tenuerat, in viri aulam inducta coniux seruauit. Breui illam intem, plū vertit. Nec dissimiles ibi suis, quas secum piē eruditae duxerat, virgines inuenit. Atque vt harum ingenia mollia sunt, tum ad accipiendam, tum deponendam doctrinam, exemplis, quæ altiùs hærent, documenta dedit. Verum nō licuit per connubium consuetas macera-

tiones corporis , & ſeueram vitæ
diſciplinam retinere , quòd in po-
teſtate coniugis erat. Obedientiam
igitur in officium duxit. Quidquid
de aſperitate detraxit, addidit de
meditatione Cæleſtium ; reliquit
ſtudia pietatis priuata, induxit cõ-
munia. Exercitationes ſacras auli-
carum virginum plures, & longio-
res fecit . Flagabat Regia odore
virtutum . Iuuabat vicina æmula-
tio Maſaldæ ſororis, quæ paulo poſt
ipſã nupſerat Henrico Primo regi
Caſtellę, & iam diu apud illum ha-
bitabat . Hanc iſdem pietatis arti-
bus inſtitutam idem ſtudium reli-
gionis accēderat. Quò maior erat ſi-
militudo indolis, & morum, eò a-
crior erat illa æmulandi contentio .
Ac vt reges foris in depellēdis Mau-
ros pari gloria inter ſe certabant ,
ita

ita Reginę domi de cohibendis vitijs æquali laude contendebant: nec magis arma reges decebant, quam coli, & acus Reginas. Illa maiorem edebāt strepitum: hæ certiore ictu citra tumultum hostes animi feriebant. Vtrobique, & domi, & foris tum à viris, tum à mulieribus trophęa erigebantur, sed muliebria præstabant.

C A P V T VIII.

*Incestum matrimonium ultio diuina
consequitur.*

HAec species priuatę virtutis aliquandiu textit incestum. Ea simplices capti ciues in officio citra suspicionem latentis in coniugio mali continebantur. Verum, simul-

simul ac liberi nasci cœperūt, venit
in mentem successionis; & princi-
pes viros incessit cum religione pu-
dor hæredis, quem nisi iustum, &
legitimum populi ferre nō possint.
Tunc erectæ mentes Optimatum,
quasi euigilassēt è somno; & matri-
monij vitium animaduerterunt.
Moniti reges, focer, & gener aures
obturarunt. Vtrumque occæcabat
amor; generum coniugis, focerum,
filix: ipsa diuturnitas conscientix
callum obduxerat: mollior ad cōsi-
lium iuuenis coniux: durior senex
vitoris pater. Obstinatum vtriuf-
que animum superi non tulerunt.
Penas principibus debitas expetie-
runt à populis. A Lusitanis præ-
cipuè, quibus pertinacior rex con-
tigerat. Ergo moueri terra, turbari
aer, nubes cogi, tonare, ardere, ful-
mina-

minare, Cælum in nimbos ruere,
rursum æstuarè : fata nunc torreri
ardoribus , nunc obrui imbribus ;
vineæ verberari grandine ; arbores
deijci ventis, fructus perire , pecu-
destabescere, pecuaria interire, lo-
custarum deuolare nubes, frumenta
insidere, ac erodere : vbique eluui-
ones, hiatus, & labes terræ fieri ; mare
intumescere , tempestates existere,
naues opprimi, vectores naufragari,
annona carior fieri, fames vrgerè ,
& quod miserrimum est, pestilen-
tia sæuire . Nullum genus mali ex-
cepto bello ciuili, (nam & exter-
num cum Mauris erat) fuit , cuius
per id tēpus Lusitania expers esset.
Id senes testari: negantes antea sese
eiusmodi quicquam, vel vidisse, vel
audisse id eruditi cōfirmare; nūquā
talìa infortunia in vllis historiarum

libris ſe legere meminiffe . Omnes ſummi,medij,inſimi conuenerunt atrocis alicuius delicti iuſtum illud ſuplicium eſſe. Tam acriter Superi aut omiſſam , aut neglectam Romani Pontificis authoritatem vlti fuerunt.

C A P V T IX.

Lusitani calamitatum cauſas inceſto matrimonio attribuunt .

Luſitani, gens indole pia, genio Religioſa, iuris amans, Superum metuens , Pontificis Romani obſeruans, rati propter peccata tot malis affligi, genus delicti inquirere occœperunt. Inſolentia, & grauitas incommodorum perſua ſerat , non temporum errationes eſſe ,
ſed

sed errata morum, nec euentā fortuita, sed certa supplicia. Ea quisque cum priuatis sceleribus conferens, vti singulis fas erat culpa re se se, ita nefas damnare alios, cū præsertim innocētes fontibus vel pares, vel plures essent, ac priuatis delictis priuata supplicia, & solita respondere optimè scirent, nō publica, & insolentia. Igitur oculos altiùs tollere, & in principes intueri, ac de ijs quiddam sinistrum suspicari. Et quanquam arcebat reuerentia, quæ summa erga eos Lusitanis est, vicit tamen religio calamitatibus aucta. Sacræ litteræ docebant, plecti ob peccata regū populos solere. Venit in mentem connubium Regiarum Virginū, & Pōtificia authoritas vel præterita, vel contempta. Sedit hæc sententia. Iudicarunt eam, & quidem

dem iuſtam, poenarum cauſam eſſe. Deum Vicarij in terris ſui iniuria ſ vindicaſſe. Cæli intemperie punire eos, qui non obtemperarent ei, penes quem ſcirent claues Cæli eſſe. Illa coniunctione nuptiarum, diſſoluta iura naturæ, ideo laxatas compages mundi, & elementa ſeparata. Matrimonium vitio contractum corrupiſſe aerem, & peſtilentiam induxiſſe. Iniquas tædas inflāmaſſe nubes, & fulgura, & fulmina euocaſſe. Illos riſus, & luſus nuptiales obduxiſſe Cælum nubibus, & imbres è lacrymante Cælo eliciſſe; ſpem concipiendi ex irrito coniugio ſcetus, terram negando fructus ſterilitate caltigāſſe; ventos, & maria allifu nauium, proiectu merciū, vectorum naufragio, fractionem connubialis thori, dotis proſcriptionem.

tionem, liberorum eiectionem significare.

C A P V T X.

De Dissolvendo connubio legati Romanam mittuntur.

IMpotens calamitatum vulgus
nil æqui, nil pensi habet, vicem
tantummodo suam sollicitū, nullis
continetur repagulis. Incendit ergo
procures questu, ira, furore: ac eò audacius,
quòd obtentui habebatur religio. Pupugit
commiseratio, & officij mentio Antistites
sacrorum, & procures aulæ, & magistratus
reipublicæ. Deliberari de re ceptum, sed
destitum, quia Legionis, & Castellæ
Regni populi, ad quos præcipuè
spectabat causa, cùm in regna accep-
pif-

piſſent nuptas, quieſcebant. Itaque
nihil tum proſectum. Verùm cum
illi moueri cæpiſſent, & reges com-
moneſacere de illicitis nuptijs cõ-
tractis, exarſere ſtudio religionis
Luſitani, & principes omnium or-
dinum viri Romam certos homi-
nes totius Regni nomine miſerunt:
qui Romam Pontifici (is tunc erat
Celeſtinus III.) rem deferrent. Ad-
miſſos Pontifex benignè audiuit, &
cauſa grauiffima, & ère Pontificia
erat. Senatum de ea ſacrum haberi
placuit. Decretum vt Legatus Pon-
tificius in Hiſpaniam mitteretur
cum mandatis, vt coacto epiſcopo-
rum prouinciæ concilio, quò maior
conſtituto fides eſſet, inceſtum illud
matrimonium dirimeretur, Reges
coniuges ſepararentur, liberis tan-
quam illegitimis iurè regni inter-

dice-

diceretur. Atque, ut maior auctoritas, & splendor legationi esset. Guillelmum Cardinalem legatum placuit mitti, virum domi splendidi, foris clarum, qui expectationem, & auditus moueret, & conspectus sustineret Eum Eduardus Nūnius nobilis scriptor Lusitanus à Sancto Angelo Cardinalem vocat. Cuius nos in tabularijs per id tempus tituli, Romæ nullum reperire potuimus. Fides penes Eduardum sit; nec mirum quòd in Angelo hallucinemur, qui vel non visus præterit, vel aliena specie obiecta visus, aciem videntis solet obtundere.

CAPVT XI.

*Coactō ſuper ea re Concilio aduocati
regij ſuas partes agunt .*

S Almanticæ, in altrice litterarum vrbe, Luſitanix, & Legionis Epifcopi conuenerunt. Aderāt procuratores regij qui matrimonij ius defenderent. Præſide Cardinali res acta; hic ſtatum cauſæ proponi iuſſit. Dixere primùm Aduocati ſecundùm legēs matrimonium factum: nullum ei ineſſe vitium poſſe. Licere per ius ciuile patrueliū, & conſobrinorum coniugia. Sic legem Codicis. ſic inſtituta iubere. Ita Romanos, ita Græcos (vt barbaros omitterent) & duxiſſe, & locaſſe, conſanguineas. Remotiorẽ eſſe
eum

eum gradum, quàm vt vetari posset. Iudæis per legem diuinam esse permissum; imò & fratrum, & sororum licitum aliquando fuisse cōnubium. Saltem inter eos, qui altero solum parente nati essent; idque Abrahæ, & saræ exemplo persuadere conabantur. Minus tamen vel le se; nec ista matrimonia recipere pati ve, consobrinorum tantùm asserere; abs re esse securim iuris in ramos tam procul à radice arboris remotos injicere. Quatuor gradus distare filios fratrum à stipite, ac ita leges priscas sanxisse, quas Iustinianus, & sequentes Imperatores confirmassent; ijs communem consensum gentium accessisse. Quod si ius Pontificium aliter numeravit gradus, insolenter, & tantùm verbo venus fecisse: abstulisse vocabulum,

rem ſanguinis reliquiſſe. Nuſquam
extare leges, quibus caueretur, ne-
quiſ intra illum gradum matrimo-
nium iniret. Sin eas aduerſarij pro-
ferrent, à ſe refutatum iri. Atque, vt
nōnullæ forent, eas obſoleuiſſe. Nec
vt vigerent, poſſe antiqua ſtatuta
conuelli, aut infirmari. Matrimo-
nium regum ſuorum ſtare nixum
iure humano, diuinoque. Rem eſſe
plenam periculi pueros inceſtare,
thalamos, diſſoluere iura connubij,
auellere vxorem à complexu viri,
filios à matris gremio abripere, re-
giam prolem ab aditu hæreditatis
excludere. Quid amplius à Mauris
hoſtibus pati Chriſtianos reges po-
tuiſſe?

CAPVT XII.

Pontificij uas stuentur.

HIs Pontificij ex aduerso responderet. Christianis non attendendum quid cum Iudæis, & Gentibus commune esset. Populo ab illa fæce segregato puriora sectanda. Gentibus ob ignorantiam, Iudæis ob duritiem pleraque permissa, quæ vitare Christianos oporteat; nec omnia quæ patroni regię causæ asumerent vera esse. Saram, quippe Abrahæ non sororem, sed consobrinam fuisse. Connubij leges vagas Christum restrinxisse, cuius vicarios Pontifices, ut seruarent præcepta, gradus consanguinitatis, & affinitatis certius statuisset, & exa-

etiùs numerafſe. Fratrum, & ſoro-
rum filios in ſecundo collocafſe, nō
ad quartum reieciſſe. Nec ijs tan-
tum, ſed etiam alijs intra ſeptem,
interdictum eſſe coniugium. Eum
iam inde ab initio Eccleſiæ morem
vigiſſe. Hanc, & quid non liceat,
& quid non deceat, ſpectare ſoli-
tam eſſe. Extare Canonem Iulij I.
qui ad ſeptimum uſque gradum,
interdictum extendat. Id renouaſſe
Gregorium Magnum cōcepto edi-
cto. Recepiſſe Germaniam, & Gal-
liam ex Concilijs Vvormatienſi,
Agathenſi, Lugdunenſi, Cabilo-
nenſi conſtare. Quin etiam Hiſpa-
niam ante Gregorij ætatem illius
conſuetudinis obſervantem fuiſſe.
Concilium Toletanum ſecundum
perſpicuè teſtari: eiufdem Ambro-
ſium, & Auguſtinum idoneos eſſe
auto-

autores: Alexandrum Secundum, ante sesqui seculum in Concilio Lateranensi sua illud impedimentum constitutione sanxisse. Potentius esse ius Pontificium legibus civilibus. Has per illud corrigi, ubi deuiarent ab æquo suaderi exemplo præscriptionis, quam cum mala fide currere leges sinerent, canones obstiterunt ne curreret; nuptias illas quod à consobrinis regibus contractæ fuerant, innuptas extitisse; quæ una re interposita ritè fieri possent, id est authoritate Pontificia, eam defuisse. Nullam inferri iniuriam matrimonio, quod nullum fuisset, nec auelli coniuges, qui contra ius fas que coijsent, nec ex hæredari liberos, qui spurij nati fuisset. Rectè expeti pænas in eos, qui iura sacra violassent, & authoritatem Ponti-

ficam neglexiſſent: Quod attinebat ad ſomma à Mauris petitum, illud ſe reponere: præſtare pati à Mauris, quàm cum illis peruerſè agere .

C A P V T XIII.

Matrimonium de ſententia Patrum dirimitur, Tereſia in Luſitaniam redit .

HIs in vtramque partem diſputatis, & maturè diſcuſſis, decreta à Patribus diſceſſio, eaque regibus indiſta . Qua re vtrique vulnus inflictum, ſed multò vxori grauius, quæ futuri connubij ſpe cadebat ; ſed vicit dolorem cum dedecore coniunctum pietas in Deum , & obſeruantia erga Romanum Pōtificem, quæ Luſitanis principibus quaſi

quasi ingenita ab initio regni viguit, hodieque viget. Vix dum prolata sententia, Aula Tereſia exijt, nec thoro ſolum deinceps, ſed etiã domo, quò procul eſſet à peccato, & ſuſpicionẽ, abſtinuit. Omnibus ad Deum curis conuerſis de cælibatu cogitauit. Quos tres ediderat liberos apud regem patrem relinquere maluit, quàm ſecum in Luſitaniam, quò concedebat, ducere; nequid in eos maternæ ſolicitudinis deriuaret, eò quæ à Cæleſtium contemplatione auocaretur. Conimbricæ regia in vrbe diuerſorium habuit, quaſi deliberatura de domicilio. Florens ætas, abundantia opum, oppidorum frequentia, quibus à rege Sancio patre donata fuerat, recens à maieltate ſplendor, non minutus dedecore, ſed auctus pietate, ſuſpicio-

cionem fecerant ſuis, & alienis Tereſiam regio more deinceps victuram. Sed ſanctiora ſecum illa conſilia agitabat. Infederat animo ſpecies quædam Cæleſtis, quæ obiecta oculis mentis, miros ſui excitabat amores. Molliorem ad diuinas impreſſiones acceptum vulnus reddiderat. Fingendam itaque ſe Deo, vt i ceram præbuit. Aulam, & pompam perſeſa fugiendi in ſolitudinem nobilem impetum coepit. Addidere ſtimulos tum noua à fratre Alphonſo rege orta calamitas, tum opportuna à Sancia ſorore ad ſeceſſum exhortatio, quæ paulo ante exagitata ab eodem fratre, vrbe regia, & Aula relicta Ierabricā (vulgò Alenquerium) ſuæ ditionis remotum oppidum confugerat, ibique Deo vacare coeperat.

C A P V T XIV.

*Rex Alphonfus Sorores spoliare patri-
monio conatur.*

S Ancius I. Alphonsi II. pater
moriens filium regni hæredē
reliquerat; verū quòd liberis stir-
pis femineæ abundabat, earum vi-
cem anxius, certa quædam oppida
excepit, quæ ijs testamento legauit.
Quod quidē iure facere potuit: cū
occupata à Mauris Hispania, neces-
se esset ex eorum manibus quæ ipsi
vi vsurparant, ocupare armis: quare
quidquid accedebat regno non tã
postliminiò redibat, quàm virtute
bellica trahebatur. Fas itaque regi
Sancio fuit ex ijs, quas occupauerat
prouincijs, partes decerpere, & li-
beris

beris donare , Terefiæ imprimis ,
quæ natu maxima plura exigebat:
fecundùm eam Mafaldæ confultuit,
poſteà Sanciæ. His ſua ſingulis oppi-
da, & prædia , prout quæque præi-
bat ætate, assignauit: ex his dotem
proſectitiâ ſatis amplam ad regē
Legionis Alphonſum coniugem Te-
reſia ſecum adduxerat; æquam fer-
me Maſalda ad Henricum. Sanciâ
cælibem futuram minima pars, ſed
idonea tamen, ſecuta. Angebant hæc
fratrem Alphonſum regem angu-
ſtiùs regnantem , quàm vellet ; eò
que magis quòd circumſtabant Ma-
uri , à quibus metuebat . Viſum eſt
illi regni fines oculis metienti, plu-
ra poſſideri à ſororibus , quàm par
eſſet. Detrahi regno, quæ illis acceſ-
ſerant . At quod ille vertebat iniu-
riæ, vitium animi erat; imbellis na-
tura,

tura, & ad belli munia piger, domi
federe, quàm foris pugnare malebat.
Crassum corpus hebetabat milita-
rem virtutem : pinguis aqualicu-
lus spiritus igneos opprimebat : ex
ignauia auaritia orta . Adjicere cæ-
pit oculos ad sororum oppida, & li-
uor nobiliora repræsentauit. Inces-
sit ei cupido ea auferendi . Vt spe-
ciem honestatis obtenderet , iacta-
bat: maius illud, quam pro feminis,
imperium esse: traderent sibi oppi-
da : melioribus à se redditibus com-
pensatum iri ; nihil tamen moue-
re ausus est , quandiu matrimonia
cum Alphōso, & Henrico steterunt,
ob metum maritorum; postquam
dirempta vidit, & reginas in regnū
reuersas, rem aggressus est. Pacti pri-
mum , & conuenti mentionem
iniecit, deinde preces, & fraudes ad-

hi-

hibuit honeſti officio teſtas. Subo-
luit aſtus ſororibus. Negarunt, quæ
iure patrimonij, dotiſquæ poſſide-
bant, ea regi fratri tradere. Iret
porrò ille, bellum inferret Mauris,
ab his iniuſtè poſſeſſa vt adimeret,
armis auget imperium. Sic auum,
ſic patrem feciſſe, qui belligerando
fuſis, & pulſis Mauris, regni fines
protulerunt; hos ſubigendos ſibi eſ-
ſe, non ſorores ſpoliandas.

C A P V T XV.

*Alphonſus bellum infert ſororibus,
ſed fruſtra.*

QUò potentiùs imperant reges,
eò impotentiores affectuum
ſunt. Iræ imprimis, & cupiditatis:
nam quod ſemel concupiſcunt, eo
vt

vt fruantur, omnia quæ sibi obstant
vincula, & repagula irati perfringe-
re moliuntur. Igitur Alphonfus,
quod artibus elicere non potuit, ar-
mis extorquere decreuit. In Tere-
siam quæ plura, & viciniora possi-
debat, maiore vi & mole itum. Edu-
cto in campum ex excitu vastari
agri, abduci greges, vexari agre-
stes, circumfideri oppida coeperunt
Sed Theresia virilis animi mulier,
& patri, quam fratri similior stre-
nuè se opposuit, & collecta suorum
clientium, quos amor in reginam,
odium in Regem incitabat, manu,
hostium impetum sustinuit, & re-
pressit. Iuuabat quanquam studijs
magis, quàm viribus princeps Pe-
trus, qui Alphonso fratri auaritiam,
& inhumanitatem exprobat. Ve-
rum conihil profecit, imò Rex ob-
iur-

iurgationibus obſtinatior factus ſæ-
uire vehementiùs cæpit . Itaque
Petrus ſibi metuens clàm regno ex-
ceſſit, & in Africam tranſmiſit, &
ad regem Marrochiorum, quo cum
à maioribus fædus ictum, diuertit,
apud quem mollius, & pacatius,
quàm apud fratrem hoſpitium ha-
buit. Eius diſceſſu irritatus Alphō-
ſus bellum accendit. Iam omnes fo-
rores palam oppugnabantur, Tere-
ſia, Maſalda, Sancia . Proprio quæ-
que occupata bello iuuare aliam
non poterat. Malè ſuſtinentibus im-
petum, & vires Alphonſi, viſum
Romam ad Pontificem mittere,
qui de periculo monerent, & litte-
rarum ſubſidium impetrarent, qui-
bus Rex alioqui religioſus, & pius
ab armis diſcederet. Interim acriter
Rex vrgebat, cui mèlius paratæ Te-
reſia,

refia, & Mafalda refiftebant. Maius
erat Sanciæ periculum, quòd mino-
res, & imbecilliores copias habebat.
Magna vi Ierabricam oppugnabat
Alphõsus, quo illa oppido teneba-
tur: verum minimè confternata op-
pidanos ad defenfionem accendit,
quibus aderat cibarijs, numis, armis,
præsẽtia, ac precibus præcipuè: qua-
rũ tãta vis fuit, vt cùm pauci defen-
sores effent, strenuè tamen, & susti-
nerent hostem, & arcerent: adeo vt
semel cùm arctius obsiderentur,
erumperent, & regias copias fuga-
rent, orante interim pro suis San-
cia, cui illam victoriam oppidani
acceptam ferebant: exinde lenta
oppugnatio fuit. Feliciori adhuc
euentu Teresa pugnavit, cum re-
gijs, quòd iustam ei opem tulit Al-
phonfus olim coniux, qui memor



thalami, memor prolis, filium cum ingentibus copijs in Luſitani-
am miſit, & Regem Alphonſum ab
oppugnandis oppidis alienis ad ſua
tuenda compulſit. Non fregit tamen
inuiſtum animum Luſitani, qui
conuerſa in Legionenſem ira, in
eius regnum irrumperere parabat. Ac
irrumperet niſi tempore adueniſ-
ſent Roma nuntij cum litteris In-
nocentij III. quæ palàm lectæ, Al-
phonſum, intentato cenſuræ fulmi-
ne, niſi arma poneret, terruerunt.
Reuerentia litterarum, ac metu Cæ-
leſtis iræ, reduxit exercitum, & bel-
lum omiſit. Pax ſecuta, non tam for-
midinis belli ab hoſte illati, quàm
incuſſæ à Pontifice religionis bene-
ficium fuit.

C A P V T XVI.

*Teresia de religiosa professione Lerua-
niedenda cogitat.*

EXplicata bellicis terroribus
Teresia, quod antea præcepe-
rāt animo, representare studuit.
Rebus humanis nuntium remitte-
re, seque in Cænobium cum virgi-
nibus Deo dicatis includere, ibique
pietatis, & religionis opera exerce-
re. Id tum è re sua, tum publica esse
ducebat. Intellecturum de inum fra-
trē regem, nolle se vel alienare op-
pida, vel in vsus profanos redditus
conuertere, sed melius collocare, &
intra regnum Deo addicere. Re de-
liberata locum coepit circūspicere.
Erat haud procul Conimbrica, vbi

nata priscum monachorum instituti sancti Benedicti cænobium, in ima valle situm, septum altissimis montibus ad pium secessum opportunum. Incertum quo anno cōditum. Illud constat esse antiquissimum, & vel sancti Benedicti ætate, vel paulò post ædificatum. Ibi monachi ex illius instituto sanctissimi multis antea vixere seculis, & fama est quo tempore Mauri Hispanias obtinebant, & circumquaque fusi habitabant, sacrum eum locum habuisse, & monachos in eo degentes nihil turbasse, & arbitrato suo, ac legibus vivere permisisse. Opera, & labore manuū vitam tolerabant, paruo contenti habitabant angustè. Rarò inde, nec nisi Christianorum latentium causa exhibant, quibus salutis præsidia ministrabant: assueti
divi-

diuinis minus curabant humana . :
intra viscera rupium educati aspe-
riores euaserant , sed eò ad pietatis
officia molliores . Quò remotiores à
luce, eò clarius fulgebant . Mauris
non modò chari, sed etiam venera-
biles erant. Tantùm sanctitatis opi-
nio valet , vt vel barbarorum ani-
mos conciliet, & in admirationem
fui rapiat . Executientibus postea
Maurorum iugum Christianis , &
vsurpatam ditionem vindicanti-
bus, & propiùs Conimbricam infe-
rentibus arma, multa horum in suos
monachorum officia extiterunt .
Eorum sæpe monitu euitatæ insi-
diæ , eorum indicatijs proditæ Mau-
rorum copiæ , eorum subsidio pro-
pulsata fames , eorum ope superati
hostes . In expugnatione Conim-
bricæ, insignis, & multiplex eorum

opera fuit. Quippe Ferdinando Re-
gi obſidenti vrberem præſtò fuerunt
armis, pècuniæ, commeatu, eum-
que tædio longæ obſidionis lan-
guentem precibus, & exhortatio-
nibus excitarunt, ac pene diffiden-
tem confirmarunt in propoſito, nec
deſtiterunt, donec expugnata vrbs
in poteſtatem regis venit, quæ tan-
ti ad belli ſummam momenti erat,
vt ſanctus Apoſtolus Iacobus viſus
fuerit contra Mauros equo pugna-
re, & ijs fractis, & pulſis vrberem ini-
re, & portas reſerare, & clauſes Fer-
dinando Regi tradere.

CAPVT XVII.

*Monachis, ut vacuum sibi relinquant
monasterium, rationibus
persuadet.*

HAEC celebre apud omnes
cænobium illud reddiderāt;
& quanquam recuperata Conim-
brica monachis sancti Benedicti
alia monasteria erecta, & assignata,
numquam tamen istud Loruani de-
relictum. Amor & reuerentia
loco addixerat. Pauci habitabant,
nec monasterium plurimum capax
erat. Certior de hoc facta Tere-
sia, cui situs placuisset, decreuit eò
cum Aulicis virginibus & alijs quæ
se se obtulerant, migrare, ibique
instaurato, & conformato ad Par-

thenonis formam ædificio, monaſterium capacius condere. Sed mouendi loco prius Fratres erant, qui ægrè ſe inde ſinebant auelli, quam recepiſſet ijs regina, commodiorem ſe, ac opportuniorem ad habitandum locum daturam.

A Egroſanimi, ac repugnantes acciri ad ſe iuſſit Thereſia, & vt perſuaderet abitum, hunc in modum ad eos locuta fertur. *Qui rebus humanis nuntium remiſerunt, eos minime decet ſic affigi locis, perinde ac in ijs radices egerint, & quorum mentes verſantur in ſuperis, neſa eſt ijs corpora ſpatijs circumscribere. Nihil intereſt cuius quiſque rei amore teneatur. Indignum certè eſt viris religioſis, domibus tanquam nidis, includi: Benedictinis præſertim, quorum auctor Benedictus Mauram miſit in Galliam, & Placi-*
dum

dum in Siciliam : ipse Cassinatem montem seminarium externorum iuuenum instituit , vt inde rursus eruditos eos in diuersas prouincias emitteret. Nati vos estis Reipublicę Christianę : prodite in lucem , in commune consulite. Dum Mauri dominabantur , vosque undique circumstabant , opus erat latebris ad tutamen : nunc ijs victis , & exactis , nec latendi vlla est causa , & magna exeundi ad Christianos populos opera vęstra iuuandos . At dele-
 Etant nos , inquitis , hæ rupes , hæ antra quibus assueuimus . Pudeat vos eius rationis , quam feræ , si loquerentur , afferrent . Nec vos solitarij seorsim , sed in Cænobio coniuncti vinitis . Itaque nec Eremitę estis , nec Cænobitę . Quid ? quod frustra recondi vos inter arctorum montium claustra iactatis , cum ea quotidie (idq; sit sæpius) cum neces-
 sitas

*fitas urget exeundi in urbem, & op-
pida, transfiliatis: sic illa perpetua iu-
gum corona, quæ vos cingit nature
opus est, non Religionis. Sinite, quæ-
sito mecum meis sodalibus eò migrare,
unde semel ingressæ numquam exhibi-
mus. Liberabimus locum à nota, & vos
à noxa. Ille secessus debetur nobis fœ-
minis Deo dicatis, quæ consuetudinem,
& conspectum virorum vitamus. Illa
nos detent claustra numquam egressu-
ras; in his speluncis ita viuemus, ut
quasi viuæ sepeliāmur; parum distat
spelunca viuæ à sepultura mortuæ. Da-
tam semel fidem loco seruabimus: extra
illum ne mortuæ quidem efferemur. Nec
ego vos aut eijcio, aut emitto, cœnobium
alibi ædificatum tribuo, quò migretis,
in quo & vestræ priuatæ, & communi
on. nium salutis consulatis.*

CAPVT XVIII.

Descriptio vallis Loruani, & monasterij in eo siti.

ET iubere poterat Theresia, quod impetrare malebat; & Monachis placuit dare precario, quod poterat extorqueri. Igitur conuentum de migratione; cum præsertim idoneum opportuno loco domicilium migrantibus assignaretur. Loruanum deinceps regina cogitauit. Locus is est à frequentia remotus nouem milliaria Conimbrica distans, aditu asper, accessu difficilis: via omnis montana, & syluosa, saltibus intercisa; equites iuxtà terret, ac pedites. Post longos circuitus, & flexuosos meatus

tus cū emenſum inter putas, hæ-
res dubius ad metam ne perueni-
ris, an ad caput redieris? Confecta
quippe modica planitie ſiſtitur in
arduo ſupercilio montis, vnde
præceps incipit ſaltus, per quem
in decliua ſit deſcenſus, nec inde
vllus oppidi aſpectus, ſpes ve adeū-
di. Occurrunt intuenti circumie-
cti mōtes ſcalarum more per gra-
dus ab imo ſuſum aſcendentes,
maximam partem inuij, certis in
locis prærupti, ac præciſi. Nuſquam
mapalia; nec tauris quidem, capriſ-
ue receptus. Demittenti in imum
oculos multæ, & cauæ valles conti-
nenti ductu, ſed inæquali ſe obij-
ciunt, per quas nulla poſſis indaga-
re ad oppidum veſtigia: quod in-
fundo illius altitudinis iacet quaſi
ſepultum. Itineris ad ipſum oculi
du-

duces esse non possunt . Incedentes deducunt vię obliquę , & sinuosis flexibus tortuosę , quę in se recurrentes postquàm in longum anfractum porriguntur , iterum eò vnde coeperant paruo compendio redire videntur , ac iter faciētes deludunt . Sed aliter tutò iri non poterat . Duorum milliarium descensus est , nec nisi medio spatio confecto culmina tectorum monasterij apparent : quę nec eminerent , nisi edificiij moles eò creuisset , vt cum illam modicā vallis non caperet , necesse fuerit mōtem moliri , & subactum cellis accipiendis opportunum reddere . At non diuturnus , nec constans ille aspectus est ; breui desinit , nam deorsum tendentes destituit , insinuanti- bus sese in depressiores cauitates vijs , vnde suspectus ad altiora ca-

cumina eſſe non poteſt. Per abſtruſos ſinus, & intima viſcera montiũ incedendum, donec ad infernæ fauces vallis venias, quæ inter mæceries ſiluofas anguntur, & malignũ tramitem, ceu viarum ſpiraculum ad oppidulum interius relinquunt. Poſt laxari ſpatia, & aperiri planities, vt inter montes anguſta, ſed iuſta pro loco. Hic ſitus monaſterij, & pagi, qui illius quẽdam quaſi appendix eſt: quòd totus conſtat ſamulis, & ancillis monialium. In medio forum patet, intra obliquitatem rotundum, pro anguſtijs loci amplum. Ad læuam monaſterium extenditur in dexteram porrectum (hemi ciclo ſimile,) ſtructura inæquali, vt in prærupto, ſed magnifica ob regios ſumptus, & priuatos regijs pares. Templum, &
Ode-

Odeum satis amplum, & mirè ornatum. Pergula continuato ductu ad conuictum in iustam longitudinem tenditur, suis distincta cellis pro numero sororum; ducentæ fermè sunt parthenicæ, quæ nigro v-
tantur velamine; viginti minoris notę, quæ album gestant: præter turbam ancillarum domi seruientium. Trecëtorum itaque, plus minus, numerum conficiunt. Intus præclara Gynæcea, idoneæ officinę, impluvia, cauēdia, porticus, Xysti, inambulationculæ, horti, viridaria, & multa sinodijs destinata loca: vt mirum sit in tanta asperitate montium tam molliter edificatiōem acceptam. Augent magnificentiam, & pulchritudinem edificiij priuatæ illustrium sanctimonialium edes, intra septa monaste-

ſterij, ſed extra communem pergu-
lam eminentes, quas ſingulæ facta
ad id à ſuperioribus poteltate, ſuis
ſumptibus excitarunt, variæ, mo-
dicis interuallis diſiunctę, prout
montium ferebat aſperitas, ſaltua-
tim poſitę. Fortuito ſitu pares ma-
gis, quam ſimiles, & ipſa inæquali-
tate ſpectabiles. Sunt quibus late-
ra collium intergerinos parietes ef-
ficiunt. Alias ſinuola viſcera exci-
piunt in gremium, & fouent. Alię
rupibus adherent, & tanquam ni-
di affiguntur extra Parthenonem.
Ingens domus ad dexteram in-
trantium viſitur, in domicilium,
Fratribus Ciſterciensibus diui Ber-
nardi inſtituti, qui res diuinas pro-
curant, & humanis cōſulunt, & ho-
ſpitium exterorum eò confluen-
tium assignata. Cæterum ꝑdes cir-
cum-

cumiectę, rarę, angustę, vti paganorum, solum breue ad colendum, & ferendum pauca suppeditat, præter olera, quorum magna vis est. Aliunde victus magna ex parte pendendus. Ingens aquę dulcis & salubris copia intra monasterij septa exoritur, quę foras ad potum, & vsum oppidanorum largiter emanat, & profluentem format, ex quo multa fiunt aquarum diuortia. Exitus idem qui aditus, vt qui semel in saltum intrat, alia, nisi qua intrauit, exire via, non possit. Qui locum attentę ex alto despiciat, fundum hiatus desidentis in voraginem terrę existimet; qui ex imo suspiciat, obrutum iri se impendentium ruina montium putet. Nemo non locum comentationem mortis dixerit. Exiguę ibi sunt partes diei,

maiores occupat nox. Solis prætereuntis ſpecie, ceu anguſtias loci indignante. Eas vlcifcitur pluuijs, tot enim imbres eò decidunt, vt ille, verè locum norit, qui *Cæli impluuium* appellauit.

C A P V T XIX.

*Tereſiaſe . ac ſocias ad migrandum.
Loruanum accingit.*

H Vius vallis cùm infrequentior, & horridior erat, ab ijs, qui eam viderant apud Tereſiam, facta deſcriptio, mirè affecit animum iam diu pertæſum Aulæ, faſtusque, & anhelantem Cæleſtia. Vbi vacuum eſſe accepit, exarſit deſiderio habitandi. Id moram iniiciebat properanti, quòd virorum domicilium

lium minus erat aptum ad virginum monasterium . Sed missis architectis, & operis breui effecit , ut locus idoneam Parthenonis formã reciperet. Illum cùm instrui iussisset sacra , & domestica supellectili , & rebus ad vsum vitæ necessarijs, coepit circumspicere, quas comites secũ adduceret. Difficilius fuit è multis, quæ se se ei offerebant vllas excludere, quàm eligere . Aulicas plures iam pridem sacris meditationibus, & exercitationibus assuetas, socias habere voluit. His pleręque ex primaria nobilitate adiunctæ. Admissæ aliæ inferioris ordinis (conuersas dicunt) quæ minora munia obirent. Seruarum iugens turba fuit. Simul paratas habuit, de instituto deliberavit. Recenserat, & celebris in Lusitania sancti Bernardi memo-

ria, cuius præclara in Reges (quorum propinquus fuiſſe fertur) extiterunt officia, in omnium animis impreſſa. Auxerat affectum fama viri virtutibus, doctrinis, operibus admirandi. Reſpondebat famæ parentis filiorum religio, & pietas, quorum multa, & frequentia erant in Luſitania cænobia, plena viris ſanctimonia, ſapientiaque inſignibus. Ab his inſtituti ſui rationes petiuit Tereſia, & erant ab initio ad monialium mores, & vitã in Gratiã Vmbelinæ ſororis à diuo Bernardo fratre conformatæ. Has amplecti regina voluit, quòd ingenio loci illa viuendi ratio congruebat. Aequum item videbatur, vt quæ in locum monachorum Benedictini ordinis, à quo Ciſterciensis, & Claraualleſis familia deflexum ad
aſpe-

asperitatem institutum sumpserāt,
sucedebant, non multum ab ijs
norma, & ordine vitę distarent.
Porrò Teresa obtinuerat antè à Ro-
mano Pontifice facultatem deferē-
di secum aliquot eiusdem ordinis
sāctimoniales studiosè à se conqui-
sitas, quas haberet mǎgistras insti-
tuti, quod amplexum, & profes-
sum ibat. Has hoc ipso tempore,
monuit adessent simul profecturas,
deque eo regem fratrem fecerat cer-
tiores. Ijs ergo è diuersis monaste-
rijs collectis, & rebus voluntate re-
gis fratris compositis, ad eum Te-
resia vale dicendi gratia, stipata so-
roribus, adiit. Scorsum à turba rex,
remotisque arbitris eas excepit: cū-
que inter se salutassent interiores
domus intrarunt, vbi soror Blan-
ca ætate minor prope reginam.

inginæceo ad extremum ædium ſeparata habitabat, quæ ſimul ac reginam ſororem eo habitu, & comitatu aſpexit, primùm attonita conticuit, mox ad ſereuerſa collacrymauit, & ſenſu tacta religionis in amplexum ſororis ruit, & apprehenſa manu, regem primùm officioſè reuerita, ſic viſa eſt loqui.

C A P V T XX.

*Pia Blancæ cum Tereſia, quòd ſe
præteritam vidit, expo-
ſtulatio.*

HEm! Domina ſoror, cælatum me
tuum hoc conſilium tenuiſti, ut
à ſocietate operis excluderes. Ne: tu
iſta ergà Deum pietate, crudelis in
me exiſtis. An iuſtum exiſtimas te
de-

deserentem Aulam, quæ regina es, me,
quæ paruula, Et nullius pene sum nume-
ri, in Aula relinquere. Vin, ut assue-
scam delicijs, quas tu auersaris? An-
tequã tu eas contempsisses excusare me
possem, si amplecterer; nunc quæ vere-
cundia erit, cum eas tu negligis, me am-
plexari? malè famæ consulis meæ, cum
manere permittis inter illecebras, quas
tu fugis. Videbor quippe approbare,
quæ non probasti. Si consilij tui parti-
cipem me ob meam, in qua sum, ætatu-
lam facere noluisti, quòd expers eram
prudentiæ ad deliberandum; nunc re de-
liberata compotem me voti, ac exempli
sociam facere debuisti. Imitationis sum
capax, quæ non eram apta consilio. Præ-
iudicata mihi est authoritas tua: opti-
mum factu duco, quidquid te videro
facientem. Ibo pedibus in tuam senten-
tiam, quando mihi non est locus ferendi.

*ſuffragia. Quæ inuitaſti alienas, ſo-
rorem te rogantem ne ſperne. Quòd ſum
paruula et inexperta rerum caducarum,
eò minus morabor ignota. Solitudinem
queris, hanc ego in Palatio colui. Mu-
tabo locum, non morem. Haud graue
tibi onus ero, quæ deſiderijs euolo; ſe-
quar te non æquis corporis paſſibus, ſed
paribus animi affectibus. Adhæreo la-
teri tuo paruula, uti diſcipula: veniam
in partem oneris adulta, uti adiutrix.
Si tu poſt nuptias, ad Chriſti thala-
mos properas, què me innuptam ab ijs
arcebis? Dudum ego cum mihi ſponſum
deſtinavi. Age mea ſoror pronubam,
& flammeum capiti inducito. Et hic
extenta ad Chriſtum crucifixum,
(qui prope erat) manu, ipſum ap-
prehēdens impreſſit ori, & immer-
ſit in ſinum.) Ecce, inquit, quem
eligo ſponſum, huic me de voueo: Citius*

me halitus deficiet, quā ab eius comple-
xu auellar. Hoc ego duce aut te praei-
bo, si moraris, soror; aut sequar si pro-
peras. Tu vero (ad regem conuer-
sa) Rex potentissime, hoc mihi, oro, non
impedias iter, amoris in sororem me-
mor, non potestatis in subditam. Sine
comitari sororem, quæ mater mihi de-
inceps futura est. Liberabo te hac, quā
erga me geris, paternacura. In Christi
familiam transeo, ille me suscipit alen-
dam, tuendam, regendam. Vide quan-
to sit tibi honori futurum, quod de ma-
nu tua Christo me tradis, Et illum spon-
sorem appellas. Ne meam sis vicem
anxius, pro qua sua vulnera Christus
oppigneravit Patri. Dotem ab illo
sanguinis accipio, quem mihi gratis
impendit. Erumpebant omnibus
lacrymæ, nec sibi rex temperare
poterat, Itaque precibus Blancae
victus

viſtus ceſſit, eamque de manu ſua Tereſiæ tradidit. Quæ attonitæ ſimilis puellam auſcultabat, & vbi vidit inflā mari, exarſit deſiderio eā ſecum ducendi. Quòd prævideret magno ſibi adiuumento, & ſocijs incitamento futuram.

C A P V T XXI.

*Aula excedit, & in monaſterium
includitur.*

Illuxit optata virginibus dies, qua & regiæ valedicerēt, & ſpei blandienti renuntiarent. Præmiſerant ſarcinaſcum paupere ſupelleſtili, niſi quod pretiola quædam, immiſcuerant, quæ altaribus ornameto forent. Profana & quæ ad mundum muliebreſpectabāt
re-

reliquerunt apud Aulicas, quæ reginæ herebant, quarum plurimę inuitè accipiebant, quòd dolentius ferrent spolijs consecrantium se, Deo virginum locupletari. Inter omnes Tereſia vultu hilarior, & corpore celsior eminere, vrgere, profectionem, colligere in cætum abituras, has hortari, manentes solari, dona iam ex antè ad id præparata largiri, & lacrymas detergere, & desiderijs moderari. Aegrè tandem auulſa diſceſſit, ſecumque plura vota, quam ſocias tulit. Carpentis conſecta via, donec ad ſupercilium montis ventum, exinde propter decliuiam iumentis uſq̃. Initio ſaltus, quàm dimitti in imam vallem coeperunt, pauor quidam religioſus inceſſit omnes, cogitantes ire ſe eò loci, vbi ſolitariae futuræ eſſent, vbi

Deo

Deo vacandum, & ſuperis ſtudentum: propiores ſe deinceps immortalibus quàm mortalibus fore: Ire ſepultum ſe viuas, vt poſt mortem immortales reſurgerent. Hæc ſecum agitantes ad Monafterium venerunt. Prima omnium Tereſia Templum rectâ contendens, antequam ingrederetur, oſculum veſtibulo cum lacrymis impreſſit; ſecuta Blanca ſoror cum reliquis, & quâ ſacratius erat iter, monafterium ſunt ingreſſæ. Præſtola- bantur aduentui Monachi Sancti Bernardi fratres, qui ex inſtituto eas cū cantu, & cereis, & aqua ſalubri exceperunt. Exciuerat fama rei complures, & Dynaſtas, & ciues, qui attonitis ſimiles aderant. Creuit ſtupor cum paulò poſt viderunt in adytis propè ſacrarium regi-

ginam caput ante Præsulem abiecto ornatu demittentem, & admissa in regiam comam forfice, capillos deponentem. Tunc collacrymari omnes, subridente modestè Terefia, & Blanca cæterisque virginibus, exemplum Terefiæ alacriter sequentibus. Præcisa coma velatæ omnes flammeo virginali. Abiectus vestitus profanus, & habitus religiosus indutus: moniales, & sorores Terefiæ vnà extiterunt, sublato maiestatis discrimine, pares deinceps futuræ. Silentium hoc secutum, & preces: deinde ordine in claustra receperunt sese, & intuentium oculis subduxerunt. Hos illico nubes mæroris obduxit, quæ paulò post soluta in lacrymas, conspectum adstantibus eripuit, & altius in se intrare multos compulit, se-

ſecumque de contemptu mundi, & animi ſalute diſputare. Illud mirum nullam virginum fuiſſe, quæ aut relictos conſanguineos reſpiceret, aut abſentes ſaluere iuberet. Nouæ cogitationes, nobiliores curę occupauerant animos, iam diuinis rebus addictos, abſtractos ab humanis, perinde ac mortalia nihil ad ſe attinerent. Certè rei, vt erat geſta, euentus in Aula, in circulis à nonnullis, qui adfuerant, narratus magnos vbique clamores fecit, & variè, prout erant ad ſenſum pietatis commoti, animos omnium affecit. Summa fuit laudare Tereſiam, quæ dux & autor ſibi, & ſocijs ad tam præclarū facinus fuiſſet, & veſtigia ſequi volentibus ſanctè impreſſa reliquiſſet.

C A P V T XXII.

*Monasterio præest, & monialium
curam gerit.*

NOuum amplexa vitæ genus
Teresia cum videret omniū
ad se monialium curam pertinere,
primū statuit partiri munera, &
selectis è numero grandioribus na-
tu, suum cuique pro genio assigna-
re: vt ordo, qui anima huiuscemo-
di conuentuum esse solet, exactè
seruaretur. Dimensa est animo si-
tum monasterij, partes quibus con-
stabat, mente percurrit, moniales
quibus assignatæ occupationes erāt,
mente notauit, easque cogitatione
diuisit, ac seposuit, vt quid singu-
lis administrandum esset, attende-
ret.

ret. Id vt ſeorſim expendendo cō-
ſtit, ad perſonas, quas ijs officijs
præficeret, curam conuertit; cum-
que ſibi eas ob oculos mentis pro-
poſuiſſet, & cum muneribus obeun-
dis contuliſſet, ac reſpondere ge-
nium præfecturis coniectando noſ-
ſet, deſtinare cuique officium ſuum
• coepit, vt initia adminiſtrandæ ſa-
cra illius reipublicæ fauſta eſſent.
Permagni quippe intereſſe ad ſū-
mam putabat rerum principia.
Igitur ſacrarū cura potiffima fuit.
Ea triplex futura erat. In Templo,
in odeo, in ſacello. Templo qua-
parte interius erat, vnam præfecit,
quæ neceſſaria ad rem diuinam
procuraret, & quidquid ad ornatū
altarium ſpectaret, abundè ſuffice-
ret, & ijs qui foris in Eccleſia my-
ſteria obire, iſdemque operam da-
re

re debebant, quæ opus essent ministraret. Aeditima ea vulgò dicitur. Odeo aliam præposuit, quæ solemnis cantus, precumque publicarum iuxta psalterij normas rationem præscriberet. Huius erat libros musicos curare, pensa horaria distribuere, psalteria designare. Sacelli curam alij mandavit: cui iniunctum forores statis temporibus ad priuatas meditationes congregare, & precatiunculas secretas concipere, & numeratò ad globulorum numerum reddere, familiari de rebus diuinis sermone ad amorem Dei excitare. Gynæceo vbi locus muliebri opificio futurus erat, peritam eius artis feminam præesse, voluit, quæ iuueneculas horis succisuis acu pingere, lina carpere, fila deducere, & cetera eiusmodi docer-

F

ret,

ret, quarum labor, & domui ſupel-
lectilem, & altaribus ornamenta
ſuppeditaret. Cæteris quæ ad cu-
ram corporis, rem cibariam, & cu-
ſtodiam domus, pertinebant, mi-
nore negotio prouidit. Illud capi-
tale: ſanctimonialem, natalibus il-
luſtrem, ætate prouectam, præſtan-
tem prudentia, ſpectatam virtute,
nouis, quæ maxima pars erat, vir-
ginibus præfecit, vt ſub ea tyroci-
nium ponerent: cui ſe etiam ipſa
cum Blanca ſorore ſubiecit, eiquæ
cum reliquis informandam tradi-
dit. Huic poteſtatem fecit iuben-
di, monendi, caſtigandi, nullo di-
ſcrimine, nullo reſpectu ad maie-
ſtatem, cuius aut pertæſa, aut obli-
ta tam ſe à biiciebat, vt qui antea
non noſſet, vilem ancillam exiſti-
maret. Et quoniam eo initio, &
ſta-

statu rerum non licebat præfecturæ
monasterij renuntiare, ita se gerere
interim decreuit, vt Reginę, ac Do-
minę titulo deposito, Matris no-
men assumeret; ita sollicitudinem
præstitit, omisit imperium.

CAPVT XXIII.

*Sanciae reginę sororis Terefię natales,
educatio, mores.*

QVæ duę sorores, & se mutuò
amarunt, & vnà diu vixè-
runt, & idem viuendi institutum
professę sunt, & post mortem pro-
pe coniunctę ob sepulcrorum vici-
nim iacent, eas non modolice scri-
bendo coniungere, sed nefas etiam
erit separare. Præstet lex amoris
historię legibus. Capiet idem li-

bellus quas non diſiungit tumulus. Sancia inter Sanciꝝ regis filias natu-
tertia, Conimbricæ, (quæ Luſitanie
regum ſeptem felix patria fuit) lu-
cem vidit. A'teneris affueta diuinis,
ætatulam pijs meditationibus ad
vitam puriorem, quam agitabat
animo, diligenter exercuit. Auli-
cas puellas quantum loco, tantum,
indole, ac pietate anteiuit. Parenti-
bus morigeram, & ſororibus natu-
maioribus officioſam ſe præbuit.
Ingenio ſuauiffimo fuiſſe id argu-
mento ſit, quòd Pater ei tam cupijt,
vt præclaram dotem assignarit. Nā
cū alijs alia oppida tribuiſſet Ie-
rabricam (Alenquerium vulgò di-
citur) cum vicina Dioceſi nobilem
regni partem Sanciæ donauit. Mor-
tuo patre, ac Tereſia, & Maſalda
ſororibus, Regibus Legionis, &

Castellæ in matrimonium colloca-
tis, spretis multorum Principum,
qui eam ardentè expetebant, nu-
ptijs, ad quas frater Alphonfus &
Vrraca illius Vxor inuitabant, cæ-
libem vitam elegit. Nec diu in
regia fuit. Desiderium solitudi-
nis, & aspera fratris Alphonfi in-
doles Aula excedere, & tranquillè
in remoto degere coegerunt. Nul-
lus excogitari poterat commodior
locus, quàm oppidum dotale Iera-
brica, procul Conimbrica regia-
tunc vrbe, in Cistagana regio-
ne situm, semotum à turba, salubri
cælo, foecundo solo, optimis aquis,
& copiōsis, in edito positum, & fa-
tis pro tempore munitum. Eò igi-
tur se cum iusta familia transtulit,
ad quam liberaliter alendam pa-
trimonium illud sufficiebat. Cœ-

pit ibi religioſum in modum, citra
vota tamen, viuere. Nam in arce,
intra regiam domum Templum
erat, in quo illa cum domeſticis fe-
minis rebus diuinis, & ſacris exer-
citationibus operam dabat. Cæte-
rum, quòd & feminam domi, &
principem foris agere oportebat,
tempora muneribus accomodauit,
vt in otio priuatis, in negotio pu-
blicis rebus conſuleret. Itaque do-
mi orare, precari, nendi, texendi,
acu pingendi penſa obire: foris in-
tereſſe cauſis, quæſtiones decidere,
cõtrouerſias dirimere, lites compo-
nere, & quoad licebat feminæ ius
dicere, reliqua præpoſitis à ſe cauſis
grauioribus viris committere. Præ-
cipua ei cura pauperum fuit, nec
ſolum notis, ac mendicis, ſed etiam
ignotis, & occultis, queis vel pu-
dor,

dor, vel valetudo impedimento ad petendum erat, opitulari solita. Ac ne quem miserum præteriret, secretò inquiri per dōmos iubebat, sicubi essent infantes orbi, feminae viduæ, vt eorum necessitatibus subueniret. Notiores ei erant pauperes, quàm diuites. Copiosiore lēchus eorum, quos de suo alebat, quā quorum redditibus sustentabatur. Ille nuntius gratior Sanciæ, qui nuntiabat esse quempiam, qui suę principis opera indigeret. Si quem aut inopia, aut iactura rei familiaris, aut ære alieno oppressum norat, ei subsidium mittebat; palàm, si publicè, occultè si latenter agebat. Iam tum, (quem morem deinceps tenuit) singulis sextis ferijs duodecim matronas pauperes excipiebat prandio liberali, & impastis

lauabat pedes, paſtas nouis donatas veſtibus dimittebat. Ieiunia nõ ſolemnia ſolùm, & conſueta obſeruabat; ſed alia priuata, & occulta ſibi indicebat. Id magis mirandum in regia femina, quòd ſubtus molles, & opulentas veſtes aſperrimũ, & ſetis hirsutis hiſpidum cilicium tenero corpuſculo applicabat. Interdum humi cubabat ſuper corticem, ligno in puluinem adhibito, & duriter ſe accipiens, & occultè macerans, ne quid gloriolæ irreperet; vniũ tantũ ancillæ intimæ opera vtebatur, cui hæc pia furta patuerunt.

C A P V T XXIV

*Ierabrice Zachariam Franciscanum ,
& mox Suerium Dominicanum ex
Italia venientem excipit ,
& ordinis monaste-
ria condit :*

Vivebat ea ætate S. Franciscus
Assisias, quem Christi, quo
semper flagrauit amor, desiderio
martyrij ardentem, & studio S. Ia-
cobi Apostoli corpus visitandi ac-
censum, in Hispaniam ire compu-
lerat, si qua occasio esset inde in
Mauritaniam transeundi. Is nulla
oblata, in Italiam, Deo ita volen-
te, redierat, spe tamen retenta,
quod per se facere non potuerat, fi-
liorum opera perfecturum. Hæc
eum

tum dies, & noctes cura torquebat, quæ rem longiùs differre paffa non eft. Itaque anno quàm reuersùs fuerat proximo, fratres duos ex præcipuis Zachariam, & Gualterum, in Hispaniam cum focijs mifit. Lufitaniam ingreffì ad regem Alphõfum Conimbricam adierunt. Mandata Patris Francifci, cuius recens erat, & grata memoria, expofuere regi. Summa erat ab eo petere, vt liceret fuis in eo regno monafteria ædificare, quæ feminaria virorum doctorum effent, qui Euangelium barbaris annuntiatum irent, & qui Lufitania expellebantur Mauros eos in Africam fequerentur, & diuinæ Fidei præceptis imbuerent. Accepta regi Legatio fuit, fed multò Regina Vrracæ acceptior, quæ cum Sanciæ pietatem noffet, ad eã

Zachariam vnum è duobus cum,
litteris misit, monens adesse tem-
pus, pia, de quibus semper cogita-
bat, opera præstandi. Non posse id
temporis quidquam excogitari ad
salutem animorum salubrius. Cum
his litteris Zacharias Conimbrica.
Ierabricam venit. Non egebat hor-
tatione Sancia, ad quæ ipsa sponte
currebat. Beneuolè excepit ho-
spitem, & quoniam ex habitu oris,
& corporis, quanta inesset animo
virtus coniecit, de rebus cum eo
cælestibus sermones seuit: cùm-
que ille ardentes loquendo diuini
amoris faces iacularetur, & singula-
rem præ se ferret opum, & honorū
contemptum, eoque se germanum
S. Francisci discipulum Sanciae pro-
basset, statuit hæc, eum apud se re-
tinere, tamquam prædem, & obsi-
dem

dem reliquorum , quos venturos poſſe ſperabat , vt Franciſcanam familiam in Luſitania propagaret . Erat prope oppidum, in decliui ſitu ad profluentem ſacellum Diuæ Catherinæ martyri dicatum, cum domicilio coniunctum . Eò iuſſit Zachariam diuertere ſuſcepto conſilio locum amplificandi , & monaſterium pro loco anguſtum , ſed pro tempore idoneum conſtruendi . Nec diſtulit quin ad motis operis breui paucis cellulis excitatis , & ſacelli parietibus commiſſis iuſtum pro ſex , ſeptem ve locijs hoſpitiū condidiſſet . Hoc primū fuiſſe ferunt noſtri ordinis in Luſitania monaſterium Sancia autore fundatum . A tam paruis initijs res Franciſcana in tantam amplitudinem creuit . Ex hoc fonticulo in
Afri-

Africam, Asiam, & Americam tot
prouinciarum facta diuortia. Annus
is fuit MCCXVI. Scio quosdam
nobiles scriptores malle primas da-
re Brigantino cænobio, quod pu-
tent à S. Francisco ædificatum, de
quo ego nolo contendere: sequatur
quisq; quod volet. Ego illud à pue-
ro traditione accepi. Quasi Francis-
cana religio Dominicanā in socie-
tatem acciret parentum exemplo,
qui mutuò se sūt amore complexi,
& vtriusque Sancia mater in Lusitania
exiltere deberet, anno proxi-
mo idest CCXVII. frater Suerius
Gomesius, qui à S. Dominico missus
in Hispania versabatur, cū Sancia
nomen audisset, Ierabricanū
profectus, instituti sui apud Montē
Iunctum, sic appellant, eiusdem re-
ginæ auspicijs, & sumptibus mo-

naſterium erexit. Ita vna duorum
illuſtrium Ordinum Princeps ſu-
cepit patrociniũ .

C A P V T XXV.

*Quinque Martyres Marrochienses
dicti Ierabricam ad Sanciam di-
uertunt: ibi ſe ad nauigandum
parant: parati diſ-
cedunt .*

A Gebatur annus MCCXIX.
quo S. pater Franciſcus ſa-
lutis animorum ſtudio ardens, cùm
iam ex Syria quoſe Sulthani ad Fi-
de pertrahendi cauſa contulerat, re
infecta rediſſet, quosdam è filiis eiuf-
dem propoſiti compotes in Mau-
ritaniam ire iuſſit . Et ij paterno
more ardebant . Sex numero fuiſſe
con-

constat. Vitalem, Petrum, Bernardum, Accursium Adiutum, & Otho-
thonem. Cumque in Aragoniam,
venissent, vno eorum, cui cæteri pa-
rebant, Vitali morbi causa detento,
cæteri quinque in Lusitaniam, quæ
maiores partem iugum Mauro-
rum excusserat, vnde liberior erat
in Africam commeatus, profecti,
Vlisipponem iter intendere. San-
ciæ nomen, quod vbique celebre,
habebatur, & desiderium videndi
socios in Diuæ Catharinæ habitan-
tes, Ierabricam traxit. Hanc itine-
ris, & causæ consciam, studium in-
cesserat eos, & noscendi, & iuuandi.
Nec ij minus Sanciam coram salu-
tare, & alloqui optabant: post preces
ad Deum in transitu, & in hospitio
factas, regiam contendunt. Præstò
erat Sancia, quam cum venerabun-
di

di adirent, illa præuenit venerantes, & ſubmiſſè benedictionem ab ijs poſtulauit. Piam vtrinque, contentionem lacrymę diremerunt: vicit demittētis ſe in gēua virginis modeſtiam fratrum pietas. Eo habitu corporis oſculum ſacco, quē gerebant, impreſſit, & benedictionem elicit. Mox in ſacrariū ſuum deductos benignè allocuta, de cauſa inſtituti itineris, de ſine ſibi propoſito cūm quæſiſſet; comperto eos diuino ardere amore, ad ſacratiores ſermones ſe conuertit, & multa ex ijs accepit documenta virtutis. Nichilo ij minus Regiæ virginis colloquio ad pietatem ſunt accenſi, mirati inter delicias, & opes Aulæ tam purum, & abſtractum à curis mortalibus animum reperiri. Illud didicerunt, vbi Spiritus S. habitare, velit

velit, locum ad opinionem aliquantum, ad profectum haud multum interesse. Post longam confabulationem dimissi ad hospitium, ubi ex antè de Reginae mandato ad victum, & domesticum vsum necessaria præparata fuerant, redierunt. Paucorum dierum statio fuit: urgebat quippe desiderium progrediendi, & fidem prædicandi. Et idonea erat ad nauigandum tempestas. Sed parum distabat Olissipo, vnde soluendum. Igitur dum naus, & vectores se comparabant, & quæ opus erant ad nauigandum expediebantur, Ierabricæ morati singulare multarum virtutum specimen præbuerunt. Sancia verò ne elabi sine animi sui profectu fineret, singulis ad se illos diebus vocabat, & aliquot horas eos audiens mentem ce-

leſtibus delicijs paſcebat. Faſſa poſtea multum ſe ea conſuetudine profeciſſe. Ac fuit, quod aliquantò amplius, quàm pro eorum voto, minus tamen, quàm pro Sanciae deſiderio, eos ibidem morari fecit. Nam cum ij ſuum habitum retinere nauigando vellent, quaſi eum inter Mauros impune geſtaturi; negauit nauclerus eſſe vecturum. Re itaque ad regios miniſtros delata, & ſeriò diſcuſſa deliberatum: habitum eſſe mutandum, qui vel inter Chriſtianos ijs temporibus inſolens erat, & alium vulgarem inducendum. De eo monita Sancia, vocatos parere mandatis, ac veſtimenta conſue-
Luſitanis cum peregrinantur, quæ geſtarent, ijs donari iuſſit, quibus induti in nauem ſine controuerſia accepti, Hiſpalim primum, deinde in Africam nauigarunt. CA-

CAPVT XXVI.

*Proficit spiritu Sancia, & Martyrum
Marrochij occisorum per spe-
ciem aspectu fruatur.*

Sermones sanctorum hominū
in animo Sanciae infixos acu-
leos reliquerunt. Obuersabatur ei ob
oculos mentis ille saccus asper, ille
rudis funis, illa paupertas, illa mo-
destia, illa despicientia sui, ille cō-
temptus rerum humanarum, ille
amor, & cura Cælestium. Recursa-
bat ille ardor annuntiandi barbaris
Christum, illud vehemens deside-
rium sanguinis pro Deo fundendi.
Demittebat hæc in animum, & altē
meditationibus adigebat; tum in
eius latebras insinuabat mentem,

& quaſi omnis virtutis vacuum arguebat . Pudere ſe ſui, quod præ illa ſanctimonia nihil illuſtre videret . Socordem ſe, ac negligētem dicere, quòd tanto ſe interuallo poſt eos relictam in virtutis curriculo comperiret . Nihil tam ſtimulat generoſos, quam nobilis pudor: erumpit in ruborem, & ignem accendit, & eructat flammas . Illicet meditationibus mentis addere, caſtigationibus corporis adijcere, vigiliis intendere, ſomnio detrahere, diutiùs orationi incumbere, precari lētiùs, & copioſius, veſtiri viliùs, edere, parciùs, cubare aſperiùs, accuratiùs animum, corpus negligentìùs habere; ſequè cruciando, ac exercendo, minus ſe ſuis, quàm alienis viribus metiri. Videbatur ſibi videre Martyres inter Mauros verſari, in.

con-

conuentus, & circulos venire, Chri-
stū voce libera prædicare, ac æstu-
ardere amoris, & desiderio æstuarē
martyrij. Iam Mahometicam sectā
confutare, errores detegere, cæcita-
tē mentis aperire, doctrinæ Chris-
tianæ veritatem ostendere, omni
ope ad eorum salutem conari: nec
dubitare, quin à barbara illa, ac tru-
ci gente trucidandi essent, at-
que hoc ipsum animus prælagire.
Hæc agitati, hæc diu, noctuque,
voluenti. XVII. Kalendas Februa-
rias, is dies cedis eorum fuit, anni
MCCXX. idest anno proximo à
profectione, cum altius in medita-
tionem se daret, ex improviso ei
quinque illi Fratres augusta specie
per visum apparuere, frondosis stel-
lis laureati, candida in veste, notis
distincta sanguineis, quasi à pugna,

& cæde recentes , ac ipſas quibus
diſcerpti fuerant macheras ſtillan-
tes ſanguine ferentes præ manibus ,
ſed luce vibrante intermicantes .
Stupor primùm , at ſine pauore ,
mox gaudium cum admiratione ,
inceſſit animum . Intentiori oculo ,
rū acie intuita recognouit effigies ,
& ſenſit Beatos . Quid ageret ambi-
guam , vnus eorum Petrus ſic allocu-
tus . *En tibi nos ſiſtimus , ò Sãcia , immor-
tales , quos hinc mortales ad pugnandum
pro Chriſto dimiſiſti . Exoluimus nos
debito quod contraximus . Tu triumphis
noſtris viam ſtrauiſti . Tua ope in cer-
tamẽn venimus . Niſi tu eſſes adiu-
trix , Martyres non eſſemus . Hæ pal-
mæ , quas in manibus gerimus , in hac do-
mo radices habent . Riui ſanguinis , quẽ
pro Chriſto profudimus ad fontem re-
deunt . In Cælum imus repetendo viam*
qua

qua venimus. Per gradus meritorum
ad pręmium ascendimus, & pars est
beatitudinis meruisse. Gratos nos tibi
Deus esse iubet, quę nos expedisti ad i-
ter. Moram hanc apud te, ò Sancia, in
parte glorię ponimus, quòd in agendis
gratijs detinemur. Tanti est grati ani-
mi virtus, ut perinde sit ac beatitas.
Hęc est portio melior nostri, idest ani-
mi, qui nunc soluti mortalitatis vincu-
lis ad Superos volant. Corpora lacera-
iacent Marrochij. Ea curabit frater
tuus Petrus mortua, sicut tu soror con-
servasti viua. Nec te hoc solo aspectu
solamur. Recipimus tibi, numquam tuis,
vel votis, vel precibus defuturos. Tu
perge ire virtutis viam, donec ad me-
tam, quò tendis, feliciter aura diuinę
gratię adspirante peruenias. Tibi prę-
stò erimus ad ostium eternitatis. His
dictis euauuit obiecta species. San-

cia, veluti qui in media luce caligat
titubante, & vicina, vt ſe teneret,
manibus prehendente. Mox vt ad
ſe redijt gaudio delibuta, per diui-
num in mentem illapſum, fructum
viſi cœleſtis accepit.

CAPVT XXVII.

*De ſuſpiciendo Ciſterciendi habitu de-
liberat. Palatio in Monaſte-
rio Minorum conuerſo.
Ierabrica diſcedit.*

EX inde imperium, & ſplendo-
rem Aulicum exoſa, quan-
quam regium Aulæ lumen varijs
obtudiſſet virtutibus, voluit prorſus
extinguere. Stimulauerant antea
mentem Tereſiæ, & Maſaldæ Soro-
rum, quæ neglectis rebus humanis.

S. Ber-

S. Bernardi institutum amplexæ fuerant, exemplis sed tunc Martyrum per speciem illustris visio accendit; & quoniã vicinior erat Tereſia ob frequētioreſ ab ea acceptas litteras, in quibus de ſolitudine, de pace animi, de meditatione cēleſtiũ de tranquillitate vitæ, de perfectione religioſi ſtatus diſſerebat, ad illius ſe vitæ rationes conformare ſtatuit, & in propinquiorem ei locum migrare decreuit. Antequam diſcederet, de Franciſcanis patribus, qui angultè ad Sanctæ Catherinæ habitabant, ſolicita, certum, & iuſtum eis pro maiori numero monaſterium ædificari voluit. Ad idque palatium ſuum quod relinquebat idonea ſupelleſtili inſtructum fratribus conceſſit, & præfectos operi, & ſumptus ad fabricationem noui ædi-

ædificij aſſignauit. Retento tamen,
arctiori hoſpitio ſanctæ Catheri-
næ, ac edicto, vt ibi fratres numero
quinque, deinceps degerent, ad toti-
dem Sanctorum Martyrum, qui
eum conſecrauerant locum, memo-
riam ſuſtinendam; quorū illa tam-
fuit obſeruans, vt quo in loco ſibi
apparuerant, ibi ſacellum ſtrui iuf-
ſerit, quod hodieque ſeruatur. Et
quidem amplum illud eſt, & ma-
gnificum Monasterium in edito ſi-
tum, vndique præciſum ab oppido,
ſalubre, & aſpectu intuentibus gra-
tum, verum habitantibus aliquan-
tò triſtius: idque ipſum ad medita-
tionem Cæleſtium iuuat. Anno
MCCXX. quanquam de anno illo
non admodum conſtet, primo poſt
Martyrum cædem conditum fe-
runt. Hoc ſuæ pietatis, & magnifi-
cen-

centiæ monumento relicto, Conimbricam venit Sancia, ibique defundando Parthenone agitare coepit. Locos metati duo placuerunt vnus vrbi vicinus in aduersa Mondæ ripa, alter paulò ad mille ferme passus remotior, quâ ciuitas septentrionem oblique respicit. Hunc elegit, sed alterum non neglexit. Rarus ea tempestate in Lusitania conuentuum sanctimonialium vsus: siquæ Deo dedicare religioso ritu feminae vellent, eæ in locis frequentibus domunculas quasdam ædificari sibi curabant, seorsim positas, vndique clausas, & munitas, inducto muro cum fenestellis ad lucem, & cibum accipiendum idoneis; in his inclusæ viuebant more Anachoritarum, solitariae quoad contubernium, quoad decorum vicinæ. Do-

munculas Cellas vulgò; feminas inclufas, Muratas appellabant. Harum magna copia eo in loco erat. Cui idcirco *Cellis* inditum nomē. Eas voluit Sancia in vnum cōuentum redigere, & monaſterio inclufas ad idem, quod profeſſa Tereſia S. Bernardi fuerat inſtitutū, formare. Non inuitæ morem geſſerunt, tantū expectarunt, dum monaſteriū perficeretur, quod magnis à Sancia collatis ſumptibus ædificari cœptum. Interim acciri iuſſit alias apud Ierabricam recluſas, quas illa antea, & beneuolentia fouerat, & opibus iuuerat, vt iuſtus numerus Sanctimonialium eſſet. Alias, quæ trans fluuium Mondam habitabant, loco nō mouit, quæ in vicino poſitæ, & in meliorem formam redactæ minus ſollicitudinis, & negotij exhibebāt.

Non

Non tamen illarum curam abiecit. Certum eis quippe frumenti demensum assignari in posterum iussit: quod onus post eius mortem ad Cellarum Abbatissa trāsijt. Cumque postea ex illis reclusis monialium nouus cōuentus fieret, cui Diuæ Annæ nomen inditum, & sancti Augustini institutum assignatum fuit, semper Cellarum Cænobium statas illastritici, solemnesque mensuras Monialibus ritè dependit.

CAPVT XXVIII.

*Inuisit Tereſiam apud Loruanum,
& Montem maiorem oppidum
contendit.*

ARdebat vtraque soror mutuo desiderio inter se salutandi, se-

ſequē fruendi. Tereſiæ id per profeſſionem licitum non erat, Sanciæ licebat adhuc liberè à votis, & clauſtro. Itaque Loruanum ſe contulit paucis comitibus. Vt inde preſſas illas per tot viarum anfractus conualles venit, commoueri ſe vehementiùs ad pietatem ſenſit, & multum in locis momenti eſſe ad cæleſtes impreſſiones intellexit. Ipſa ſolitudo, & aſperitas montiũ mirè afficiebat incedentem. Laudabat ſororis propoſitum, quæ ſe ſuasque ſocias in ea teſqua induxerat. Viſo demum monaſterio, maior religio pulſauit animum. Occurrit menti ſanctimonia habitantium, ac præcipuè ſororum. Erant hæ ad oſtium Eccleſiæ intra veſtibulum, ſed foras modicè proiectedæ. Cætera turba virginum in duos di-

uifa ordines per totū Ecclesiæ spatiū tendebatur, ardentibus cereis Sanciam expectantes. Aduenientem amplexu suscepit Teresia, cui Sancia supplex demissis brachijs penè ingeniculata se se inclinauit. Ambabus eruperunt lacrymæ. Adiecit Sancia suspirium tenerior aspectu religiosi habitus facta, quē inuidit forori, cū purpuram antea non inuidisset. Cumq; inter se consalutassent, interuenit Blanca, quæ amplexus illos nouo suo oblato dirimit. Arctiùs eam strinxit Sancia, sed copiosius plorauit Blanca. Tum mediam accipientes inter ordines monialium ad aram maximam procubuerunt. Adorata Eucharistia intra monasterij septa ingressæ sunt. Ibi Sanciam reliquæ moniales reuerenter exceperunt, quas

quas illa vetuit, ne tam ſe demitterent, confirmans pares ſibi eſſe, imò, quòd ſponſæ Chriſti eſſent, ſuperiores. Tunc ijs ad ſua penſa obeunda dimiſſis, in cellam ſe ſororis incluſit. Ibi vna cum altera, de præteritæ vitæ, deque præſentis ſtatu comunicauit. Nihil inter ſe, cēlatum habuere, & cū rationes viuendi contuliſſent, & Tereſia Sānciam iam mundo nuntium remittere parantem deprehendiſſet, pellicere in ſui ſocietatem voluit, vt non modò particeps inſtituti, ſed etiam conſortionis eſſet: idq; multis perſuadere conata eſt. Verū Sancia modeſtè reſpondit, ſibi non eſſe integrum mutare locum, quē ſuperi apud Cellas deſtinarent. Ibi domicilium cum ſororibus nouis, quas parauerat, vbi monaſterium ædifi-

ædificabat, esse posituram. Iam
dudum recepiſſe, ducem ſe ijs &
comitem vitæ fore. Se coniunctas
ad ſolatium quidem aptiùs, ad pro-
fectum, minus aptè eſſe victuras.
Attendendum non quid priuatæ
ex illa coniunctione commodita-
tis acciperent, ſed quid ad com-
mune bonum ſeparatæ conferre
poſſent: vbi animorum copulatio
eſſet, nihil intereſſe ſeiungi corpo-
ribus. Cumque Teretiſæ ſatiſfecif-
ſet, ad coeleſtes curas cum Blanca
conuerterunt ſeſe, ac ſuauiſſimè de
rebus Diuinis confabulatæ reliquis
ſororibus copiam ſermocinādi fe-
cerunt. Placuit Sanciæ exercitatio-
nibus ſacris intereſſe, tum quæ ad
diuina officia, tum quæ ad medi-
tationes, & preces, tum quæ ad
afflictationes, & macerationes

corporis, tum quæ ad penſa, & opera muliebria pertinebant: ſingula & admirans, & obſeruans, ceu memoriæ mandare vellet (tam accuratè quæ viderat notabat) quaſi regulas inde, ac normas ad inſtitutionem ſuarum, de quibus tunc cogitabat, monialium colligeret, vt tempore opportuno dictaret. Tri-
dui ea ſtatio fuit. Decedentem rogauit Tereſia, vt vellet Montem Maiorem ſuę ditionis oppidum ſe conferre, & de toto illius ſtatu diligenter cognoscere: & ſiquid eſſet in Republica (ſic enim audierat) turbatum, id pro ſuo iudicio, & arbitrato componeret. Suſcepit prouinciam Sancia. Erat is annus à partu Virginis MCCXXIII. quo anno in oppidum venit. Nobile, illud in primis; & par vrbi frequen-

quentiã, & opibus ciuium, sed absente iam diu Tereſia neglectum, quasi ſterile ſolum iacebat. Breui tamen ſubactum opera Sancia, fructus haud pœnitendos tulit. Sata inter multos, eoſque primarios, ſemina diſcordiæ, & haud dubia reipublicæ perniciæ adulta, partim compreſſa, partim auulſa. Ferrum intentum iugulis multorum, vel ſubtractum, vel reiectum. Inſidiæ detectæ. Iniqua pacta reſciſſa: vadimonia præcluſa: iniuriæ propulſatæ. Maledici à detracti-
one: auari à ſordibus: rapaces à latro-
cinijs: ganeones à luſtris: aleatores à ludo, conuitiatores à petulantia reuocati. Imperio uſa, his & alijs graſſantibus vitijs modum poſuit. Sed plus egit exemplo. Frequens in templo, aſſidua in ſacris: car-

ceres inuiſere , noſocomia viſitare ,
noſſe, ac iuuare miſeros , ſubleuare
pauperes, ſolari afflictoſ, protegere
viduas, tueri pupilloſ , reiſ ſubue-
nire . Nihilo minus iuſ ſuſtinere ,
iudicia ſtabilire, leges conſeruare ,
ſtatuta cuſtodire, calumnias depel-
lere, quadruplatoribus obuiam ire,
circulatores arcere, illecebras pec-
candi auferre , corruptelas morum
tollere . In vtrunque partem , &
pietatiſ, & ſeueritatiſ documenta
dare . Itaque ad commune bonum
ſatiſ hac adminiſtratione profe-
ctum . Sed rationeſ pecuniariæ, tū
priuatæ , tum publicæ negotium,
Sanciæ haud mediocre exhibebāt .
Sunt quippe difficileſ explicatuſ,
propter ſpectationem , & collybū,
ac lacunaſ in ære alieno, quo qui ſe
obſtringunt nomina expedire vix
poſ-

possunt. Quare non pauci erant in nominibus, quibus abierat dies rationum referendarum: hi procrastinare, & comperendinari, præuari-
cari; alij obruti, & nexi, quoquo se modo exoluere, fraude, dolo malo, vi, tergiuersatione: negare, acceptas pecunias, ne dependere, cogerentur. Quidam acceptum, retulisse se dicere, sed expensum, tulisse affirmare. Nonnulli qui soluendo non erant versuram facere, ac nouis se nominibus obstringere, ac demum circumforaneo ære obrui, & foro cedere: interdum, & solum vertere, & nomina secum portare, detrimenta creditoribus relinquere. Paucis integræ fidei, putatis, & subductis rationibus accepti, & expensi summa quadra-
bat: Ita parum ad quæstorem Re-

ginge lucri perueniebat : & propè
erat, vt Publicani partim ob inter-
ceptos redditus, partim ob præſcri-
ptas uſuras, vel ſublato, vel inter-
ſo anatociſmo decoquerent. In
hac difficultate Sancia ſic ſe geſſit, vt
cōſultis ijs, qui omnes vias pecunię
norāt, & deducēdo partim, & par-
tim condonādo, & partim exigēdo
turbatas rationes rectè ad in inſtra-
ret, & nomina multorum ſine ma-
gna vtriuſque partis iactura diſſol-
ueret. Quo quidem Sancia ſoro-
ris Tereſiæ rationibus haud parū
conſuluit, ingenti vi pecunię ad
expenſas in fabricatione monaſte-
rij, & ſuſtentatione Monialium,
& iam antea factas & deinceps fa-
ciendas numeratò repræſentata.
Sic illud oppidum priſtinę virtuti,
ac fidei redditum Tereſię votis cu-
mulatè reſpondit. CA-

C A P V T XXIX.

*Spernit oblatas sibi à Rege Fratres
Ferdinandi Regis Legionis nu-
ptias : Monasterium Cel-
larum ingreditur : se-
que ibi Deo de-
uouet .*

CRescebat Sancia cùm profe-
ctu virtutis domi : tum fa-
ma sanctimoniae, & prudentiae fo-
ris. Iam illam viuo Patre Sancio fi-
nitimi, longiniquique Reges nu-
rum optauerant, nec dum satis a-
dultam, nec maturam, quod illa
causari solita ne nuberet. Nunc &
hac excusatione præcisa, & aucta
existimatione, doteque constituta,
quanta Regiae Principi satis esset,

obnoxia Regibus procis eſſe cœpit. Frater Alphonſus affinitatum potētiffimarū cupidus vrgebat in thalamos. Petebat illā ante alios Ferdinādus Caſtellæ, ac Legionis Rex, Alphōſi, & Berengariæ Filius, qui Patri, Matriq; ſucceſſerat: iuuenis magnanimus, & virtutibus regijs præditus, Sanciæ, niſi à Chriſto præoccupata eſſet, ſponſa dignus. Hic omnino erat cæteris præferendus: & Fratri Alphōſo mirè placebat. Vterq; populus connubiū illud communibus ſtudijs, vt fieret procurabat. Sed omnium vota, & ſpes Sanciæ votum reiecit. Vouerat ſe à teneris Chriſto. Pactam ergo ſe, cæleſti ſponſo declarauit, & procis omnibus nuntium remiſit. Frater Alphonſus, quæ Regum natura eſt, cum ijs mos haud geritur, ei inſiſte-

sistebat, penè cogens vt nuberet.
Illa ob firmato animo respondere,
citiùs sibi quoduis, vel grauissimũ
subeundum esse supplicium, quàm
thalamum ineundum. Ac ne vlla,
regi deinceps spes esset, clàm ad se
Conimbricensi Episcopo accito
consilium ei suum aperuit, ac Cel-
las cum eo contendit, quò iam iu-
stus sororum numerus cõfluxerat:
& coràm virginitatis voto reno-
uato, reliqua duo paupertatis, &
obedientiæ emisit, atque adeo in-
stitutum Sancti Bernardi professã,
sacrum de manu eiusdem, deposi-
tis crinibus, velum accepit; & pa-
lãm mundo renuntiauit. Affecit
ea res mirè audientium animos,
Aulicorum imprimis: sed nemo
factum improbare audebat. Tanta
erat Sanciae apud omnes, & existi-

matio, & reuerentia. Vni Regi affectuum impotentiori, durum viſum, quòd ſe inuito ſoror fecerat; verum patienter ferendum, quod retro trahi non poterat. Illa ſui voti compos Deo ex integro vacare cœpit. Naſta ſocias, indolēcias, ſtatu virgines, conditione ſubiectas, eas ad ſuum, hoc eſt pietatis, ingenium fingere perrexit. Cedebant illæ, & quamcunque vellet formam virtutis imprimere, eam exprimebant. Numero triginta ſorores erant, ſed in vnum Charitas redegerat. Ordinis tantū & officiij diuerſitas erat. Hæc ad obedientiam relata, quòd non poſſet ſine graduum & munerum differentijs adminiſtratio rerum conſiſtere. Sanciam nihil à reliquis præter regij ſanguinis, quæ in vultu

vultu extabant notas, inuitam, atque eminere negantem distinguebat. Proposuit sibi regulam examissim seruare, eamque sororibus rite obseruadam, quemadmodum vovissent, ad institutas vitæ rationes præscribere. Hoc esse capitale docebat. Hanc esse ad religiosam perfectionem satis; verum eò illa sibi minimè satisfaciebat assueta in aula exercitationibus, si minus perfectis, certè asperioribus. Harum quæ clàm cæteris fieri poterant, eas retinuit: quæ foras emanabant, ijs ne communis vitæ tenorem interromperet, prudenter abstinuit. Itaque de quotidianis, & seueris, quibus se afflictabat flagellationibus, quæ suo se probebant strepitu, detraxit; funes, & thoraces setosos, quibus se arctè

cingebat, quòd res erat occulta, ſeruauit. Conſultò vtrumque. Ca-
uit enim ne exemplo ſuo videre-
tur alijs, aut aſperiora præſcribere,
aut infirmitatem exprobrare. Fu-
rari ſolebat nocturnæ quieti horas
non paucas: eaſque meditando cõ-
ſumebat, quando conticinium no-
ctis ſilentium linguis, locis infre-
quentiam afferebat, vt pij facti ſu-
ſpicionem opprimeret. Orabat au-
tem tacitè nullo gemitu, ſuſpirio-
ve emiſſo; ad ſe collecta meditaba-
tur, vt qui videret orantem, ſenſus
expertem putaret. Bis quotidie in
ſe ſolita inquirere, ſemel ante præ-
dium, iterum antecubitum, & ra-
tiones animæ ſecum putare; ſi quid
rectè factum, Deo aſſignare: ſi quid
ſecus, imputare ſibi, & punire: &
in diem poſterũ ſeponere, ac præ-
ca-

cauere. Liberas à sacris exercitationibus horas domesticis occupationibus impendere. Nusquam animum à custodia sensuum remittere: obseruare se semper, ne quid, quoad eius fieri posset, minus aut honestum, aut decorum obreperet. Sibi à se, tanquam hoste infidioso, timere. Consueuerat abiecta, & vilia, propriaque seruorum ministeria obire, mensæ accumbentibus afferre cibos, reliquias colligere, ac in suum locum deportare. In culina frequens erat: ligna ad focum adhibere, aquam ad eluendas ollas, & caldaria afferre. Patinas, & omne lancium genus proprijs manibus abluere, & extergere; sæpe scopis humum vertere, & sordes collectas foras projicere. Hæc interdum solitaria, inter-

terdū cum ſororibus vnà exercere,
mira hilaritate, vt quantam ex eo
caperet voluptatē, ſignificaret.
Apud infirmas inuigilare, præſtò
eſſe, omnibus ſubuenire, remedia
excogitare, præſcripta medicamē-
ta adhibere. Nihil quod vſui ad
ſalutem eſſet, prætermittere. Nihil
in eo miniſterio abiecti, ſordidi ve
muneris recuſare. Nec vero hæc
maiora dicendo fiunt. Summa ex
hſtoriarum monumentis deprō-
pta fide narrantur. Et quidem de-
miſſio, & abiectio ſui propria San-
ciæ virtus fuſſe fertur: quæ eò erat
mirabilior, quò demittentis ſe,
perſonæ altior erat conditio. Has
virtutes admirari reliquæ monia-
les, & obſeruare: ad eaſque imi-
tandas ſeſe omni ſtudio, & conten-
tione conferre. Ac quoniam dif-
fici-

ficile erat omnes consequi, singulae
sibi singulas, vti cuique quæque,
placebat, sibi proponere, & conari
imitando exprimere. Qui socias
videret sedulò, ac diligenter virtu-
tes Sanciae obseruare, & ad se notā-
do colligere, existimaret Sanciam
pratum esse, Socias apes, quæ flo-
sculos aucuparentur, & carperent,
vt in suis cellis ex ijs fauos finge-
rent, & mel sanctimonix confi-
cerent.

CAPVT XXX:

*Teresiæ hoc tempore Loruani
exercitationes.*

QVod de citharis ferunt, cū
intentis ad numerum neruis,
& ad reddendum sonitum accom-
mo-

modatis ex aduerſo locātur, pulſa-
tis vnus fidibus, ei alteram nullo
excitatam tactu ad fidem respon-
dere, & iuſtum redditus ſonis con-
centum efficere: id certè duabus
hiſce ſororibus ſimilem in diuerſis
monaſterijs vitam religioſè agen-
tibus accidiffe compertum eſt. Nā
vnus vitę ad inſtituti normas attē-
peratæ, ſic altera ex aduerſo reſpō-
debat: vt parem virtutum cōcen-
tum redderet, ac vtrinque mira-
quædam, & apta morum harmo-
nia exiſteret. Et quidem vna cer-
tius, & vehementius excitabat al-
teram, quòd ambarum ſpiritus
Coeleſtis fidicen interiori, & arca-
no pulſu corda tangebatur. Ac quò
maior eſſet concordia ipſę inter ſe
ſcribere, & quo quæque modo in
virtutis ſtudio proficeret, datis ac-
ce-

ceptisquē litteris, altera alteram
edocerē: cūque ingenio, & in-
dole non minūs, quā sanguinē
coniunctæ essent; & studia sua in
vnum, religiosæ nimirum obser-
uantia, ijsdem rationibus, ijsdem
præceptoribus finem contulissent;
tanta erat similitudo morum, vt
cum sorores natura essent, virtute
gemellæ viderentur. Itaque nar-
rando exercitationes sacras Tere-
sie, non in re quidem, sed in verbis
discrimen erit. Faciam quod Pi-
ctores solent, cū eiūdem imagi-
nem personæ diuerso tempore, ac
statu pingunt. Mutant vestes, si-
tusque, non lineamenta, formant-
que vultus, coloresve natiuos. De-
dita imprimis Teresa fuit studijs
rerum diuinarum, statum horarū
pensum sacrarum ritè persolvere.

conſuetis meditationibus, & præ-
cibus ſolemne tempus impendere.
Aliquot prætereà horas de com-
muni cura præcidere, & in priuatæ
orationis uſum conuertere. Tam-
altè in hanc intrabat: ut vix vlla
vnquam cogitatio foras emanaret;
quòd ſi qua effugeret ſtatim, eò
vnde reſilierat, reducebat. Reuo-
care ſæpè ad calculos animum, &
rationem facti, infectique conſci-
entia excuſſa ſibi met reddere: ſen-
ſuum cuſtodiam intendere, & eu-
agationibus exitus mētis præclude-
re, affectiones, & perturbationes
animi ſedare: appetentiam cibi
inedia frangere: inter ſorores cum
taciturnis ſilentio: cum diligenti-
bus ſedulitate: cum officiſ ob-
ſequio: cum morigeris obedientiâ
certabat. Paupertatis obſervantiſ-
ſima

suma extitit. Dum rem conuentus curauit, numos è redditibus collectos, ad seque perlatos nunquam, propria manu accepit, ceu eo tactu contaminaretur, sed sorori, quam rationibus pecuniarijs præfecerat, tradi iubebat. Postea ne cogitare, quidem de redditibus voluit. Atque ut paupertati comitem obedientiam adiungeret, alieno arbitrato viuere decreuit, seque non modò copijs, sed proprijs etiam affectibus spoliare. Virginem magno natu, multis præditam virtutibus, Abbatissam designauit: & sororibus sui loco futuram eligendam proposuit: & omnium calculis approbatam creauit. Eam conuentui ex integro præfecit, facta eidem administrandi omnia potestate. Huic se primùm volun-

tate, deinde officio ſubiecit : priuata deinceps futura, in Vulgus tranſijt Monialium. Eo ſe ab omni commercio abſtraxit. Si qui ad eam principes viri viſendi, & ſalutandi gratia veniebant ; ſic eos excipere ſolebat, vt grauatè ſe colloquijs daret : & citrà contemptum ſignificaret ſaſtidium. Quo ij deprehenſo, ſpontè, haud magna interpoſita mora, diſcedebant. Si quos aut publicum negotium, aut priuata neceſſitas adduxiſſet, eos attentè, ac beneuolè audiebat, ac ita præciſè reſpondebat, vt occaſionem adimeret quicquam aliundè ad confabulandum accerſere : quòd ſi res cito tranſigi non poterat, ad Abbaſſam remittebat. Sic externa horis ſubciſiuis, domeſtica integris tra.

tractabat. Vitæ communis rationi se accommodauit. Cum alijs in choro precari, in triclinio vesci, in gynæceo acupingere; in dormitorio quiescere; in loco ad correctionem. (Capitulum vocant) emendationem subire; ad cruciatum corporis, flagellari, ad laxamentum animi, recreari. Nemini importuna, vel grauis; omnibus affabilis, comisque humanitatem præferre. Quæ quanquam vulgaris virtus videatur, in Regijs tamen personis habetur non vulgaris. Nulla certè in vulgus exit gratia, plausuque maiori.

CAPVT XXXI.

*Tereſia reipub. cauſa Monafterio
egreditur, & ortas ſuper heredi-
tate Regni Caſtelle, ac Le-
gionis lites componit.*

D Abit veniam Lector, quòd,
ne interromperem geſta
Sancie, caput hoc loco moui. Hæc
enim ante ingreſſum in Cellas San-
cie contigerunt; ſed nexum malui
ſeruare rerum, quàm ſeriem tem-
porum. Alphoſus Rex Legionenſis
tres è Tereſia noſtra ſuſtulerat libe-
ros Alphonſum, Sanciam, Dulciã.
Ea vero, damnatis inceſtis nuptijs,
dimiſſa, ſecundas cum Berengaria
eodem vitio infectas contraxit. Hæc
eò libentiùs accepit, quòd ſecum

Castellæ Regnum in dorem trahebat : ex hac alios suscepit , ac in ijs Ferdinādum, ad quem materno iure Castellæ regnum spectabat . Sed erat animo Legionense Alphonso filio Terefiæ dare : verūm is viuo Patre mortuus spem fefellit . Alphonfus filio superstes , huic Ferdinando, è Berengaria suscepto, propter illius turbulentum, & ferox ingenium, minus initio æquus, & indulgēs, & postea infensus fuit. Hinc primūm dissensiones , deinde similtates ; tandem apertæ inimicitie extiterunt ; adeo , vt Alphonfus Pater moriens Regnum Legionense pēnes filias Sanciam, & Dulciam testamento reliquerit. Tam abalienant animum Patris , filij mores. Mortuo patre, qui amor erga filias plus æquō dederat, Filius ius suum

(haud erat dubium, cum sexu valer-
ret) repetijt. Cui tamen teſtamenti
fides obſtabat, & amor in filias ciui-
um, quem orbitas, & ex ea orta cō-
miferatio excierat: accedebat vide-
ri æquius regna diuidi, quàm vni
cōferri. Obrutum iri tanta mole,
rerum iuuenem minùs, & gratum,
& expertum Rerum publicarum.
Melius adminiſtrari, quæ ſeparata
cum ſuo iuſto capite Regna conſiſ-
tunt. Satis eſſe Ferdinando regnum
Caſtellæ: cui par eſſet futurus. Duo
regere nō poſſe. Nec duo ab eo vno
regi velle. Vtrum, ſi iungantur, alte-
ri præſtiturum? Diſcerptum iri in
partes ambo, vno ad ſe primas tra-
hente, altero repugnante. Commo-
ueri, & tumultuari populus, & ad
arma res ſpectare. Berengaria ad pa-
cificandum ſatis non erat, & ſuſpe-

Etiam causæ maternus amor fecerat.
Igitur ad Teresiam curæ, & spes ver-
fæ. Illam quæ regno, & aulæ renun-
tiauerat, & delicias, & opes con-
temperat, ad derimendas eas, quæ
ab ambitione eruperant lites, ido-
neam esse. Quæ vacabat Deo, Diui-
nisq; humanis eam affectibus haud
fore obnoxiam; mentem assue-
tam contemplationi cælestium, vi-
dere purius, & subtilius inspicere,
quid Deo sit placitum. Persuase-
rant sibi omnes ab vna illa negotiū
transigendum; verū exanimabat
absentia, & professio, quæ vetabat
coram adesse Teresiam. Tentandum
tamen rata Berengaria litteras ad
eam per certos homines misit: &
alias subinde ad regem Alphonsum
Lusitanix cum precibus, vt si Tere-
sia de profectione dubitaret, ad iter
ipse

ipſe compelleret. Haſ illa cum legiſſet, magnoperè eſt commota, quòd videbat conſcientiæ, & officiꝝ eſſe, communis Reipublicę cauſa priuatam quietem, & contemplationem relinquere: ſed oportebat rem maturè perpendere. Voluit de ſtature-
rum tabellarios (nam id quoque litteræ continebant) qui honeſti homines erant, audire: compertis, quę inſtabant, conſulto animi ſui arbitrio, & ſuperiori, ac ex illorum conſilio deliberato egreſſu, cùm de ſuo conſilio certio-
rem facere regē vellet, & ab eo facultatem impetrare, is tempore illam præuenit, ſcriptis ad eandem litteris cum mandatis, vt negotium haud cunctanter ſuſciperet; itaq; iam parere neceſſe erat: quod ei gratiſſimum accidit, vt honeſtius exiret. Idoneo comitatu iter

aggressa ad locum, quò Berengaria
Reginà condixerat, rectà conten-
dit. Ibi flos ciuium cum Regina, &
Regijs liberis erat. Honorificè ac-
cepta tanquam pacificatrix, quæ fi-
nem tot malis, & quæ iam tulerant,
& quæ tum patiebantur, & quæ ti-
more præceperant, esset allatura.
Posuere arma, & iras populi: com-
petitores abstinuere ambitu; eius
vnius iudicio staturos sese omnes re-
ceperunt. Illa prerogatiue masculi-
næ memor, contra filias proprias
mater sententiam tulit, & regnum
Ferdinando adiudicauit. Non ta-
men ab hereditate remouit: iussit
illis assignari multa, & idonea oppi-
da, vnde redituum, quod satis esset,
ad sustinendam regiam personam
colligerent. Nec prius regno exces-
sit, quàm Ferdinandus Regni pos-
ses-

ſeſſionem inſiſſet, & ſororibus do-
tē præſcriptam ſepoſuiſſet. Gra-
ta omnibus ſententia fuit, ac ex eo
iuſtior viſa, quòd erat à matre pro-
fecta, quæ ius amori antepoſuerat. Et
quidem Filię hauð grauàtè parue-
runt, quòd ſententię reuerentia pō-
dus attulerat, & quòd nouerant Te-
reſiam olim abdicàſſe ſe ſtatu, &
libenter regno ceſſiſſe. Malue-
runtque Matri, neglecto, quàm
accepto imperio clariori, ſimiliores
videri.

C A P V T XXXII.

*Redit in Lusitaniam: Monasterio
inclusa, multa in se cruciatuum
genera excogitat.*

PAce foris parta bellum domi
sibi indixit. Primùm propo-
suit: nunquam deinceps à Monaste-
rij claustris exire, stataria secum ip-
sa pugna decertatura. Molle, ac te-
nerū corpus duriter accipere mul-
tò ante iam cœperat, quòd sciret, hūc
hostem domesticum, si blandè tra-
ctetur, rebellionem mouere; vnus
ille indulgentia ferox fit; insidioso
mari similis, quod cum per malaciā
iacet, tempestatem machinatur. Er-
gò flagris se cedere: & quasi manus
torperet propria, utebatur aliena,
quam

quam vrgebat imperio, ne impetū
feriendi remitteret; pias Sociarum
manus præcepto aſperabat: immo-
rigeras vocans, quæ ſanguini parce-
rent: morigeras quæ elicerent. Per-
ſuaſit delinquere eas ni ſæuirent:
crudelitatem in religionem vertit.
Hac arte efficiebat, vt copioſius ſan-
guis efflueret: & ipſam deſtituerent
vires, & inter manus cædentium la-
beretur: nec ante erat ceſſatio; nem-
pe deliquio lenſum extingente.
Hęc poena quanquam grauis, minus
ei tamen ſatisfaciebat, quòd necelle
erat interrumpi. Igitur perpetuam
excogitauit inducto cilicio ſetis
hircuto, tactu aſpero,, viſu horrido,
cui ita corpus aſuefecit, vt hæreret,
& in partem corporis tranſiret; ita-
que illud numerabat in membris.
Temporum vices ad cruciatum ac-
com-

commodabat. Vere æstu difflebat:
hyeme rigebat algore. Siti & fame,
se macerabat: inedia se iuxtâ, & cibo
torquebat. Dapes insipidas amabat:
si quæ sapiebant, eas miscebat ama-
ro succo, & interdum cinere pro sa-
le aspergebat: idque putabat condi-
tius, quod mortis memoriam sa-
piebat. Somnus brevis, ac intercisus;
mens quippe assueta meditationi-
bus interpellabat dormientem; nec
corpus iners iacebat, quòd itratu du-
rities reddebat inquietum. Itaq; nō
tā oculos permittebat somno, quā
somnia oculis obrepebat: vt dor-
mire furti instar esset, quòd somnū
illa velut latrocinium deprehen-
bat, & à se excutiebat, & vigilia ca-
stigabat. Illa insignis cruciatio fuit.
singulis ferijs sextis peractis à sacer-
dote rebus diuinis, redibat in cellā.

Tum

Tum obſerato oſtio intùs ſe abdere
 & ingeniculata terræ oſcula inſigere,
 & cor in lacrymas dilutum per
 oculos effundere, & percuſſo pecto-
 re peccatricem ſeſe, reāq; fateri, &
 Crucifixi effigiē manibus apprehē-
 dere, amplexu ſtringere, plagas of-
 culari, ceu ex ijs ſanguinem vellet
 elicere, quo ſuarum, vt aiebat, ſor-
 des culparum ablueret: ac in eo ſta-
 tu diù permanere immobilis, & im-
 mortuæ ſimilis: nec à mortua niſi
 ſuſpirijs, quæ inter ſingultus emit-
 tebat, diſcerneres; eam diem ſolidā
 ſine cibo traducere: & omni gene-
 re cruciatuum exercere. Reliquum
 vitæ commentatio mortis fuit. Ex-
 inde quippè coepit, quaſi citò mori-
 tura vitam ducere: ſeiuncta, & ſe-
 mota ab alijs in ſe colligi, & in ar-
 cana æternitatis abdi. Ac quo id
 ma-

maiore cum pietatis sensu efficeret
iussit aperiri sibi sepulturam loco
idoneo ad Aram Diuæ Virginis à
Rosario: & dum lapis (nam vulga-
rem eam esse voluit) in operculum
parabatur, ingressa fossam, viuum
corpus eò infossam morti oppigne-
rabat : ac vt mortalis conditionis
memorem se probaret, à die proxi-
mo quàm est clausa, supra lapidem
ingeniculabatur quotidie, se que
morti deuouebat: ac vt sibi præiret
funereum cantum, preces illas so-
lemnes, quæ cani pro Defunctis in
Ecclesia solent, priuata recitabat,
intermistis lacrymis, quæ vbertim
manabant, & fontem in laxo inesse
testabantur.

CAPV T XXXIII.

*Variarum quædam lumina virtutum
hinc inde collecta pununtur.*

S Acrarum præcationum studio-
ſiſſimam fuiſſe conſtat. Antè-
uertere ſocias cum ad Horas ſolem-
nes eundum: manere poſt eas cum
exeundum. Prima accedere, nouiſſi-
ma recedere. Sæpe ſola in Choro
manere, ac diu perſeuerare, idque
ſolita facere poſt vltimam horam,
quæ complet cæteras, & ſub occa-
ſum Solis perſoluitur. Ab ea sæpè
uſque ad matutinas meditando du-
rare, vt non ſatis eſſet præuenire,
venientes, niſi expectaret redeun-
tes. Quod mirandum eſſet, ſi minùs
ea cæleſtium rerum dulcedine tan-
gere-

geretur : sed cùm tot abundaret solatijs , & tanto immortalium deliciarum gustu afficeretur mirum id minimè videri . . Verùm cùm ille, sensus Diuinæ Gratix altiùs penetraret in mentem, oportebat eam, mortales curas, cogitationesq; abijcere, & eò niti corpore, quò euehebatur animus : Visa est sæpe orans ferri fursum , & flexis genibus in aere suspensa consistere, & perseuerare immobilis, specie quàm pro humano habitu augustiore . Interdum splendere vultus, & Solis imaginem radijs in orbem coeuntibus , & exinde foras proiectis formare : vnde lux tanta exiltebat , vt domi peregrinari Sol ipse auulsus è Cælo videretur. Idque non semel sociæ eo feliciter splendore delusæ obseruarunt. Quod cum ex earum concursu

Tereſia ſibi reddita cognoſceret, abſtinuit ab ea publica oratione: & in ſuum ſe includens cubiculum, noctem ſibi indixit. Ibi lumen illud abſcondit. Sed non minus fulſit, & claruit apud omnes luminibus extinctis, quàm antea accenſis. Meditationi ſermo reſpondebat: ardebant verba, ceu faculæ admotæ auribus audientium, inſpirabat amorem cæleſtium, eoque, facilius, quòd æſtuabat. Id mirum, quòd in edito perfectionis poſita, tam inde facile ſe demitteret, & indignam communi luce putaret, & grauiffimarum ream culparum diceret: idque lacrymis proderet, quæ alijs pudorem afferebant cauſas dolendi proprias cum illius cauſa conferentibus. Nec illa non ad eluendas modis omnibus maculas animi hortari ſorores,

vt scrutarentur latebras, & recessus
mentis: inuentas dolore obruerent:
obrutas Sacerdoti proderēt: Sacro-
sanctę Eucharistię remedio aduer-
sus importuni hostis tentationes
vterentur. Hinc ad externa obeun-
da charitatis officia; Infirmis asside-
re: cibos propria manu porrigere,
nauseantibus, & moribundis etiam
in os inferre; interdum cum ijs vnā
edere, & potare; vt appetētiam eli-
ceret. Desperatas monere periculi,
certas moriendi confirmare, sacris
pręsidijs muniri curare, animam
agentibus adesse: Suauissima IESV
M A R I A E nomina inclamare;
& in illo extremo, in quo animi sa-
lus disceptat, articulo, omni ope iu-
uare; nec discedere donec mor-
tem obirent.

C A P V T XXXIV.

Sancia Spiritu, quo pollebat, prophætico vicinam mortem præſentit, ſequē ad illam.

Strenuè, ac piè comparat.

MENS Sanciae affiduis dedita contēplationibus ſubtiliùs rimari arcana, euenta in cauſarum ſinubus latentia diſpicere, eo illuſtrata lumine quod ex æterni fōtis luce hauriebat. Penetrabat animos alienos: abſtruſa eorum ſenſa norat, & quoad per Diuinam licebat prouidentiam, manifeſtabat. Sororibus ſæpe quæ cogitarent, quæque agitarent, de ijs tempore monebat: quaſdam, quæ
re-

recta sibi proposuerant, accendebat: quasdam quæ secus, detinebat. Mirantibus cunctis quomodo hæc illi quæ apud se formarant, ac nemini prodiderāt, nota, & perspecta essent. Erant nonnullæ, quæ interdum grauatè ad eam adirent, quòd timerent, ne si quid minùs decorum in mentem venisset, illa cognosceret, & obijceret. Verum hoc erat, sed nulli ea vnquam exprobrauit, nec ex eo conuicium fecit. Tantum ex illo dono Dei assumere, quantum satis erat ad eas in officio suauiter continendas. Eo certè timore profecit, vt nulla auderet secus, aut optare, aut agere, quàm oportet, anxia ne deprehenderetur. Participauit igitur huius luminis mentem suam, præsentiens mortem, quam sibi immi-

nere nouit. Hoc penitus perſpecto ad mortem ſe accinxit: & in extremo illo vitæ actû ſanctiorem egit perſonam. Precari diutiùs, meditari profundiùs, contemplari altiùs, duriùs ſe habere, intendere acriùs custodiam ſenſuum, motus animi diligentiùs obſeruare, affectiones attentius examinare, conſcientiæ reſeſſus accuratiùs explorare, maculas ſtudioſiùs inquirere, dolentiùs apud Sacerdotem deponere, lacrymari copioſiùs; hortari ſorores ad virtutem, & ſæpiùs, & vehementiùs, & quæcūque officiij ſui erant exactiùs obire. Huic curæ intentam morbus corripuit. Initio levis viſus: ſed paulò poſt inſidioſus apparuit, quòd lenta febris ſe inſinuabat in venas, & ſenſim ægram animi abſumebat.

bât. Hunc morbum Sancia libenter accepit, patienter tulit, & loco beneficij duxit; quòd sperabat eo se ab hac mortali, miseraque vita liberatum iri. Iacebat affecto corpore, alacri animo, vultu hilari. Mæror, & sollicitudo ad sorores transferat, vicem dolentes suam, si ea, quam appellabant matrem, decederet. Hæc solari illas, & cōfirmare: & lenibus verbis abstergere mœstitiam. Non esse de morte dolendum, quæ commune debitum suo interuentu soluit: præire se, sequentes non deserere: meliorem sui partem superstitem, ac memorem fore: profecturam se, ijs magis cùm videri desineret, minùs procul abfuturam cùm propè Deum futura erat. Ac, vt huiusce, erga sorores fidei, & amoris pigno-

ra relinqueret, tria patrauit inſignia erga totidem ſocias ægrotantes opera, quibus Deus teſtata-
m Sanciæ virtutem facere voluit. Sororum vni Cancer læuam prope
mammam exederat, qui paulatim ſerpens penetrabat ſe in vitalia :
iamque mors erat in viſceribus. Abiecta prorsùs ſpe vitæ ad San-
ciam ex morbo decumbentem, ſororum deportata manibus, ſalu-
tandi gratià venit. Eam beneuolè, re intellecta, Sancia excipiens : *an
tene haberet?* rogauit. Cui cùm illa reſponderet, *tanquam breui peri-
tura*. Regina : *bono animo eſto: Deus meliora*, inquit. Deinde : *propiùs ac-
cede*, ſubiunxit, *de tege vlcus*. Tum aſpexit detectum, & molli manu tetigit : mox impreſſa Cruce di-
miſit. Exinde melius habere cœ-
pit.

pit. Postea cancer abscessit: & mamma alteri similis extitit. Alteram, cui mittendi sanguinis causa, incisa fuerat altius vena, & arteria puncta grauitur periclitantem, & male brachium sustinentem, quod fascia obuolutum gerebat, hoc habitu ad se accedentem, sui capitis amiculo donauit: & abeuntem hortata est, ut illud brachio implicaret. Simul ac fecit, de repente coijt hiatus intimus, & cutis obductae scissuram sustulit, laeue apparuit deinceps brachium, & constitit. Tertia dolore dentium acerrimo torquebatur, & quod erat adolescentula, impatientius agebat: coacta ob id publico abstinere, & commune pensum, officiumque deferere: inedia, & vigilijs consumi, ac propemodum emoueri. Tenera aetas moue-

uebat sorores ad cōmiserationem,
 ac imprimis Sancieram tunc ægro-
 tantem. Acciri eam iubet arden-
 tem dolore, arcto excipit ample-
 xu, & genam applicat genæ. Eo
 tactu obstupere dentes, & amisso
 sensu doloris quieuit, & cum reli-
 quis sororibus ad officium, & pen-
 tum redijt. Hæc ante mortem
 præstitit, cum iam afflaretur æter-
 nitate.

C A P V T XXXVI.

Sancia sanctè moritur.

DEsperata demum salute San-
 cia, post sumptum Sacrum
 ad xtremum illud iter viaticum:
 & salutari oleo ad supremam lu-
 ctam vncta, cum iam mors im-
 mi-


mineret, moneri de eo Teresiam
oportuit. In vicino erat. Nec lon-
ga mora. Bene mane missus nun-
tius; sub noctem Teresia cum pau-
cis adfuit. In cubiculum sororis in-
ducta, consumptam quidem mor-
bo, sed integris adhuc sensibus sui
compotem inuenit. Peramanter
inter se cum salutassent, sedit pro-
pè lectum Teresia, Et: *Si qua mors,*
inquit, lege teneretur, non tu me San-
cia natu minor maiorem antecederes,
sed, quod erat iustum, sequereris. Ve-
rum cum ea effectus sit, & poena culpæ,
quæ contemptus est legis, non potuit non
exlex esse. Nisi si sponsi Christi erga
te amor citiùs te liberare voluit huius
vite miserijs, & ad Paradisum trās-
ferre, ubi agnum illum inter Virgines
quocumque volet ire, comitabere. Hoc
propius vero duxerim. Virtutis in-

te habita eſt ratio, non ætatis. Hæc acerba, illa matura. Tibi haud graue erit à mundo ſeparari, quæ ei minimè adheſiſti, & corpus erga ſtulum putaſti: nec iter ignoras, quod mente agitando confeceſcas, & meditationi ſignaueras. Cito euolabis, quam nulla voluptatum vincula tenuerunt; nobiſque ad te ſequendam impreſſa veſtigia per exempla relinquis. Quem præ manibus Crucifixum habes Chriſtum, iſ tibi dux viæ, & auctor ſalutis erit. Lacteam ſemitam quam in ibis, cuius ſanguine diſtinctam inuenies. Huic tu acceptum referre debes quicquid piè cogitaſti, quicquid rectè egiſti, & quicquid non deliquiſti. Niſi ille te ſanguis ablueret, tu munda non foreſ. Corpus illud Cruci affixum tuam liberauit animam. Hæ te plagæ ſanarunt: illa te nuditas veſtiuit: illa pauperias ditauit. Huic

*te commenda; huic te crede. Hunc spō-
sum, Et sponforem salutis habes. Ad
hæc Sancia hilaris, vti potuit, bre-
uiter respondit. Nam quid ego,
tibi, Teresia, superstes essem, quæ tan-
tò me superior es virtutibus? Non est
attendendum vtra sit iunior, sed vtra
sit utilior. Antecedo ego, in qua minor
sit iactura. Tu manes, quæ Et per te
prodesse, Et si quid ego proficerem,
supplere possis. Has igitur meas tibi
commendo sorores. Tux sunt serux: il-
larum curam suscipe, Et in tuis nume-
ra. Cæterùm solatia quæ mihi suauis-
simis verbis præbes, mirè ad pietatis
sensum afficiunt, Et spei implent dece-
dentem hanc peccatricem. Hic eam
liquit animus, & coepit delicere.
Tum Teresia applicato ad moribū-
dæ pectora Crucifixo. Amplectere,
inquit, quem amasti, suauiare os cæ-
le-*

*leſte pro te felle imbutum : has ſpinas
 pectori inſige in roſas immortales eru-
 pturas . Animam collige , vt in hoc la-
 tus hians vulnere cum expiraris , in-
 fundas . Dum hæc diceret Tereſia ,
 cæteræ ſorores ſolitis Deo precibus
 animam commendabant . Sancia
 iam ſingultibus mortem vicinam
 teſtabatur : & inclamante altiùs
 Tereſia Sanctiſſima Ieſu , & Ma-
 riæ nomina : cum Chorus cæterarum
 virginū illa verba Litanix ſolem-
 nis recitaret : Omnes Sancti , & San-
 ctæ Dei intercedite pro ea : placidiſ-
 mè efflauit animā III. Idus April.
 Æra M. CCLXVIII. ideſt anno
 1229. hora diei tertia . Id obſer-
 uatum , eundem retinuiſſe vigorem
 in vultu poſt mortem , quem an-
 teà in vita tenuerat , vt nihil in eo
 corpore præter animam deeſſet ,
 imò*

imò videretur ex animæ beatæ ho-
spitio (vti par est credere) excel-
lens illa species emanare. Huius
gloriæ iustum, & idoneum testi-
monium dedit S. Ægydius, qui tū
in Lusitania viuebat, Ordinis Præ-
dicatorum eximium decus, cui eo
ipso quo mortua Sācia est momen-
to in Ecclesia oranti per speciem
videndam luce cælesti circumfu-
sam se obtulit, quanta, & qualis ad
superos ibat, confessa Sanciam
esse, quæ prima Dominicanos Fra-
tres in Lusitania excepisset. Quia
ille visione recreatus magnum ora-
tionis suæ fructum cepit: eique
beatitatem gratulatus, vt sui apud
Deum memor esse vellet, enixè ro-
gauit. Cui illa se facturam, quod
optabat esse recepit: & adhortata
est, vt pergeret animum suum vir-
tu-



tutibus, proximorum doctrinis excellere breui vnà ſecum in ſuperis fore. Hoc ille poſtea narrans teſtatiorem Sancię ſanctitatem poſteris reliquit.

CAPVT XXXI.

*Sanciæ corpus auſert Tereſia, & ad
Loruanum deſert, ibique
ſepelit.*

EXimia illa, & mirabilis pulchritudo excitauit Tereſiam ad Sacrum illud corpus ſecum deducendum, cui beatitas deberi videbatur. Igitur egredi omnes è cubiculo ſorores cum Abbatiffa iuſſit, & in Chorum ſecedere, & reddito horarum penſo, paſtum (manè quippe Sãcia deceſſerat) ad triclinium

nium ire, quasi eo tempore vellet proprijs manibus funereo habitu sororem induere, & in feretrum imponere, & ad sepulturam comparare. Nemini veniebat in mentem ea die efferendam. Quare, nullus de pio furto suspicandi locus fuit. Aliud agitabat Tereſia: ac ipsum latrocinium studio pietatis cogitabat. Re cum ſuis ſocijs communicata, ex antè comparata lectica, tandiu auferre diſtulit, dū moniales ad reficiendas ſolito cibo vires, omnes, quod ipsum fieri iuſſerat, conceſſerunt. Inter edendū educi ſilentio è cubiculo corpus, vti erat ad funus accōmodatū, ſed ſtragulo opertum propter circumſtantes ad portam externos, foras imperat, & in lecticam inferri, tanta celeritate & fide, vt ne oſtiariæ

quidem ſenſerint. Præmiſſum corpus ipſa eſt ſecuta, cum comitibus, portis monaſterij clauſis ad ſpeciem relictis. Paſtę moniales poſtquam in Choro, vti fit, gratias Deo egerunt, ſtudio viſendi corporis ad cubiculum Sanciæ redierunt. Ac impulſis foribus ſtratum in quo poſitum corpus erat vacuũ videntes, attonitę primum rei nouitate: mox percuſſę dolore, ingētem eiulatum cum gemitu ediderunt. Imprimis Abbatiffa, cuius erat curandi, & ſeruandi corporis officium præſtare. Cumque ſolitaria omnia inueniſſent, ac Reginam cum ſuis abiſſe, intellexerunt eam Sanciæ corpus ſecum abſtulſſe: idque agreſtes quidam, in quos ea cum ſuo comitatu inciderat, plorantibus, ac ad oſtium de-

re quærentibus nuntiarunt. Tum
omnia luctu, lamentisque misceri,
altè ingemere, queri, non tam de
fraude, quam excusabat pietas, &
amor fororius, quàm de sua nimia,
vel fidentia, vel negligentia. Sibi
imputādum, quòd illo dulci, & caro
pignore carerent, cum ipsæ tam
malè custodissent. Non debuisse ab
loco recedere: saltē vigilare debuis-
se, ne imprudentibus corpus aufer-
retur. Simplicитatis se suæ meritas
poenas dare. Sensit Abbatiſſa ijs se
querelis pungi: ceu anſam ſua negli-
gentia furto dediffet. Vt ſe purga-
ret, eaſque ſolaretur, & pacaret, op-
ponere, Reginæ ſe Teretiæ iubenti
paruiſſe. Potuiſſe ne ſe volenti ſo-
roris cadauer exuere, ab luere, vnge-
re, veſtire, ad feretrum accommo-
dare, vlllo modo reſiſtere? Sororio il-

lam, & Regio iure egisse: nec suspi-
candum deinceps esse acturā, quod
nemini in mentem venisset. Atque
ut suspicio ea de re esset, qui posset
volenti auferre corpus obsisti? Quod
pace ac silentio fecit, id autoritate,
imperio, ac vi (si opus esset) effectu-
ram. An liceret ei repugnare quē-
quam? Matrem omnium, & Domi-
nam Teresiam esse: Sanciam, & mi-
norem, & priuatam, ei si viueret,
obtemperare debuisse. Sepe in illam
viuam potestatem exercuisse, cur
eandem non in mortuam exercere
potuisset? Circa Sanciam post mor-
tem factum, quod in vita fieri li-
cuisset. Gratificandū Teresie, quod
clām omnibus subduxisset, quod
palām, & corām potuisset auferre.
Manere apud se spolia, & monimē-
ta Sancie, quæ satis essent ad solati-
um;

tium ; nec enim memoriam ijs adminiculis , seu stimulis indigere . Quòd ad se attineret altiùs in animum descēdisse Sancię imaginem , & ibi firmiùs hærere , quàm vt vlla , vel longissima , distantia posset deleri . Nec multùm curandam esse , præsentiam corporis , quod caducum esset , & mortale ; animi , qui sempiternus est , rationem esse habendam . Videri hanc perpetuò oculis mentis , nec vnquam abesse à contemplantibus virtutes eas , quibus abundauit , quarum tot expressas apud se illutribus exēplis imagines reliquisset . His , & alijs huiusmodi Abbatissa , sororum , quibus præerat , lacrimas conabatur abstergere . Interim Regina Teresia caros cū pignore Loruanū petebat . Quotùm peruenisset extrahi corpus è

lectica iuſſit, & concurſu monialiũ
(quas certiores de re tota per nun-
tios fecerat) ſupplicationis in mo-
dum factò, ad interiora Tēpli pro-
pè Sacrarium deferri, ibique palam
exponi, vt ab omnibus etiam ex-
ternis, eò confluentibus cōſpici poſ-
ſet, imperauit. Ibi ei ritu Chriſtia-
no, & monaſtico iuſta perſoluta.
Quibus peractis, in aliud, quod ſibi
antea parauerat Tereſia, ſepulcrum,
deductum& ibi Sororis, & Abba-
tiſſæ, ac principum monialium
manibus conditum fuit, lacryman-
tibus cunctis miſto cum lætitia
mærore: dolentibus de iactura viuæ
lætantibus de poſſeſſione mortuæ,
quòd ſcirent quanti eſſet pretij ille
theſaurus, qui terra obrutus emica-
bat in Superos ſpe Beatitatis.

CAPVT XXXVII.

*Sepulchrum Sanciæ sepe rutilat: ipsa se-
mel in choro defuncta cum vi-
uis monialibus psal-
mos canit .*

Viuere pios in superis manes ,
ibique gloria frui , testantur
interdum lumina ex ea decisa, & in
tumulos, vbi iacent corpora illata,
quò, ceu societatem eorū appetant,
Dei nutu descendunt. Inest quippe
illis ossibus semen quoddam im-
mortalitatis, & cineribus ardor qui-
dam amoris, non suppositus, sed ex-
tans, ac in altum tempore eruptu-
rus. Hoc signo voluit supremum il-
lud Numen, Sanciæ apud se viuen-
tis gloriam prodere . Haud multo
post

poſt eius ſepulturam, quædam moniales contemplationi rerum cæleſtium deditæ, dum horis nocturnis recitatis, ab eũtibus ceteris, in Choro vacabant orationi, animaduertentẽ ſplendorem eximium in Eccleſia exiſtere, qui cũ lychnorum, & lâpadum eſſe non poſſet, miro eas modo affecit, & ſtudio videndi exciuit. Attentẽ notato loco conſpexerunt tumultum Sanciæ eſſe, cui lux illa incubabat, & inde ſe ſe in ambitum effundebat: nec illius tamen tumuli fines tranſgrediebatur, quaſi ei loco addicta lux eſſet. Ac primo quidem ambigere (vti ſunt feminae, & timidæ, & credulæ) inter gaudium, & timorem, an illa vera lux, an ficta, & imaginaria exiſteret: Optabant veram ſed ex deſiderio metuebant fallacem. Aliæ igitur

igitur interrogare alias, viderent ne splendere locum? Plus fidei alienis, quàm proprijs oculis habere. Cumque omnes cōfirmaſſent¹ lucem inesse tumulo, eamque insolitam, cæleste ostentū esse omnino sibi persuaſerunt. Erant quæ vellent excitare cæteras, ac imprimis Teresiam quæ illa nocte casu aberat; sed aliæ obstiterunt, quòd æquius ducerent in alium diem differre, quò exploratiùs, ac certiùs aliquid possent afferre. Cumque proxima nox idem prodigium retulisset; tūc Teresiam, quæ discesserat, & quasdā magno natu sorores aduocarunt; quæ cū properè venissent, eundem fulgorem conspexere, & miraculum illud esse duce Teresia, quæ omnium sustulit dubitationem, confirmarunt. Et quidem multis noctibus

con-

continentibus idem ſpectaculum
tenuit : poſtea interruptè & cer-
tis quibusdam temporibus, ne viſio
in conſuetudinem abiret , & con-
ſuetudo admirationem detraheret .
Magnum ex eo ſolatium cepere,
omnes , quòd ille ſplendor pignus
quoddam gloriæ, qua fruebatur Sã-
cia, continebat . Acceſſit aliud mi-
rabilius, quanquam occultius. No-
cte illa, quæ Sancti Bernardi feſtum
diem anniuerſarium antecedit, cū
moniales peruigiles ad horas , quæ
media nocte recitari ſolent, matuti-
nas veniſſent, & psalmos ſolennes,
ſuis quæque ſedilibus inchoaſſent:
vidit Goda Abbatiffa prope Tere-
ſiam, adſtantem Sanciam, habitu
indutam monaſtico, ceu vna in cho-
ro psallentium de numero eſſet.
Attonita hæſit , & parum abſuit
quin

quin exclamaret: sed ad se reuerſa,
compressit impetum, & cogitare
cæpit, an deberet loco se mouere, ac
Teresiam precibus intentam adire,
ac interrogare: an eiusdem visi par-
ticeps eſſet? Intellexit ex perturba-
tione Abbatissæ, quid animo agi-
taret Teresia: ac ei nutu significauit
contineret se se, nec rem proderet:
ſcire ſe quid vellet, & noſſe vicinã
ſuo lateri adhærentem. Sic exoluto
precum matutinarum penſo, di-
miſſis ſocijs, diſceſſit paulo poſt
Teresia, comitante ſorore, donec in
certo quodam loco pauliſper mo-
rata, euauit. Omnia curioſè obſer-
uante Goda, quæ cum ſubſequi
vellet abeuntes, & propè iam eſſet,
vidit ſolam Teresiam incedentem.
Ad quam ſupplex: *Oro te, inquit, per*
Sanctum Patrem N. Bernardum, &
obte-

*obtestor: aperias roganti; quæ species illa
fuit? quale visum? quid hoc portendit?
Et cunctanti; si apud te, adiecit, mea,
quam Matrem, & Abbatissam creas-
ti, valet autoritas, iubeo, ne quid me cæ-
latum habeas. Ita quod precibus eli-
cere non posset, imperio extorsit.
Falsa est Teresia venisse Sanciam,
è Superis celebratum S. P. Bernardi
solemnia, ac illa occasione usam,
prædixisse sibi tempus futuræ mor-
tis, & modum comparandi se sibi
ad mortem dictasse. Hanc summā
else. Cætera ne pergeret inquirere:
quæ effari minimè liceret. Sed rur-
sus Goda animosior facta. Quando,
inquit, te vincit autoritate teneo, hæc
lege dimittam, si aperias qui sit Sancia
in alia vita status. Purgat ne culpa-
rum, si quibus forte nexa erat, pœnas?
an fruitur Beatitudine inter Cælites
iam*

iam purgata ? Cui Teresia prorsus
morigera. Mater, inquit, Mater, uti-
nam in eo nos statu in quo est Sancta,
ambę essemus . Quiescit, & gaudet, &
Agnum inter Virgines sequitur prorsus
beata. Quin scias feliciter mortuam
esse, nulla peccati labe pollutam, nec flā-
me Purgatorię obnoxiam : ita recto ad
Superos cursu ijsse, Iustrati ritē, ac ex-
piati animi beneficio, & sacramentorum
quę omnia piē suscepit, præsidio . O feli-
cem, O beatam . Tum Goda hilariter:
hac te inquit mercede accepta dimitto.
Sic diremptum colloquium .

CAPVT XXXVIII.

*Tereſiæ poſt mortem Sanciæ ſtudia
pia, & opera recensentur.*

EX deſiderio ſororis maiores
impetus cepit animus Tere-
ſiæ ad currendum in ſtadio virtutis.
Stimulabant eius, quæ præcurre-
rat, impreſſa veſtigia. Eò currebat
alacriùs, quò propiùs metam ſe,
conſtitutam videbat; ceu locum,
quoque Sanciæ vacuum implere,
vellet, duplicabat exercitationes
virtutis: & vnà ſuas, & ſororis par-
tes obibat: orare ardentius, atten-
tius meditari, precari ſtudioſius, vi-
gilare intentius, cibo rariùs vti,
ſomno parciùs, rei diuinæ inter-
reſſe religioſius, cruciare corpus a-
cer-

cerbius, expiare culpas accuratiùs,
Eucharistiam sumere frequentiùs,
instituti sui rationes obseruare dili-
gentiùs, ac perfectiùs. Et quoniam
in consideratione mortis multum
momenti ad virtutem esse existi-
mabat, ne occupato sepulchro, re-
cordandi occasio auferretur, aliud
sibi de nouo prope sororis tumulũ
condi iussit, quod deinceps frequẽ-
taret. Itaque duplicauit memoriã
mortis ex alterius, idest sororis obi-
tu, & proprio sui. Tanta erat inci-
tatio Spiritus, vt festinare, & curre-
re videretur, & tempus tarditatis
arguere. Planè illam quasi vncodo-
loris impacto ad superos Sancia so-
ror trahebat. Nec eximia illa Te-
resiæ Sanctimonia vacua fructus
fuit. Constat ab ea nonnulla hisce
extremis temporibus fuisse gesta.

ſupra vires humanas Diuina in eã
virtute deriuata. Solita erat Tere-
ſia pauperes ad monaſterium emē-
dicandi victus cauſa venientes, ad
portam opperiri, & de manu ijs ſua
eleemoſynam præbere. Acceſſit
ſemel vnus, cui brachiū inuetera-
to morbo contractum penitus ob-
torpuerat, ac inutile ex humero pō-
dus pendeſbat. Caſu eum, dum ſti-
pem porrigeret, Regina tetigit: cū
ſubitò viguit brachium, & neruis,
explicatis, ſenſum, motumque
recepit. Vnam è Cōuentu ſororem
crura debilitata ita deſtituerant, vt
iacere ſemper cogeretur iminobi-
lis, & trunco ſimilis. Venit ei in-
mentem tunicæ cuiuſdam, quam
abs Regina dono acceperat, & apud
ſe vſu detritam, ſed intactam ha-
bebat. Hac ſe plena fiduciæ veſti-
uit.

uit . Vix dum finierat , cum stare ,
se rectè , & aptè moueri se sensit .
Alteri continuus pituitę fluxus ita
pectus obstruxerat , vt præcluso
prorsus spiritu suffocaretur . Acu-
tos mala infirmos , & miseros faciunt .
Remedium excogitauit , & inue-
nit . Nacta parum aquę in pollu-
bro , in quo Regina lauerat manus
auide bibit . Potus laxauit respirā-
di vias , & liberam accipiendi , &
reddendi aeris potestatem fecit .
Humor trahit humorem . Valuit .
Laborabat alia monialis vlcere ,
quodam ex pure in pectore cōcre-
to , & in concauum reducto sinum
enato , quod paulatim crescens se-
se diffundebat in vicina ingenti cū
dolore , ac periculo : nec curari po-
terat , quod non extabat . Mirè af-
flictam , & miserabiliter afflictam ,

tem ſeſe Regina inuiſit, & ſolicita
vicem dolentis, tenerrimè eam
ſalutans arcto amplexu ſtrinxit.
Ea ſpecie amantis commota mo-
nialis, ingemuit, & cum gemitu
latens virus euomuit vlcere prorsùs
diſrupto, & malum euauit. Illa
iucundè poſteà, & hilariter vixit.
Fama erat conſtans, quicumque
febri tertiana laborabant, eos ſi aut
aquam qua Tereſia manus ablue-
rat, aut quæ ei ex potu reliqua fue-
rat potaſſet, aut veſtem, quam illa
portarat, tetigiſſent, ab ea continuò
liberari. Is rumor cum ſerperet, ac
in famam erumpens per totum
Regnum peruagaretur, exciuit è
diuerſis oppidis multos, qui cùm
ſani redirent fidem rei fecerunt, &
excitarunt adeo, vt nemo ferme
eſſet quin optaret aliquid, quod il-

la pręgustasset, vel tetigisset habere, quasi pręsens contra febres remedium, idque modis omnibus procuraret. Verum cum rem illā subodoraretur, increpitis focijs, quę res illas subtrahebant, & submittebant, seuerē edixit, nequid deinceps simile auderent: se miseram, feminam, & sceleratam esse, ac indignam quam terra sustineret.

C A P V T XXXIX.

Duo mirabilia euenta narrantur.

HAc demissione animi, & humanę glorię contemptione meruit maiora patrare. Semel, cum Sacris, quibus interfuerat, in Ecclesia peractis, cęlesti cibo pascita in domum interiorem rediret,

in feminam quæ infantem in vlnis propè agentem animam portabat, prætereundo incidit. Cumque ab hac rogante cum lacrymis, vt ſanaret filium retardaretur, paulùm eſt coacta ſubſiſtere: & cognito quid vellet, cohorruiſit, & precãtem, modeſtè repulit, quòd ſciret non eſſe id, quod rogabat, opis, aut poteſtatis ſux. Hoc magis vrgente matre, & fortius abeuntem tenente, interuenit caſu Sacerdos illius arbiter conſcientiæ: qui perſpecta cauſa miſertus matris imperauit, pro ſuo in animum iure, Tereſiæ, vt miſerè quoquo modo, & quoad eius fieri poſſet, ſubueniret, cuius tam certa fides erat. Tunc illa religione obſtricta, infantem è matris cõplexu in vlnas tranſtulit ſuas, & ſinu fouit, ac ſigno ſuper os Crucis edi-

edito: *Deus te, inquit, sanitati resti-*
tuat. Nec plura. Bellè habentem,
matri restituit: quem constat diu
postea vixisse, & vitam Teresię ac-
ceptam retulisse. Mirabilis hic; sed
mirabilior ille euentus, quem nar-
ro, fuit. Monialis ægra, quòd lenta
& insidiosa febri laborabat, fefellit
medicos. Inopina ergo morte op-
pressa sine Sacramentis, & vltima
confessione decesserat. Cumque so-
ciæ illam conclamassent, & efferre
vellent, ac de loco sepulturæ, quòd
recentibus, & multiplicatis fune-
ribus paucæ admodum, & incertæ
vacabant, omninò dubitarent, rem
ad Teresiā, quæ fortè in Odeo pro-
pè sepulchrum orabat suum, solici-
tæ detulerunt. Ea comperto incō-
fessam eo genere mortis decessisse,
edixit, vt quamprimùm confessa-

riū accerfiri iuberent, & in cubiculum fororis ad eius confessionem, antequā efferretur, excipiendā deducerent. Admiratæ forores reposerūt eā prorsus eſſe extinctā. Illa, grauius aliquātò cōmota. *Accerſite,* inquit, *Confefſarium, & à me imperata facite: mora nulla eſto.* Paruerunt: vocatus confefſarius præſtò fuit: & inductus in cubiculum monialis efferendæ eam præter ſpem viuam in lectulo inuenit, ad confitendum paratam. Adhibuit medicas aures ægræ animæ Sacerdos, & confessionem accepit. Vix dum eam in forma abſoluerat, cū agere animam coepit, ipſomet affidente, & extremum officium cū ſolitis promorituris precationibus obeunte. Apparuit illam non niſi ad expiandam ritè conſcientiam reuixiſſe, idq;

idq; suis à Deo precibus Tereſiam
obtinuiſſe. Quæ eo facto probauit
tam ſe de ſociarum eſſe ſalute ſoli-
citam; vt curam etiam vltra mor-
tem in æternitatem extenderet.
Mirabile hoc eſt: ſed illud hoc in
eodem genere mirabilius. Dulciam
Tereſiæ alteram è duabus filiam,
celerior, quàm pro Medicorum
opinione, mors in Caſtella, abſente
Loruani matre, abſtulerat, quæ & ſi
non improuiſa accidiffet, locumq;
ſumendi omnia neceſſaria ad ſalu-
tem præſidia dediffet, quibus illa
munita deceſſerat, tamen, quòd
properato opus erat, minus voto
morientis ſatiſfactum fuerat. Idq;
ipſum Matri Tereſiæ à Deo reue-
latum, quæ vicem Filia ſolicita ab
eodem, qui reuelarat ſummis pre-
cibus contendit: vt ad vitam redire
per-

permitteret, & tandiu ſuperelle,
donec ſe lentè, ac ritè ad mortem
prępararet. Quod cū obtinuiffet illa
reuixit, & in tanta diſtancia loci ſē-
ſit maternæ orationis effectū. Re-
uocata à mortuis quindecim vixit
dies, ſeq; de nouo ad mortem, quā-
tum fatis eſſet vtriuſque, & matris,
& filiæ deſiderijs comparauit. Tāta
precibus viſeſt, vt quod natura vin-
cere nequìt impedimentum diſtā-
tiæ, tollant, & vbique audiantur,
& operentur.

C A P V T XL.

*Tereſia extremus vita actus, & mors
ſeliciffima.*

Longa ætas, affecta valetudo,
languor corporis, anxietas
ani-

animi, tædium vitæ Terefiæ afferebant. Incitabant ad mortem studium ardens gloriæ cælestis, & desiderium Sororis Sanciae. His stimulis vrgeri se sentiebat. Maiorem exinde festinandi cepit impetum. Creuit in summa senectute animi vigor, & quò citiùs erat moritura, eò vehementius agebat: & spatij breuitatem contentione studij cõpensabat. Prona videbatur ire, & quodam quasi naturali pondere ad vitæ terminum ferri. Obseruatum id à Sororibus, quæ ultra vires agredientem ardua cùm viderent retinere sæpius voluerunt, ne deficeret; verùm illi altiùs adacta vis cælestis, quàm vt posset remitti. Commonefecit eas de vicinia mortis, cuius præsentiebat signa, quorum vnum erat ipsa contentio:
quem-

quemadmodum enim lucerna in-
termortuo lumine deficiēs in ipſo
conſpectu luētantis cum extinc-
tione flammæ, collectis quaſi viribus
obnitens occaſui, acriores ignes e-
mitti, ita Tereſia, cū propiūs
abeſſe ſe à morte vidiffet, in extre-
mo ipſo actu vires reſumens, inten-
tiūs agebat: & clariūs emicabat. Re-
ſidit tamen cito illa contentio mor-
bo ingruente, & fato incumbenti
ceſſit. Verū initio non decubuit:
quaſi ſtātem illam, quæ nunquam
marcuerat otio, mori oporteret.
Igitur purgata ritē conſcientia pia-
culari Sacramento, viaticum ad
ineundam eternitatem ſingulari
pietate ſumpſit, & ſalutari vnctā
oleo, igni cæleſti pabulum præbuit:
& propoſita ſibi immortalitatis
immagine, ad eam ſe penitus confor-

ma-

mauit. Sic morte præuisa, & animo procurato, ad moriendum pronā, duci se in Ecclesiam, cū iam vires deficerent, iussit, denuntiato sororibus ibi se morituram. Prope Aram super spōdam collocata decubuit, & subitō moribundæ speciem præbuit. In eo articulo circūsteterunt eam filiæ, cū de orbitate sua sollicitæ, tum de imminente matris morte anxie: atque, uti sunt mollia feminarum ingenia, dolori, ac timori nimium indulgebant: nec lacrymis, nec suspirijs parcebant, quòd temperare sibi non poterant. Deferi se à matre optima, à nutrice sedula, à custode fida, à magistra erudita, à carissima sorore, in qua nulla fuissent signa maiestatis, sed amoris, quæ se ad illas tanquam æquales conformasset, imò

imò & interdum dimiſſet: & quæ minus ſurgere & attolli poterant, eas ſæpe ſubleuaſſet, & ſupra proprium caput, olim coronatum, extuliſſet. Quam deinceps habiturâ ducem ad ingrediendum virtutis iter? quam ſociam in operibus obeundis? quam præceptricem, morum? quam hortatricem ad cuſtodiam legum? quam conſiliatricẽ in dubijs? quam adiutricem in arduis? quam conſolatricem in aduerſis? quam patronam Religio- nis? quam vindicem ſanctimoniæ? Vna illa ſublata, orbas eſſe omnes: vna deſuncta, perituras. Pu- pugerūt hæc moribundæ animum, ſubijt commiſeratio: commotus & exci- tatus eſt amor. Igitur collectis, quoad potuit conari, viribus, ſic illas allocuta fertur. *Largimini mi-*
hi,

*bi, quæso, sorores (filias noluit appellare, ne teneriori nomine grauius percelleret) largimini mihi, ut vos affari perspicuè possim, ne mea verba lamentis obtundatis. Iniuriam videmini facere immortalitati animorum, & haud dubiè facitis amorì erga vos meo. De mea morte sic doletis, perinde ac si meus discessus æternus sit cum mei extinctione futurus: vel vos breui morituræ non sitis, & mecum futuræ: vel cum corporibus affectus animi extinguatur. Nō eò hæc dico, quòd vos ita esse aut fore existimetis, sed quòd vos dolor cogit eò deflectere, unde istæ opiniones turbata ratione ducuntur. Modera-
mini mœrori, eumq. intra fines præd-
ictæ continete. Sicuti ego Sanciaam nunc sororem sequor: sic & vos breui (quid enim est in hac vita diu?) sequemini. Ut ego vestrum immemor (quod absit)*
fu-

futura corpore abſenſe eſſe, citò nos mors
coniunget, quæ modò me ſeparat. Non
feret ſpiritus natura purior, ut amor
nobiliùs (quòd deſecatiùs) ardens ex-
tinguatur: nam non ille aſpectus, ſed
memoriæ pabulo nutritur. An deſpera-
tis viſuram me Deum, in quo vos ego
multò perfectiùs, & inſpectura ſum,
& dilectura? An morietur amor in
vos meus, cùm incipio fieri immorta-
lis? Quòd ſi propterea lamentamini,
quòd veſtram me abſente doletis vicē,
veſtramque, ut dicitis, orbitatem de-
ploratis; videte ne veſtram potiùs rem-
agatis, quàm meam, & dum veſtrum
vos miſeret, in me ſitis crudeles, dum
ſolacium veſtrum meo gaudio antepo-
nitis. Frui non vultis me Deo, ut vos
me interim fruamini? Non eſt iuſtus
hic dolor, qui illam moratur, quam piè
ſpero conſequi, beatitatem. Iniquè cum
tem-

tempore agitis : occasus vitæ senectus
est. Matura poma sponte decidunt .
Trudit me natura in mortem . An illi
vultis obsistere ? Quid ? quòd æstuo
moriendi desiderio : ac sponsi nostri
IESV amplexibus fruendi . Liceat per
vos (Atque hic apprehendens vi-
cinum Crucifixum arctissimè secū
adstrinxit .) huic me addicere , qui
me sui pretio sanguinis emit . Huc la-
crymas conferte vestras , hic vestros
affectus collocate . Huic me etiam , atq;
etiam commendate . Hanc vos Crucē ,
cum decessero , pignus mei habetote . Illa
Œ mei à vobis discessus memoriam re-
nouabit , Œ vestri cōmonefaciet . Et ad
illum . Suscipe me tū Domine : laua-
meas culpas sanguine , ut ad te munda
perueniam . Oscula , dum traho animā ,
vulneribus tuis imprimo , Œ extremum
balicum tibi , à quo accepi , reddo . Ibo ,

ibo; appendix Crucis tue. Anima hæc mea ab extremo iſto clauo fixa pende-
bit. Atque hic ardere viſa, & vehe-
menti ſpiritu concitata, maiori quã
pro humano habitu ſurrexit, & ge-
nibus flexis conſtitit, iuſſitque ſo-
roribus, vt canerent alta voce *Ma-
gnificat*. Inchoato cantu medita-
bunda conticuit, & vultum in a-
pertas manus demittens, ſubſti-
tit, donec ad illum verſiculum
peruentum. *Suſcepit Iſrael puerum
ſuum recordatus miſericordiæ ſuæ*,
quo abſoluto, laxatis paululum la-
bijs, efflauit animam.

CAPVT XLI.

*Mortua Tereſia lucet : effertur eius
corpus : prope ſororem tumu-
latur : vtriuſque Epi-
taphia .*

EO ſuſpirio tanquã flatu quo-
dam ſolutę moeroris nubes ,
lacrymarum imbres per ſororum
oculos effuderunt . A lacrymis itũ
ad oſcula , præ ſingultibus malè for-
mata . Detecto , quem manibus
texerat , vultu , mira ſpecies mortuę
extitit , quę rapiebat oculos corda-
que . Splendor ille beati animi in-
dex erat . Illum radiantis inſtar lu-
minis ad ſuperos iſſe multi , qui ex-
tra Monafterium degebant , confir-
marunt , quòd vidiffent ſplendidũ

quendam globum è templi ſummo faſtigio Soli ſimilem ſurgere, & attolli, & vltra nubes ferri, donec illę aſpectum intuentibus ademerunt. Id monialibus nuntiatum magnam partem mœroris abſterſit, & deſiderium obtudit gaudio. Procurato, ritu ſolemni, funere, ad ſepulturę officium applicuerunt animos: quod, quia Tereſia publicũ & ſumptuoſum fieri ſeuerè prohibuerat, vulgare extitit: quippe, quæ ſe viuam ſepelire voluerat, nō decebat mortuam celebrari. Itaq; elata cōmuni, & paratu, & cantu, ſepulta eſt iuxta Sanciam intra Odeum, eo ſitu, vt nullo ſpatio interiecto, vnum alteri ex commiſſura coniunctum videretur. Sic ex præſcripto Tereſiæ. Et quidem decebat, vt quas natura ſanguine,

amo-

amore, instituto, virtute, gratia cō-
glutinauerat, eas ne mors quidem
diuelleret: ac post mortem sepultu-
ra coniungeret. Discrimen tamen
quod vicinitas sepulchrorum sustu-
lerat, adhibita epitaphia attule-
runt: quæ operę pretium erit pro-
ducere. Sancię, quæ prima decef-
sit, eiusmodi est.

*Sancia Infans, Regis Sancij I. Lu-
sitānorum filia, quæ totius vitę cursu
sanctis operibus intenta, suam Domino
pudicitiam custodiuit. Monasticam
regulam, apud monasterium de Cellas,
quod prope muros Collimbriēses ædifi-
cauerat, secuta, ubique maximis vir-
tutum ornamentis circumfulta, & non
vulgaris Sanctitatis fama decessit. An-
no MCCXXIX. Ad hoc Templum
Loruanienſe à Sorore Teresa trans-
fertur, & sub hoc tumulo reponitur.*

Caret nota menſis & diei.

Tereſiæ illud .

*Hic requieſcit Regina Tereſia Sanciꝝ
I. Portugalliæ Regis filia, quæ Legio-
nenſi Regi Alphonſo I X. aliquandiu
nupta, dirempio matrimonio vale di-
cens rebus humanis, Cisterciensem
habitum induit in hoc cænobio Lor-
uanienſi, eius iuſſu à monachis Bene-
dictinis ad Virgines Sancti Bernardi
translato, in quo plus viginti annis
perſeueravit inſigni prudentia, liberali-
tatis, ac pudicitie laude, nec non vir-
tutis, & Sanctitatis admirandæ pro-
digijs. Anno MCCLXX.*

Quæ certè epitaphia, vt ſint pau-
lò, quàm nos antiquiora; eius tem-
poris, quo ſepultæ primùm ſunt,
non eſſe, phraſis Latina oſtendit;
quæ tunc bārbara, & corrupta erat,
quemadmodum alia monumenta
eius

eius ætatis tēstantur. Præterea in
annis numerandis manifestus error
deprehenditur: nam Tereſia dici-
tur mortua anno 1270. idēſt anno
poſt Sanciā vno, & quadrageſi-
mo: quod verum eſſe nequit. Cō-
ſtat quippe Tereſiam annis haud
paulò plus viginti in monaſterio
vixiſſe profeſſam Ciſterciēſi San-
cti Bernardi inſtitutione: & poſt-
quam in illud ſe abdiderat, Deoq;
vouerat, Corpus Sanciæ eò tranſtu-
liſſe: igitur vigēſimo ad ſummum
anno poſt Sanciā neceſſe eſt obiſſe:
atque adeò nō anno Chriſti MCC
LXX, ſed anno plus minusue
MCCL. Diu vixiſſe inde liquet,
quòd in Tabulario Monaſterij San-
cti Ioannis Tarouquēſis codex
antiquus reperitur, in quo Tereſia
ſubſcribit donationi oppidi Mon-

dini factæ ab Rege Alphonſo III.
 Luſitaniæ, fratris ſui Alphonſi filio,
 Anno MCCXLVII, cui inter fuiſ-
 ſe Reipub. cauſa dicitur. Cæterum
 hic numerus intra illum viginti
 annorum, quos vixit poſt obitum
 Sanciæ continetur. Quoad cauſam
 erroris illud coniectem. Numerorū
 notas vulgari modo conceptas
 1250. anſam errandi dediffe: faci-
 le quippe fuit 5. in 7. abire, & ſic
 mendum in notas obrepere. Ita
 factum, vt pro 1250. 1270. pone-
 retur. Quare eo anno 1250. Tereſia
 ē viuis exceſſit. Dies mortis certus
 habetur 15. Kalend. Iul. qui deſide-
 ratur in Epitaphio.

APPENDIX

De fama, testimonijs, & signis
Sanctimoniae

TERESIAE

A C

SANCIAE

REGINARVM

CAPVT I.

De communi existimatione, & fama,



TI paucorum, & amicorum existimatio publicam fidem non facit, & suspicionem creare ob affectum solet: praesertim si domi est nata, nec latè foras emanat; nec tem-

temporis diuturnitate firmatur: ita
cùm ea communis , & alienorum
promiſcuè, & domesticorum eſt, &
prodit in vulgus, vagaturque latiſſi-
mè , & quotidie ſerpendo creſcit ,
augeturq; tempore, famam ex opi-
nionè , & ex fama gloriam parit :
quæ eſt conſentiens laus bonorum ,
& incorrupta vox iudicantium de
excellenti virtute . Huiusmodi eſt
ea quæ de Tereſiæ, & Sanciæ , & dū
vixere, & poſtquã obiere ſancti mo-
nia fertur. Nata quippè intra priua-
tos tum Cellenſis, tum Loruaniſis
Cænobij, inter ſorores eiufdem in-
ſtituti , non tamen ibi oppreſſa la-
tuit: ſed vel ijs inuitis foras emana-
uit, ſequè per totum Regnum, Eu-
ropamque diffudit , & orbem im-
p euit: nec interrupta deſiit, vel in-
terpolata redijt, ſed cohæreſcens ſi-
bi

bi continuata est, ductu perpetuo,
tractuque temporum, per quadri-
gentos, & eo amplius annos: tot quip-
pe usque ad nostram ætatem nume-
rantur. Quæ fides per manus tradita,
& ab eo tempore accepta, quo sim-
plex virtus, & ingenuus cādor pro-
cul à fūco, & dolo vigeant, & in
populo pio, ac religioso (qualis est
Lusitanus à superstitione maximè,
& protervia alienus) adulta, nulla
potuit ratione corrūpi, subornari-
ue. Cōmunis ea vox est, & Regni,
& ditionis Lusitaniæ, quæ per totū
orbem terra marique funditur, &
cum Solis cursu contendit *Sanctas*
Reginas appellantis: ac eo titulo
propria earum nomina, glorioſius
quàm si proderet, occultantis. Nec
vero ego in hac deuexa, in qua sum
ætate, alio vnquam affici illas me-
mini

mini. Nec ea tantùm vulgi eſt ſententia, ſed Principum etiam, ac Regum , & omnium ordinum . Nomen inſignis veneratio ſecuta, quæ innocēter ijs, cū licebat attributa idoneum Sanctimonix testimoniū reddebat . Dū libera pietas erat , nemo vllis impediabatur religionibus, quin pro ſuo quiſq; ſtudio honores in eas conferret. Qui, ſi poſtea ſunt ſapienter , ac religioſè reſpreſſi; habita eſt ratio conditionis temporum, quæ multū habent momenti ad vtramque partem, & pietatis, & ſuperſtitionis. Non tamen Eccleſia vetuit religiones , nec cæremonias damnauit, cū palam coli deinceps vetuit . Integras illas ſuavnixas antiquitate, ac innocentia reliquit. Suſtulit nouas, quas ſuſpectas nimia licentia faciebat. Quemadmo-

admodū quòd hodie nouis ritibus
cōsecrentur Sancti, non adimitur iā
consecratis Apotheosis; ita quòd
rationes cultus commutentur, non
ex eo veteres vituperantur. Diuersa
erat, & simplicior forma colēdi, &
cōsecrādi Sāctos ea ætate puriori &
candidiori, cum ab hæreticis peri-
culum nullum erat, & Ecclesia illis
stimulis ad pietatem indigebat. Pos-
tea crescente hereseon (proh dolor!
malo, & abundante sanctis Eccle-
sia, necesse fuit, & cautiùs propter
hostiles infidias, & rariùs propter
abundantiam consecrare.

Hæc igitur fama non linguis so-
lum, sed signis quoque loquitur: per
vota, per supplicationes, per titulos
per effigies, per litteras, & omnis ge-
neris monumenta. Ea vero antiquis-
sima sunt, atq; adeo extra inuidiam

& ſuſpicionem. Vti imagines maiorum fumo commendantur ad nobilitatem, ita illa monumenta vetuſto ſitu priſci quæ confirmantur ad fidem. Quod attinet litteras, extant Innocentij Papæ III. ad Tereſiã: Regijs Sebaſtiani, Cardinalis Henrici, & Gregorij IX. & Epifcopi Conimbricenſis, & Generaliũ ordinis Sancti Bernardi de illarum virtutibus, & miris operibus: quarum ſuis locis afferemus exempla.

C A P V T II.

Mira earum poſt mortem virtutis in ſanandis morbis apparet.

Illud inprimis obſervatu dignũ, Sancieram in Cellenſi monaſterio nonnulla edidiſſe poſt obitum huiusce,

iulce exempla virtutis: pauca item
in Loruaniensi ante mortem Tere-
fiæ, ceu modestiæ se causa subtra-
heret, quòd sine consortio sororis
plura edere erubesceret, cuperetq;
cum ea ita gloriam communicare,
vt primas ei concederet mortua,
quas viua dignitatis, & Sanctimo-
niæ concessisset. Idque apparuit ex
eo quòd ea mortua, & in societate
sepulturæ accepta, plurima sunt
edita ab vtraque: vt communi stu-
dio benefacerent, & communi glo-
ria fruerentur; quasi hæc ambarum
voluntas cognita egentibus, & per-
specta foret, religio iniicitur veniē-
tibus, quo minus vna sine altera in-
vocetur. Ambæ simul impiorari
solent: ambarum est auxilium: a n-
babus refertur acceptum benefi-
cium. Et quidem aduersus febres
pre-

præcipua earum vis eſt. Frequentia curationum admirationem ſuſtulit. Vulgaris ea re ducitur : in medicinam videtur tranſiſſe. Igitur quemadmodum medici ad febres leues, & vulgares morbos certa quædam & explorata habent remedia, quibus adhibitis curari ſolent: ita moniales laborantibus quartana aut tertiana febre, certa quædam pietatis opera præſcribunt, quibus editis haud dubiè ſanantur. Nec abs re duxerim methodum afferre. *Ægro* edicitur ſeptem pſalmorum, qui pænitentiales dicuntur per triginta dies recitatio: ea peracta vaſe ei porrigitur plenū aqua miſta puluere è ſepulchris eruto, ac diluto, cuius hauſtus febrem expellit. Interdum nouendiale ſacrum fit à Sacerdote, quo ritè completo ſanatur ægrotus.

Hec

Hęc ratio curandi tam est certa, & constans, vt in consuetudinem verterit. Quæ idcirco est admirabilior, quòd mirabilis esse desierit. Præterea multitudo attulit fastidium, & peruertit numerum. Omissa pars maior: nec antiquis ea cura simplicioribus fuit. Postteris cùm incuria religionem attulisset, notari coepta & scribi mira euenta: quę vltra nonaginta septem præteritis febrium quotidianis curationibus illustria anno 1630. numerabantur. Horum nonnulla referre officij mei esse duco: quę scripta sunt fide publica, & in actis expræscripto Ordinarij ad normam Tridentini Concilij confectis habentur.

CAPVT III.

*Curationes nonnullæ mirabiles
narrantur.*

LVdouicæ Syluię Sanctimoniali Loruanienſi malignum vlcus circa ilia natum erat tumidum, & liuidum, & virulento pure plenum: quod eam annos multos lecto affixam tenebat nulla ſpe curationis. Ergo Sanctarum (vti vocant) Reginarum ope implorata, aquam ſuperiniecto puluere illo ſepulchrali ebibit: mox placido ſõno capta quieuit: ex quo paulò poſt euigilans ſanam ſe ſenſit: & ſorori quę illi erat aſſidua confirmauit, vlcus abſceſſiſſe paruulo veſtigio relicto,

cto, quantum ad fidem euentus factis esset.

In maiori periculo versabatur alia, cui nomen Cæciliæ Castriæ, cuius sinistram papillam cancer inuaserat: qui paulatim serpendo tam se altè insinuarat, vt haud procul abesset à vitalibus. Septennium exierat, quàm ad illam medici peritissimi Conimbrica venerāt: qui, inspecto statu Canceris, immedicabilem esse iudicarant. Tum illi spes iniecta remedij cælestis. Propè erat in sepulcris Reginarum. Promisit recitaturam se per dies viginti Psalmos Penitentiales. Inchoauit pensum: nec dum complecto, nocte quadam inadere se comperit, ac è papilla humoris copiam continenti fluxu manare. Erat illi amita in cœnobio: quæ

propè cubabat. Compellatæ rem-
patefecit. Hæc adhibito lumine,
vidit diſruptum cancrum vim-
maginam puriſeuomere, & lectum
madefacere. Exindè meliùs habe-
re cepit, donec belliffimè habuit.

Elifabetha à Cugna Soror item
Loruanienſis ancipiti, ac diuturno
affecta morbo ſenſum, & ſpem vi-
tę amiſerat. Huic cum præfecta
infirmarum ſororum puluerem il-
lum aqua dilutum vaſculo, quo Re-
gina uſa erat viuens propinaſſet;
accepit ſenſum, & depulit malum.
Planè valuit.

Idem remedium adhibitum,
Violantem Limiam ſociam mo-
nialem desperatam à medicis, &
pene conclamatam à mortis fauci-
bus eripuit.

Mariæ Ariæ Partheniæ item
Vir.

Virgini stupuerant primùm, dein-
aruerant brachia, & pedes: in lecto
inutilis iacebat. Orauit sorores
quando apertum fuit sepulchrum,
(de quo postea) Terefiæ, vt eò se-
deportarent; obtinuit, orauit, mo-
ueri cœpit: & solutis nervis, liberis
manibus ita se gessit, vt sũpto fer-
ramento strenuè sorores excauan-
tes, ac attollentes lapidem sepul-
chralem iuuerit: & lentum otium
pio illo labore extruserit, & cor-
rexerit.

Interferamus externa. Elisabe-
tha Andrada eiusdem oppidi Lor-
uani vidua, angina laborans ad se-
pulcra venit: & hausit aquam vase
contentam puluere infuso. Sensit
momento laxari gulam, & liberè
deinceps respirauit.

Adolescens oculis captus fama è

longinquo excitus Loruanum cō-
tendit: eò cum perueniſſet, Aræ ſe
vicinè ſepulchris applicuit: reme-
dium petijt: impetrauit vas aquæ
ſolemnis: lauit oculos: vix dum
abluerat, cum viſum recepit.

Paganam mulierem à partu re-
cētem lac ad alendam prolem de-
fecerat: cui in ſupplementem iu-
ſcula adhibebat, ſed nec nutrimen-
tum idoneum, & carius quam pro-
illius copioliſ erat. Itaque exijt pa-
go, & viciatim peregrinari, & oſtia-
tim mendicare cepit. Fortè Lor-
uanum venit. De mendicante cau-
ſam Moniales audierunt: infante,
viſo, qui lactari debebat, nec pote-
rat. Hortatæ ſunt poſt datam ſti-
pem, vt ad ſepulcra Roſarium re-
citarret. Mirùm! vt abſoluit, lacte
abundauit.

Eli-

Elisabethæ à Faria moniali tuber quoddam strumofum occupauerat collum. Erumpebat exteriùs fædè tumor: sed periculosiùs intus guttur humor angebat. Decubuerat ex eo diu, adhibitis, & consūptis non paucis, quæ medici, & chirurgi imperarāt remedijs. Deplorata salute, vt assolet, venit ei in mentem domestici medicaminis. Reginarum implorauit opem. Nec frustrà. Applicata quippe scroffis terra sepulchri, de repente crepuit tuber, & gula intus liberata, & collum extra læuigatum.

Paulæ Capralis eiusdem cœnobij præsentius periculum, sed celerius remedium fuit. Inconsideratius edenti frustulum osseum in faucibus hæserat, quo pene suffocata duas horas cum morte disce-

ptauit . Animam agenti vna ex ſocijs terram ſepultureꝝ aqua miſtã ex vafe illo commemorato in os infudit : illa impulit offis tranſuerſũ fruſtulum , & deorſum ad ſtomachum truſit , & ſemimortuam periculo explicauit .

CAPVT IV.

Alia eiſdemmodi referuntur .

Interpellemus domeſtica exempla externi narratione : ſed illuſtris. Sancio Norognæ Odemirenſi Comiti ex mortifero contracto morbo certa mors imminebat : quã & ille expectabat, omnibus iam ſacris inſtructus præſidijs, nec non & propinqui neceſſaria ad funus parabant. Verùm in eo articulo vxor

vicem viri anxia in recordationem
venit duarum Reginarū, quas illa,
& coniux consanguinitate attinge-
bant. Hinc creuit fiducia, spesque
accurrit ad coniugem, quid agitet
significat. An placeat, quærit: an-
nuit, & visus est confirmare. Tum
illa nouendiale ijs Sacrum vouit:
iussitque in Ara, subtus quā quie-
scunt, rem Diuinam fieri. Pridie
quàm numerus compleretur, ingēs
ex ægroti corpore sudor effluxit,
quem medici existimarunt indicatiū
proximæ mortis esse. Contrà ta-
men accidit. Nam exinde meliùs
ei fieri coeptum, & breui recreatus
è morbo surrexit, & Loruanum cū
vxore veniens gratias egit libera-
tricibus, & Anathema ad Altare
reliquit.

Redeamus domum. Seruas etiā

Re-

Reginæ ſine diſcrimine, & iuuant,
 & ſeruant. Harum vnam Ma-
 rianam à Niuibus lenta phtyſis, &
 importuna tuſſis penè conſumpſe-
 rat: quam hauſta vrcei aqua, com-
 preſſa tuſſi, & qui eam ſequēbatur,
 ſanguine depulit: & ſocijs incolu-
 mem reddidit.

Alterius ſeruæ peradoleſcentis
 tenerum caput tetra, & tenax ſca-
 bies corroſerat, & horribilem quā-
 dam cruſtā induxerat, ſædæ porri-
 giniſ effectum, & ruruſ ſomitem.
 Nulla miſellæ quies ex mordaci
 prurigine. Verum hæc blanda mo-
 liſſimi olei eiꝯ, quæ ante ſepul-
 chra ardere ſolet, lampadiſ vnctio-
 ne ceſſauit, & proruſ abſceſſit.

Mariæ Coelliæ Paganæ Loru-
 nienſiſ tuberaculum peſtilenſ pedē
 corripuerat, & compede virūlento
 de-

deuinxerat, erepto vsu incedendi viginti annos lecto addixisset. Recurrit hæc ad oleum lampadis: simul ac vnxit, illum exoluit morbo vinculo, & liberè ambulauit.

Eodem oleo adhibito manum aridam Paula Craueria eiusdem pagi egena puella, vbi emollijt, ad vsum reduxit. Benè cum aqua illa oleo conuenit; nec inter se pugnāt cū salus agitur miserorum. Et hoc mirum est. Charitas Sororum discrimen sustulit.

Hoc alterius est generis. Iacebat desperata salute Loruani Emmanuel Esteuius. Oblata pro eo Missa ad eam Aram prope sepulchra erectam, subito recepta sanitate, alacer lecto exilijt.

Illud haud dissimile. Mariæ Ludouicæ puerperæ cum lactare cœpisset.

piſſet infantem , enatæ quædam ,
verrucæ rugauerant mammæ , ſic-
cauerant vbera , lac omne vel ſuxe-
rant , vel auerterant . Venit ad Ec-
cleſiã , fieri pro ſe iuſſit : Miſſæ inte-
reſſe voluit : ſub finem ebullire lac
ſenſit , & ſpumare ea vi , & copia ,
vt in terram deſlueret . Suppedita-
uit dum parere potuit , nec niſi cū
iuuenta deſijt . Accuſauit ætatem ,
quæ ingrata viſa eſt inuidere bene-
ficio . Sed lac tūc oneri eſſet , & hoc
beneficium fuit .

Laborabat inueterato anginæ
morbo puer Emmanuel haud pro-
cul Loruano , in pago : creſcēte inte-
rius , & humore , & tumore & ſtrin-
gentibus guttur ægrè reſpirabat .
Pater Stephanus vicem ſuam , & fi-
lij anxius , eum duxit ad Reginarū
ſepulchra : oleum lampadis appli-
cuit

cuit gutturi, peruasit ad gulam ob-
structam virtus, laxauit reciprocandi
spiritus vias, auram liberè postea,
& accepit, & reddidit.

Elisabetha Dias Anus septua-
genaria Loruanienſis ex graui caſu
crus afflixerat: relata in domum,
iacuit immobilis, & mox appa-
ruit inutilis crure luxato, vt regere
ſe non poſſet. Venit in mentem
Olei ſalutaris tot exemplis proba-
ti. Eo vngi crus fecit. Subitò re-
miſit dolor, moueri coepit, & pau-
lò poſt ambulauit.

Catharine Tinię eiufdem oppi-
di triſte acciderat puerperiũ, quòd
tum ægrotabat. Ex morbo, & par-
tu periclitanti mens iniecta Diui-
nitus, vt inuocaret Reginas: fuſis
ad eas precibus, ex vtroque pericu-
lo euasit, ac ſalua emiſit foetum: cui,
quòd

quòd fœmina erat, Tereſiæ inditum nomen.

Ad monaſterium reuertamur. Anna Caſtria Sanctimonialis acerbiffimo dolore dentium quartum iam menſem torquebatur : experta, & paſſa multa medicamenta, & tormenta, quæ illam penè edentulam fecerant : tandem matrum, piarum ope implorata, & nouẽdiali prece perſoluta, liberata dolore dentium, & carnificina chirurgorum fuit.

Paulam Albicaſtriam eiufdem inſtituti virginem prolixior morbus afflixerat : variè vexatam veriùs, quàm curatam medici deferuerant. Dereliſta iacuit dies triginta mortuę ſimilis ſine ullius cibi potuſue ſubſidio : inedia ſupra morbum conſecta mortem habebat

bat in visceribus . In hoc statu accurrit ad eam socia , & clam cæteris vas illud salutare aqua plenum attulit, ex quo ei propinauit. Haustu aperuit oculos, recepit sensus, cibum sumpsit, conualuit.

Mariæ Caruagliæ latus intumuerat, & tumor in duritiem verterat, & pestilens quoddam tuber formauerat . Decennale malum : & pertinax tenaciter hæserat . Verùm lenis olei vnctio mollitudine suauicit duritiem, & virus eiecit .

Francisca Macedia laica, sed intra coenobium, cum edullium incisarum carnum manducasset, frustum ossis deglutiuit, quo adhærēte gulæ strangulabatur . Periculum piè solertem fecit , Reginas inuocauit ; momento auullum ossiculū cū tussi expuit : & anhelauit .

Par

Par euentus alterius Bernardæ à
Coſta, quam os aliud inter eden-
dū tranſuerſum in gutture ſuffoca-
bat. Hæc eodem vſa remedio illud
excuffit: ſequè periculo exemit.

C A P V T V.

Quædam ad Cellas Sanciæ propria.

HÆC omnia proximè com-
memorata Loruani ab vtra-
que ſunt geſta ſorore. Iuuat exire.
Delectare varietas ſolet. Transfe-
ramus nos ad Cellas, ac ne carere
prodigijs eiufmodi cæleſtibus exi-
ſtimemus. Non eſt oblita ſuarum
Sancia: nec cum corpore abſceſſit
aut virtus, aut inora.

Catharina Almeidia Sanctimo-
nialis Cellenſis dolore capitis, ocu-
lo-

lorum , genarumque decimum ,
circiter annum cruciabatur , nec
constare sibi satis poterat , nec ra-
tionem inire , nec quicquam se-
riò , aut cogitare , aut facere imma-
ni torta vertigine. Itaque & priua-
tim , & publicè nullius numerierat.
Quare ad Matrem Sanciã , quæ
illius author fuerat Monasterij , &
dux vitæ , studijs ardentibus , & ve-
hementibus precibus confugit : ca-
putque suum tunicula Sanciæ , quæ
Cellis cum cæteris vestibus reli-
giosè seruatur , caput obuoluit. Eo-
que subitò , & dolores compressi , &
vertigines sublatae , & sensus reddi-
tus : Itaque sui omnino compos dedit
se socijs , & officio suo fungi cæpit .

Mariæ Brandanæ eiuldem Cœ-
nobij caligabant oculi , & noxius
humor intro admissus pupillarum

lumen cum acri quodam morſu doloris extinxerat. Hæc admota eadem tunicula recuperavit viſum nullo dolore, ſumma facilitate, incredibili voluptate.

Eodem remedio uſa Bernarda Mellia monialis varijs, & grauibus morbis obnoxia, ſaſta eſt eos, & mitigaffe, & abegiffe. Maria Norogna vna è fororibus Parthenijs doloribus acutiſſimis conficiebatur. Poſt cruciatum annorum quindecim, cooperta eadem illa tunica, omnes exegit.

Non ſoli tunicæ addicta beneficia: ad oleum ſe lampadis diffuderunt. Annæ id Botelliæ exemplo patet: quam cùm periculose ægro- tantem, derelictam à medicis, ac pene cum morte luctantem ſociæ vidiffent, oleo lampidis ad Aram, sub-

subtus quam monumenta quedam
Sanciae seruantur, ardentis, ritè, &
cum deprecatione vnxere. Fiducie
euentus respondit. Melius ei con-
tinuo factum, & procedente die sa-
lus reddita.

Eò quoque peruenit Terefiæ vir-
tus: tanta est ambarum inter se a-
mor, vt vbi vna sit, & agat, altera
quoque existat, & operetur. Pudet
quodammodo alteram solitariam
sine alterius consortio suis profice-
re. Sequens id euentus monstrabit.
Mariæ Riberiæ, ancillæ conuentus
vtraque Regina (quanta in supe-
ris humanitas !) opem tulit. In-
gravi periculo ex importuno mor-
bo constitutam, ac penè conclama-
tam, ambarum implorantem auxi-
lium, confirmarunt, & saluti resti-
tuerunt. Hæc ad Cellas. Loruanum
regrediamur. P 2 CA-

CAPVT VI.

Alia Loruani geſta admirabilia.

ELiſabetha Syluia monialis ex humore occulto noxio, uſum manuum, pedumq; amiſerat. Septennium iam manca, & clauda in lecto tenebatur. Senſit ſemel impelli ſeſe inſtinctu diuino, ut ramenta è lapide ſepulchrali Regina, rum locis affectis adhiberet, eoſque illo puluere fricaret. Aſſenſit, fecit ſecundum impulſionem à Deo acceptam: recepit integrum membrorum uſum, & ſtrenuã deinceps operam conuentui nauauit.

Margaritæ Beggæ ſerua erat Maria Simonia mater infantuli quadrimeſtris, quem ob eximiam ſpe-

speciem domina magnopere diligebat; eumque apud se educari passa, loco filij habebat. Incidit hic in mortiferum morbum: sed sollicita de eius salute domina Margarita iussit ei ad collum appendi sacculum plenum terra è sepulchro effossa, & illicò sanitati redditus ad natiūam elegantiam redijt.

Angelam ab Incarnatione, ancillam Cœnobij fœda scabie coopertam foras eijci Abbatissa iusserat, ne cæteras inficeret; & erat periculum contagij. Recurrit misera ad Ecclesiam, confugit ad Arā vicinam sepulchris: mox his adhærescens erasa ramenta capiti applicuit: ijs abacta scabie caput expositum statim recepit.

Penacouæ, oppidum id est haud procul Loruano, Catharina Mora-

lia cum deprehendiſſet coniugem ſuum ex morbo grauiſſimo à medicis deſperatum derelinqui miſit Loruanum qui impetrarent ſacculum terræ ſalutæ, quæ ſemper ægrotis præſtò eſſe ſolet. Allatum adhibuit coniugi, & adhibito eundem ſanauit.

Pari pietate, ſimili euentu Matrē Catharinam Thomafiā Martha Oliueria filia præſenti vitæ periculo exemit, nullo alio quàm precum ad Reginas interuentu, quòd cum longè diſtaret: nempè Soure oppido, nec liceret per inopiam, & ætatem peregrinationem Loruanum ad ſepulchra ſuſcipere, ſolis precibus agere rem maternam poterat: iſtranſegit ſalutis negotium.

Elifabethæ Caſtrię vni è conuerſis

sis (sunt hæ inferioris notæ moniales) cadenti ex edito loco confracta crura, ossibus in minutas partes dissilientibus, spes nulla erat commissuræ, sed opera Reginarum occulta conglutinata ossa, & restituta.

Aliam conuersam Mariam Caldeiram studiosiùs admota scala exornantem Aram in peruigilio solemnioris diei, fortuito casu scala destituit. Lapsa ex alto Altaris Cornui latu toto impetu impegit. Ex ictu os disruptum cum ingenti dolore, sed illa memor opis repens ad sepulcra Reginarum ijt, vt potuit: (nec longè aberant) erepsit, apprehendit lapides manibus, & pedes recepit.

Duas eiusdem monasterij, vnam monialem Paulam Baptistam, aliã conuersam Mariam Marcellam

noxijs ſubtus brachiorum cauities enatis tuberculis eædem ſorores ſanctæ Reginæ cūm terræ ſacculus eſſet adpoſitus liberarunt.

Apollonia Franciſca è phtyſi bis in præſens vitæ diſcrimen venerat: ſed præſentius fuit auxilium imploratum ab Reginis: ſemel earum ope euaserat: euasitque iterum: nec deinceps eo morbo tentata ſenium ſalubre experta diu vixit.

Aloyſiæ Goefiæ ſanctimoniali ægrotanti funus parari iuſſerant deplorata ſalute medici. At illa alieni ſepulchri interpellatrix terram ex eo portari ſibi iuſſit, ac dilutam in vaſculo ſolemni cum aqua potauit: ita diſiecit funus, & paulò poſt ſaluâ ſepultas inuiſit, & venerata eſt.

Andreas Simõn Melius extremo conflictatus morbo, & omnibus ſalutis

lutis præsidijis instructus sacroitem
inunctus oleo, vltimam expectabat
cum morte luctam omnino impar
aggredienti, ac plane deiiciendus;
cùm ab vxore Francisca Ioanna ap.
penso ad collum terrę sepulchralis
facculo, quasi eo mortem contunde-
ret aggressam debilitauit, & vicit, &
vixit. Ac de his quidem hætenus.
Quòd attinet curationes febrium,
eæ certe tot sunt, vt numerari non
possint: atque adeo ijs abstinemus
vno solo contenti, quòd sit ob per-
sonam memorabile.

Alphōsus Albicāstrius Conim-
bricensis Episcopus periodica la-
borabat febre: curabatur lentè, ac fa-
stidiosè: ac eo mæstitia grauis accel-
lerat. Itaque grauius indies malum
fieri. Abbatissa Loruanensis eius
propinqua thecam plenam saluta-
ri

ri puluere ad illum miſit ſuadens vt recitatis more egrotis ſolemni, ſeptem Poenitentiaë psalmis, collo imponeret: ita effectum, vt ceſſarent periodi, & febris aberraret, ac omnino recederet.

Hæc verò pulueris illius ſalubris virtus loco addicta non eſt: quaſi foret innata, hæret, & quocumque feratur, vigorem illum, vimque ſanandi retinet, ac præſtat, quemadmodum nos accepimus narratione nobilis matronæ Violantis à Fonſeca, quæ cum in domũ Ducis à Seſſa ſecum thecam illo plenam puluere detuliſſet, multas, & inſignes in ea parte Hiſpaniæ, eodem ægrotis adhibito, curationes effecit.

C A P V T VII.

*Reginarum tumuli ex interiori Odeo
ad Templum exterius trans-
feruntur.*

E St & argumentum existima-
tionis de Sanctitate translatio
corporum . Et hoc suppeditat in
causa Teresiæ nostræ, & Sanciae. Tre-
centos fermè in Odeo, siue interio-
ri Templi parte, apud moniales an-
nos iacuerant corpora , magno illa-
rum solatio, quæ illa pia usu capio-
ne sui iuris fecerant : & cum ijs ha-
bitare se credebant. Verum crescē-
tibus indies prodigijs: ac ex eorum
narratione excitatis studijs popu-
lorum , maior esse coepit cōcurren-
tium vis , quàm vt posset sustineri .
Vti

Vti enim quifque erat affectus, ita ad tumulos properabat, & alij alios impediabant: ac sæpe quorum maior neceſſitas erat ob infirmitatem à valentioribus aut opprimebantur, aut excludebantur. Magna, & importuna concurſatio, & turbabat moniales, & externos diſtrahebat. Ac multi erant, quibus cum difficilis præ multitudine ad tumulos adituſeſſet, vel conando ultra vires deficerent, vel deſperando de acceſſu ſine remedio diſcederent. Imo, & sæpe gratiæ, & avaritiæ locus erat, cū nobiliores facilius, quàm obſcuriores ab externis cuſtodibus admitterentur: & hi nonnunquam donis ab opulentiſſimis ad introductiōem pellicerentur. Hæc cum obſervaffet Bernarda Lancaſtria, Abba-
tiſſa, neptis Regis Emmanuēlis, &
Ma-

Marię Reginę coniugis Patre Infante Alphonso eo, qui postea Cardinalis fuit, operę pretium se facturam duxit, si sepulcra ex odeo in templum transferri curasset. Id ę republica Christiana esse: commune bonum populorũ priuato monialium solatio anteponendum: ita & opem erga miseros, & pietatem erga Reginas, & earundem apud omnes famam auctum iri. Sed cum huiusce sui consilij cęteras sorores participes faceret, restiterunt vehementer illę, quod nolent diuturna & pia possessione depelli. Destitit itaque ę proposito, ne repugnantes offenderet: non tamen abiicit mentem, si qua se mollis occasio pręberet, rem pręstandi. Ecce tibi nocte proxima graui, & nobili Virgini Catharinę Albuquerque, quę po-

tea Cænobium rexit in ſomnis illuſtre viſum apparuit. Fēminæ duę auguſta ſpecie, forma excellenti, eximio habitu adſtabant. Capitis ornatus antiqui moris priſci æui. Calātica rugis virgata, & cauata finibus, caput ambiebat. Stolę adtalos demiffę inciſim fimbriatę ibant: pallę cādidiffimę pulchro ex humeris iactu pendebrāt: ſummas ad collū partes morſu aureo fibula ſtringebat. Hæ ſe mutuo reſpicientes corridebant: interdum ad dormiētem conuerſæ ei annuebant. Hanc naſta occaſionem fiduciæ Catharina interrogauit: quid rei agerent? quid demu inter ſe agitarent? quid ve tandem expectarent? Illæ hilares reſponderunt: præſtolari ſe ibi Iohanni Læto (is erat monaſterij quæſtor) dum ex Abbatiffæ colloquio redijſ-

redijſſet . Mox cum arriſſent dormienti, euanuere . Experfecta Catharina, & interpretata colloquium Abbatiffæ, & quæſtoris de transferendis Reginarum corporibus, illicò ad domum ſe Bernardæ Abbatiffæ contulit, & viſum narravit, & dicta retulit . Arrepta occasione, Bernarda ad inſtitutum redijt , & propalata ſororibus viſione, religionem incuſſit repugnantibus , quarum, vel elicitò, vel extorto conſenſu tumultos ad templum tranſtulit, & illos beneficiorum fontes publici iuris deinceps fecit .



CAPVT VIII.

Aperitur ſepulcrum Tereſiæ: incorruptum eius corpus reperitur: miraeuentæ exiſtunt.

DEceſſerat ea fama ſanctitatis Tereſia: vt omnibus perſuaſum eſſet, non modo illius animum Beatum in Superis, ſed incorruptum etiam in terris corpus eſſe. Ea opinio ab hominibus illius temporis tradita poſteris, & per manus accepta, & fidem fecerat, & deſideriũ in monialibus excitarat explorandi, verum ne eſſet quod tanta conſenſione credebatur? Et quò longiùs procedebat tempus, eò vehemētius ſtudium erat. Deerat tamen iuſta occaſio, quæ notam leuitatis, & teme-

me-

meritatis auferret . Accedebat Sepulchrū extra chorum, & claustrū in Ecclesia esse, quò minime licebat sanctimoniales transire, quæ alienis manibus rē cōmittere nolebāt. Itaq; & religionē tenebantur, & lege. Accidit anno seculi ab earū obitu quartus idest millesimo sexcētesimo decimo septimo, vt eiusmodi occasio existeret. Catharinā Syluiā illustrē eius cænobij virginem, cū opibus abundaret, Magnæ Matri, & Virgini Mariæ sacellum sumptuosum, ædificandi studium cepit. Facta ad id à Superioribus potestate, de loco deliberauit. Non erat alius idoneus nisi prope sepulchrū Terefiæ, quod ab eo integerinus paries distinguebat. Auferendus hic erat capacem, quærentibus locum. Id cum cœmentarij fecissent, aditus ab odeo in tē-

Q. plum,

plum patefactus eſt, & patuit vicinum ſepulchrũ concurrentibus eò ſororibus. Quæ ſubito commotæ aſpectu, quod animis iam diu agitabant de aperiendo ſepulcro, & videndo corpore præſtare decreuerũt. Sed cũ rem tentare cępiſſent, & cõperiffent operculum, quo tegebatur marmoreũ ingentis magnitudinis, ac viribus ſuis diffiderẽt, rogarunt cémentarios, vt illud remouerent. Nec ij negare ſunt auſi. Itaq; ſuſtulerunt lapidẽ, & in altum elatum cuneis ferreis immiſſis ſuſtinuerũt: nō tamen prorſus loco mouerunt. Imminebat tempus deſtinatum prandio operarum, qui relicto eo in ſtatu lapide prænſum abierunt. Moniales tempore uſq; cum templum deſoris clauſum, & intus ſolitariũ eſſet, mutuò ſe cohortantes per adi-
tum

tum in pariete apertum, in templū
se emiserūt, & sepulchrum circun-
steterunt, sollicitæ de lapide prorsus
remouendo. Verum cū ibi repe-
rissent ferramenta operarum, ala-
cres ea arripuerant, & amore sup-
peditante artē, & ministrante vi-
res submissis vectibus, & admotis
palanghis impulerunt omnino, &
versarunt molem. Erupit continuò
magna vis odoris è tumulo, qui per
totam se diffudit afflatu mirifico
Ecclesiam, & odeum peruasit. Hac
fragrantia excitæ quasi ad vnguen-
ta cælestia currerēt, ire vltius per-
rexerunt: ac interiora tumuli (My-
rothecium videbatur) scrutari cœ-
perunt. Operiebat corpus tenuis
quædam lapidis crusta, instar la-
mellæ, quam nullo molimine sus-
tulerunt. Tunc maior se vis odoris

effudit, & affecit omnes, & cæleſtis ſenſus impleuit. Fragrabat quiddā peregrinum ambaro, & moſcho ſimile, ac ex vtroque temperato. Sed vt apparuit corpus, aſpectus rapuit attonitas: & primum defixit pauidas reuerentia, & admiratione, mox allexit ſuauitate. Tum clamor coortus, & obortæ lacrymæ cum ſuſpirijs. Iacebat corpus habitu Ciſterciendi, ex S. Bernardi inſtituto, veſtitum, ſparſum floribus recentibus, ramisq; virentibus, ac ſi tunc auulſi, & coniecti eſſent. Vultus velamine nigro tectus. Palla demiffa ex humeris ad pectus vſque excurrebat, & ibi altiùs collecta ſtringebatur: tunica niuea ſubtus ad pedes deiecta candicabat: calceata ſandalijs partim tegebat, partim occultabat pedes: manus ſupra pectus can-

cel-

cellatę eminebant : hæ carnosæ ac
nitidę vnguibus retētis visebantur.
Corpus ad medium cinctum funi-
bus è cruda stuppa demissionis, &
paupertatis argumento apparebat.
Truncus ipse corporis aptus, & pul-
cher venustè positus quiescebat.
Detexit, iubente Abbatissa, Æditi-
ma, detracto velamine nigro vul-
tum, visę sunt spirantem videre, sed
partem vigoris calx non sine iniu-
ria cutis, immodicè iniecta extin-
xerat. Oculi decentes, sed clausi, os
modicè apertum, quantū satis erat
ad linguę ruborem, & candorem
dentium ostendendum. Dormire,
diceres in lecto propiorē somniāti,
quàm defūctę. Et fuere, quę illa spe-
cie delusę, indixere silentium vici-
nis, ne dormientē excitarent. Alię
tetigerunt manus: tractabiles inue-
nerunt.

nerunt. Quædam corpus mouere,
loco tentarunt; tam erat pondero-
ſum, vt onus ſentirent, & deter-
ritæ abſtinerent. Vt omnibus vidē-
di copia fieret, ordo ſeruari iuſſus.
Veniebant ſenæ; tres hinc, tres inde
aſpiciebant corpus, eoque pauliſ-
perfruebantur, recedebant dein-
de alijs ſuccedentibus: donec om-
nibus pro anguſtijs temporis ſatis-
factum. Habitus oris, & corporis
ſucci plenus fuiſſe videbatur. Sta-
tura iuſta inter paruam, & magnā,
extra exilitatem, infra proceritatē.
His obſeruatis, animaduerſum,
dextricalcei ſoleam male corio ad-
hærentem hiare, & labi. Hanc de-
trahi viſum oportere, pretium la-
boris, & pignus memoriæ futurum.
Ac inter detrahendum notarunt
pedem tam eſſe tenerum, & can-
di-

didum, ac si receùs tumultata foret,
Flores, & rami collecti omnes; alijs
superiniectis meliori conditio-
ne sub terra futuris, quàm quos ab-
stulerant moniales, qui breui, vel
in aquam coniecti, breui aura, æstu-
que aruerunt. Quot ibi oscula! qui
amplexus! quæ suspiria! quæ la-
crymæ! qui sensus pietatis! quæ
mortis desideria! quæ incitamen-
ta virtutis! Tandem adhibita Ro-
saria, cruces, icunculæ, reculeque,
aliæ piæ, vt eo tactu aliquid attra-
berent virtutis è spirante sancti-
moniam corpore, quæ multis po-
stea ad salutem animi, corporisq;
vsi fuerunt. Cæterùm post illos
subitos fletus tanta erat alacritas,
& lætitia monialium, vt vitam
meliozem accepisse viderentur ex
mortuæ corpore. Quod cum viuis

exanimè vigorem impartiret, malebant ex defunctæ aspectu, quàm ex proprio spiritu viuere. Vix cessatum. Sed oportebat discedere, & vrgebant operæ. Psalmis igitur redditis supplicatio facta, & ordine accensis cereis in Odeum se receperunt. Mansit ad corpus Abbatiſſa, & Æditima cum paucis, vt corpori noua ornamenta adderēt. Cinxere in orbem sepulchrum in argēteis candelabris accensis luminibus. Opertum corpus stragulo Phrygij operis, addito velo serico virgis aureis distincto, vt decentius esset. Et postquam clausum à Cæmētarijs reposito lapide sepulchrū, super iniecerunt aliud eiusdem pretij stragulum, quo totum illud marmoreum operculum tegeretur. Sic res confecta. Eius diei me-

mo-

moria exinde celebrari coepit. Hâc memorabilem reddidit euentus duplex mirabilis. Vnus eiusmodi est. Mariæ Ariæ Partheniæ forori iamdiu stupuerant, ac ex stupore, exaruerant brachia, & pedes: iacebatque in lecto immobilis propè truncus. Cognito ex focijs apertum Terefiæ sarcophagum, & corpus incorruptum repertum esse, ex quo suauissimus afflabatur odor, attonita miraculo rei, orauit nonnullas familiares, vt eò se deportarent. Impetrauit. Conspecto corpore, commoueri ad pietatem sensit: in spem maiorem erecta, fudit pro sanitate preces; subito explicatis nervis, vsum membrorū recepit: surrexit; iunxit se cæteris, & sumpto ferramento, tam se strenuè gessit, vt cum validioribus certaret. Sic
len-

lentum otium pio labore extruſit ,
& correxit. Alter non abſimilis .
Maria Aquilaria ancilla brachium
ex humore noxio eòfluente , & ibi
collecto , & indurato prorfus ami-
ſerat: ex quo inutilis decumbebat.
Hæc cum rumorem, ſtrepitumque
ſenſiſſet , & pulſus cymbalorum,
feſtiuos præter morem audiſſet, cū
quid res eſſet interrogaviſſet, & acce-
piſſet, ad Eccleſiam duci ſe petijt ,
vbi propè organum locata paululū
dormiuit : & paulò poſt ſana rece-
pto brachio euigilauit : ac relicto
grabatulo in quo iacuerat, ad locum
vbi focia pulſabant cymbala ad-
uolauit , & illis immiſta ſonitus &
lætitiā auxit . Verum quod Mo-
niales ſimpliciter, & candidè fece-
runt, ob id ijs poenas ſuperiores im-
poſuerunt : qui & ſi pietatem lau-
da-

darent, violationem legum Sacrarum in exeundo è terminis clauſtri ſibi præfixi diſſimulare non potuerunt. Itaque pænæ ſunt ijs eo nomine conſtitutæ; quaſtamen illæ haud ægrè tulerunt: quod aut non animaduenterunt delictum, aut illud ſi viderunt, nimia pietate excuſari ſe poſſe exiſtimarunt. Quòd ſi forte in cauſam error irrepiſit, in euentu certè, & felicitas, & ſolati-um fuit,

C A P V T X.

*Teſtimonia ſupra vniuerſim indica-
ta ſpeciatiim proponuntur.*

IN Breuiario Ciſterciensis Ordi-
dinis Valliſoleti apud Franci-
ſcum Ferdinandum de Corduba

anno 1611. in feſto Sanctæ Fran-
 chæ folio 820. & 821. ſic legitur.
 Eo tempore quo glorioſa Ciſtercij vi-
 nea incrementum dante Deo palmites
 ſuos extendebat uſque ad mare vi-
 num eius pretioſum, tot ſanctas virgi-
 nes germinauit, ut nullatenus valeāt
 numerari. Imprimis namque protulit
 Gallia Sanctam Umbellinam B. Pa-
 tris Bernardi carne ſororem, ſed Spi-
 ritu Sancto Monialium ſui Ordinis
 genitricem. Polonia Heduuigem Du-
 ciſſam, & filiam Gertrudem, Braban-
 tia Lutgardem, Eiſabetham, Idam, ,
 Getam, Catharinam, Aleidam, & Iu-
 lianam. Hiſpania in Valentia There-
 ſiam Reginam, & in Luſitania tres
 ſorores: Tereſiam, Sanciam, & Ma-
 faldam Reginas &c.

Faſti ſive dypticha vulgo Mar-
 tyrologia Sanctorum Ordinis Ci-
 ſter-

tercij Tereſiam, & Sanciam ſpeci-
ciatim nominant, cū palàm le-
guntur, vt aſſolet. Tereſiam XV.
Kal. Iulias, Sanciam III. Id. April.
Ea dies anniuerſaria habetur, & na-
talitia: qua apud Moniales Loruani,
Tēplū ornatur, Aræ parātut, ſolē-
nia peraguntur: dicitur ijs ſacer
Panegyricus, Miſſa ſicut in die
Omnium Sanctorum celebratur.
Idque primò ab Henrico Cardina-
li præſcriptum per litteras ad Ab-
batem Alcobatiae Generalem Or-
dinis imminente Capituli genera-
li tempore, in quibus mandat, vt
in eo ſtatutum fiat, quo caueatur, ne
in die Anniuerſaria Tereſiae, & Sā-
ciae celebretur Miſſa pro defunctis,
ſed ſicut fieri in feſto omnium San-
ctorum ſolet, ita illis diebus fiat.
Qua de re cōditum eſt decretum:

Loruanum ad Abbatiffam, & confeſſarium cum mandatis miſſum, vt ſecundum conſtitutum, ea deinceps ſacra peragerentur, dum Romanæ, vti par eſt, Eccleſiæ iudiciũ expectabatur. Adde quotidianas de eijdem commemorationes in choro, quæ ab initio fieri coeptæ Religionem aſſerunt. Viſuntur, & priuatim intra Coenobium, & publicè in Templo effigies antiquiſſimæ, exesæ, & conſumptæ vetuſtate, eæque & radiatę, & coronatę, nō factę proximis temporibus, ſed à priſcis acceptę, quæ ſitu ipſo venerationem, & horrorem ſacrum ingenerant in animis intuentium: quarum, quòd ignoratur origo, nobilius initium habent: quemadmodum eò clariores familiæ exiſtuntur, quæ ſunt propter antiqui-

tatem abstrusiores: Ac vti fumo
nobilitantur imagines Maiorum,
ita, & situ commendantur effigies
Beatorum. Hic cultus à recentio-
ris memorię viris non datus, sed
redditus: non tributus, sed restitu-
tus. Nec id vulgi pietati assignan-
dum (quod in Lusitania nimis est
pium) sed ad solidam, ac idoneum
Antistitum, & Generalium auto-
ritatem referendum, qui cùm se-
dulò causas inquisissent, & diligen-
ter examinassent, compererunt ve-
ris, ac solidis niti fundamentis: sin-
minus obuiam ituri, & omnino su-
perstitionem euersuri: præsertim,
postquã Sanctæ Inquisitionis in eo
Regno auspicato, & feliciter ere-
ctū tribunal, & Fidei in eo vindices
& custodes cōstituti populos in of-
ficio continent, vigilantq; diligen-
tiss-

tiſſimè ne quid obrepat, non modo ſuperſtitioſum, ſed ne ſuſpectum, quidem, memores Domum Dei nō ſolū crimine, verum etiā ſuſpicionē carere oportere. Hi ſi quid inuenirent minus Fidei, & honeſtati cōſonum, non ſuſciperent, ſuſceptum non paterentur. Quod ipſum argumento eſt quicquid ab ijs admittitur, & toleratur, pium, ac religioſum habendum. Hac ratione fit, vt nuſquam purior, & perfectior ſit Religio (pace aliorum dixerim,) quàm in Luſitania: idque ego, qui maiorem ſum Europæ partem peruagatus, verum eſſe comperi, pro comperto aſſirmo.

C A P V T XI.

*Henrici Cardinalis postea Regis
Lusitaniæ de ijsdem Regi-
nis peculiare testi-
monium.*

VT nullum esset aliud,quàm
hoc quod subijcio, Hērici de
sanctitate , & qui eam secuti sunt
euentibus testimonium, satis illud,
opinor, esset ad communem existi-
mationem, & sustinendam, & con-
firmandam. Qui enim norit quan-
tæ, & virtutis, & sapientiæ Prin-
ceps fuerit, is minimè dubitabit,
quin quod ab eo , & creditum , &
probatum fuit, id prorsus , & verū,
& sanctum sit habendum. Igitur
exemplum eius Epistolæ ad Ab-
R ba-

batem Sanctæ Mariæ à Tamaranibus Ordinis Cisterciensis S. Bernardi afferre operæ pretium duco: quæ eiufmodi est.

Pater Abba Sanctæ Mariæ à Tamaranibus: Cardinalis Henricus tibi salutem dico. Accepi in Monasterio Loruaniensi sepulta esse corpora Regine Tereſiæ filiæ Regis Sanciſſi Lusitanie, olim uxoris Regis Legionis: & Infantis Sanciæ eius sororis Domine Alenqueriæ, quarum, & virtutum, & miraculorum plurima existunt monumenta in Tabulario Monasterij custodita, & traditione confirmata. Cui accedunt multa, quæ quotidie ab ijsdem patrântur clara miracula. Ex quo cum Dei gloria religionis honor, & corporum animarum salus, & communis utilitas haud dubiè consequatur, propterea tibi seriò iniungo; ut quam primum eò te conſe-
ras.

ras, & de his omnibus diligenter inquiras, & quæ vera comperias, de ijs me facias certiore; ut cum omnia perspecta, & explorata habuero, ad Dominum meum Regem scribam, postulans ut velit earum memorie consecrande pium à nobis negotium suscipi, & ad id suam apud Romanum Pontificem auctoritatem interponat. Quod si ad inquisitionem rerum opus sit in Monasterium intrare; eius rei tibi ego, cui tua probè cognita virtus est, facio potestatem. Vale. Eboræ V. Idus Augusti Anni MDLXXIV.

Cardinalis Henricus.

His litteris sic Abbas respondit.

Celsissime Princeps. Tuis acceptis Loranum me ad Monasterium contuli, & quod expedire visum fuit, assumpto in socium cōfessario, intraui in Cœnobium. Recognoui scripturas Tabularij, inter

quas erat vetuſtus codex manuſcri-
 ptus, qui referebat Tereſiam Sancij
 primi filij Alphoſi Henricij eximij bel-
 latoris, à quo Mauri ad Oriquium
 ſuperati fuerunt, nuptam Regi Al-
 phonſo Legionenſi, ſine facultate Ponti-
 ficia, & propterea ab eo poſt ſusceptos
 aliquot liberos ſeparatam, & ſuscepto
 habitu religioſo cum alijs religioſis fe-
 minis in Loruaniienſi Monaſterio pro-
 feſſam Monialium inſtitutum fuiſſe.
 Dominam item Sanciam ſororem, do-
 minam Alenquerij virginem perman-
 ſiſſe, à qua Cœnobium Cellas dictum
 prope Conimbricam ædificatum cum
 monialibus religioſam vitā duxiſſe, tã
 arctam, & aſperam, ut ſimilis illi an-
 tiquæ Anachoritarum videretur: ut-
 ramque autem viuam, & deſunctam
 multa patraviſſe miracula, quemadmodum
 eodem (cuius exemplum ad Celſitudinem

Vestram mitto) codice constabit , quæ
propterea præmitto . Et inquirenti
mibi de recentibus , plurima Moniales
narrauerunt , quibus fidem fecit me præ-
sente , quidam hydropicus , qui vix mo-
veri poterat , & palā Ecclesiam ingres-
sus , & prope sepulchra positus , & post
fusas pro eo preces , sanatus fuit . Quin-
imo & ego , cui albugo inueterata indu-
cta macula ladebat oculum , & adime-
bat visum , concepta ex eo quod vi-
deram spe noui miraculi , cum ad ea me
sepulchra applicuisssem : subito cadere sen-
si albuginem , & maculam deleri , & ocu-
lum liberari , & ex integro visum resti-
tui . Cæterum miracula examinaui , ac
reperi constare omnia testimonijs ido-
neis , & iuramento confirmatis , quem-
admodum ea mitto , ac exhibeo Celsitudi-
ni vestræ fideliter transcripta . Cui pla-
cebit ea more solenni opera Ordinarij

explorare, & confirmare, & publicare.
Iniſciat Deus hanc mentem Celſitudini
Vestæ, ut quas sanguine Regio con-
tingit, earum honorem, & gloriam am-
plificet, & venerationem, & consecra-
tionem, à Summo Pontifice procuret, im-
petretque ad huius Regni ſolatium, &
gloriam, & Ordinis noſtri Deus, & or-
namentum: Seruet Deus, ac ſoſpitet Cel-
ſitudinem Veſtram. E Monasterio
Sanctæ Mariæ à Tamaranibus 19.
Octobris Anno 1574. Hægo litteras
ex Luſitano idiomate in Latinum quem-
admodum, & ſequentes fideliter tran-
ſtuli.

C A P V T XII.

*Sebastiani Regis de ijsdem per litteras
iudicium.*

QVanta fuerit huius Regis in
Deum Religio, in tuenda, &
propaganda Fide studium, erga
Romanum Pontificem obseruan-
tia, præter priuatas insignes virtu-
tes, quibus excelluit, aliàs sæpe
scripsi. Ab eo igitur huiusmodi tes-
timonium de Sanctitate, & mira-
culis Terefię, ac Sancię in litteris
ad Conimbricēsem Episcopum (in
qua diocesi est Loruanum) missis
exaratum.

*Episcopo, & Comes. Saluere te Rex
iubeo. Ex meo Caro, & Venerabili Ma-
gno Patruo Henrico Cardinali intellexi*

Loruaui in claro Diæceſis tua oppido
 iacere corpora Tereſiæ Reginæ , Le-
 gionenſis , & Sanciæ Infantis Alen-
 querij dominæ , quæ Sancti Bernardi
 Cisterciense institutum professe sanctè
 vixerunt, & obierunt: quarum ope Deus
 multa miracula patrare dicitur. Quare
 mando tibi per has litteras , ut siue per
 te, siue per alium, & alios ministros des
 operam diligenter , ut de illarum vir-
 tutibus, & miraculis sedula, & accura-
 ta inquisitio fiat, & quidquid constite-
 rit, de eo me facias certiores; delibera-
 tum quippe est mihi, eo comperto, impe-
 trare à Summo Pontifice , ut earum in
 sacris ratio habeatur. Id tibi eò impen-
 sū commendo, quò arctior mihi cum ijs
 est Regij sanguinis, (cum filiæ fuerint
 Sancijs I. & neptes Alphonsi I. Regum
 meorum progenitorum) necessitudo, &
 maior ex earum consecratione gloria ad
 me ,

me, Regnumque meum redundat. Ac omnino scias velim hoc tuum erga me, officium gratum mihi imprimis, ac iucundum fore. Sintrae 11. Iannar. 1575.

Ad hanc epistolam ita rescripsit Episcopus. Serenissime Rex. Accep- tis mandatis Serenitatis tuae Loruani contendi: ut quæ de vita, & miraculis Terefiæ, & Sanciae tradita essent, tra- derentur ve ad normam Consilij Tr- dentini dirigerem, & directa ad Sere- nitatem tuam mitterem, & inspecto iam codice antiquo, in quo referebantur plu- rima ab ijs, & dum viuerent, & post- quam fuerunt mortuæ facta miracula: de quibus accedente traditione nefas du- xerim dubitare: cum vellem ad recentio- ra procedere, eaque idoneis testimonijs comprobare, inopinata me inuasit febris quæ desistere ab incepto, ac redire do- mum coegit. Ea me, quasi ultrix meæ dis.

diffidentia Conimbricam uſque inſecuta, non antè deſeruit, quàm mihi in remedium adhiberetur à quodam preſbytero meo ſacello præfecto theca quædam plena puluere ex illarum ſepulchris, quã ſecum dedita opera inde attulerat: quã adaibita ſtatim depuli febrem. Pudit me tunc ac etiam nunc pudet, fateor, timiditatis meæ, quòd cùm tam præſens, ac tam propè medicina eſſet minus, & fiſus fuerim, & ſpem abiecerim: quod mihi illæ ipſæ viſe ſunt exprobrare, & cùm febrim reliquerunt, & cum ademerunt. Decreueram reſpondere beneficio, ac redire. Sed adulta iam quadrageſima, & appropinquante Maiori hebdomoda, excludor tempore. Verum poſt Paſchame Serenitati Tuæ rediturum, & rem conſecturum recipio. Quæ recentia (quorum magnum eſſe numerum puto) inueni, ea cum perſpicuè ſcripta, tum plenè
pro-

*probata transmittam. Cæterum spero
ope ac præsidio harum sanctarum Regi-
narum, Et te diu saluum, Et incolumem
futurum, Et quæ agitas contra hostes
fidei bella prosperum exitum habitura.*

Vale Rex Serenissime Aprili mense.

*Anno 1575. Episcopus Comes. Ecquis
hic fuerit ex subscriptione non cõ-
stat. Emmanuelem Menesium exi-
stimamus esse, qui prius Lamecensi
Ecclesiæ præfuit, & cùm Conim-
bricensi præeslet, in Africam cū eo-
dē, Rege Sebastiano belli Sacri causa
traiecit; ibique in funestissimo illo
apud Alcazarem prælio interiit.
Verum nec Episcopus datam im-
pleuit fidem, nec Rex Sebastianus
exegit, quicquamue præstitit, quod
ad causam faceret: quòd bellica, quæ
tum ab Rege in Africam suscepta
erat expeditio, curas omnes, & pri-
uatas*

uatas, & publicas eò conuerterat: cū
Rex adoleſcens, acer, & ferox nihil
aliud præter arma, & equos, milites
& nautas, exercitum, & claſſem
mente agitare. Quare, & Episcopos
& quicumq; cuiuſcumq; ordinis cõ-
ditionis veſorent, dū modò ſui quo-
quo modo eſſe poſſent eodem ſecū
trahebat: ac imprimi Conimbri-
cenſem Antiſtitem, qui Comitatus
iure ac titulo fruitur, & amplis opi-
bus abundat, quòd 50. ferme aureo-
rum millia ex annuiſ redditibus col-
ligit. Henricus vèro qui Sebaſtiano
ſucceſſit calamitatibus ex clade illa
Africana conſecutiſ, ſic eſt oppreſ-
ſus, vt reſpirare quidem vix potue-
rit. Itaque breui, mærore iuxtà, &
ſenectute conſectus obiit. Nec de-
inceps ob rerum, & temporum,
viciffitudines licuit hanc in rem
ſe-

feriò incumbere. Donec anno MD-
CXXXIV. de integro suscepta est
causa à Conuentu Loruaniensi, fa-
cta ad id à Generalibus ordinis Lu-
sitanicis (qui nulli præterquam Sū-
mo Pontifici sunt obnoxij, & sum-
mam, & totius suæ familiæ rerum
tenent) potestate. Itaque illo an-
no noua facta est inquisitio ex-
prescripto Tridentini Concilij in-
virtutes, & miracula ab Ordinario
Conimbricensi, & in solemnem
formam redacta, & postea Romam
missa, & in Sacra Rituum Congre-
gatione proposita, cuius fausta fue-
runt initia. Assignatus quippe fuit
Auspex, & Patronus (Ponentem di-
cunt) Eminentissimus Cardinalis
Sacchetus: sed initijs minus euen-
tus, mortis eiusdem interuentu, res-
pondit. Nunc resurgit optima spe,
suf-

ſuffecto in locum demortui Eminē-
tiſſimo Cardinali Delcio: cuius ope
ac patrocinio ſperandum, vt à SS.
Domino Noſtro Clemente IX. qui
hodie nouus ſol illuxit Eccleſiæ,
qua eſt in ſuperos pietate illarum,
memoria conſecretur.

A P P E N D I X

CUm affecto iam opere inci-
diſſem in duas Epiſtolas In-
nocentij III. & Gregorij IX. ad Te-
reſiam Reginam ab iſdem datas,
nolui committere, vt ijs prætermiſ-
ſis me accuſare quiſquam poſſet de
negligentia, quòd non inueniſſem,
aut de imprudentia quòd non ad-
duxiſſem, quæ vlla ex parte ad cau-
ſam facerent. Illas producant duo
nobis-

nobiles scriptores Ordinis Cister-
ciensis Manriquus, & Brandanus.
Prima est Innocentij eiusmodi. In-
nocentius Episcopus seruus seruorum,
Dei, Charissimæ in Christo Filie Illus-
tri Reginae Terefiæ salutem, & Aposto-
licam benedictionem. Innotuit nobis
seruor sinceræ dilectionis, quam erga
Ecclesiam, & Ecclesiasticas personas
etiam supra alios Principes Christianos
habere dignosceris. Vnde eo libentius
apud Celsitudinem Tuam pro illis in-
tercedimus, maximè autem pro Episcopis
Lusitaniæ; quantò ipsam pro eis interces-
sionem gratiorem tibi esse non dubita-
mus. Itaque. Commendamus Celsitu-
dini tuæ Visensem Electum, cuius nos
electionē de consilio fratrum nostrorum
ratam habuimus, ut in suis aut Ecclesie
sue causis, si quæ emerferint, fauore si-
mul, consilioque promoueat, taliter, ut &
apud

*apud Deum misericordiam propitiatio-
nemque, & à nobis laudes magnitudini
tuæ debitas confequaris.*

Sunt in hac epiftola quæ morari
lectorem poffunt. Alterum, quòd
nimia fit laus illa *super alios Princi-
pes*, & quodammodo inuidiofa, præ-
fertim collata à Pontifice. Alterum
quòd minus decere videatur Pon-
tificem apud Reginam fubiectam
Papæ intercedere pro Epifcopis Ec-
clefiæ Principibus. Verum vterque
fcrupulus aufertur animaduërfo
Reginis, vti feminis, plus folere de-
ferri, quàm Regibus, idque ad offi-
cium pertinere. Addo Terefiã fin-
gulari fuiffe fama virtutis, & obser-
uantia erga Sedem Pontificiam, eo-
que nomine ab Honorio Papa III.
in tutelam, & patrocinium Sancti
Petri authore Bzouio Tom. 13. an

1218. n. 6. acceptam. Quare indignum non erat, quæ Patronum habebat Petrum, Episcopis eam patrocinari, si qua in re ope indigerent. Desideratur tamen annus Pontificius, & Christianus, quem solene est adhiberi. Gregorij IX. ad Tere-
siam hoc est litterarum exemplum.

Gregorius Episcopus servus servorum Dei Carissimæ in Christo Filie Illustri Reginae Tere-
siae salutem, & Apostolicam benedictionem. Ea quæ Di-
vinitus inspirata in augmentum Sacrae Religionis accedunt devoto veneramur affectu, quæ Divinis beneplacitis offeruntur. Cum igitur sicut ex parte tua fuit expositum coram nobis, clar. mem. ad religionem tibi habitum Cisterciensis ordinis assumendi, domum, quæ dicitur Villa nova, in præsentia fratris nostri Sabinensis Episcopi tunc Apostolicæ se-

dis delegati ad monaſterium eiſdē ordi-
 nis de cōſenſu Diæceſani Episcopi cōſtru-
 endum liberali donaueris pietate, ac idē
 Diæceſanus ibi Altare dedicauerit. Nos
 deuotionis tuæ precibus annuentes, id ſi-
 cut ritē, ac prouidē actum eſt, autorita-
 te Apoſtolica confirmamus, & præſen-
 tis ſcripti patrociniō cōmunimus. Nul-
 li ergo omninō hominū liceat hanc pa-
 ginam noſtrę confirmationis infringere,
 vel ei auſu temerario contraire, &c. Si
 quis autem hoc attentare præſumpſerit,
 indignationem Omnipotentis Dei, &
 Beatorum Petri, & Pauli Apoſtolorū
 eiſ ſe nouerit incurſurum. Datum
 Laterani XVII. Kal. Ianuar. Ponti-
 ficatus noſtri anno. 5. quæ eſt dies 16.
 Decembris. Anni 1231.

In hac epiſtola videtur deeſſe,
 aliquid; nam ille Datius Tibi affu-
 menti caret verbo à quo regatur; niſi

si quis verbum *donaueris* eò referat, ut sit sensus *tu tibi donaueris*: sed ineptum quiddam sonat *donare sibi ipsi*. Illa etiam constructio *clar. mem. ad religionem* duriuscula est.

Tria hic animaduertat lector velim. Alterum non posse in dubium reuocari (contrà quàm nonnulli scriptores minus eruditi faciunt.) Teresiam Cisterciensis Ordinis habitum, & vitæ institutum suscepisse, cum id perspicuè Gregorius affirmet. Alterum nihil ei post diuortium cum Rege Alphonso de Regia dignitate detractum, cum eam Pontifex honorificè tractet ac, Reginam appellet. Tertium, & capitale in suscepta causa consecrationis locum non fore exceptioni incesti, connubij, quo minusea rectè procedat: cum hi duo Pontifices nullam eius in scribendo rationem habue-

rint, ac perinde ad eam ſcripſerint, ac ſi nihil illæ nuptiæ nocuiſſent. Et quidem iurè, cum & ijs temporibus (vti erant rudia) ſæpe id vitij accideret, & Tereſia innocēter egerit, & mox vt Pontifex indixit diuortium, omnino paruerit, ſeq; relictis thalamo, & liberis Deo conſecrarit. Quo illa certè tam de Pontifice bene mereri viſa eſt, vt ſi quid eſſet in contrahendo matrimonio delictum, id tum per præptam, & alacrem obedientiam, & poſtea per religioſæ vitæ profeſſionem, & morum ſanctitatem ſatis eſſet, ſuperque purgatum: quemadmodum Deus tot miraculis ſignificauit, ac imprimis corporis incorruptione, etiamnum declarat, quaſi eam velit excipientibus nuptias opponere, ac ijs ſilentiū indicere, ac religionem incutere.

PROTESTATIO AVCTORIS



ECTOR aduerte in Elogys Virorum
Illustrium quos hoc libro complexus sū
nonnullā me obiter attingere, quæ san-
ctitatem ipsis videantur adscribere; per-
stri rgo nonnunquam aliqua ab ijs ges-
ta, quæ cum vires humanas superent,

miracula videri possunt: presagia futurorum, Arcano-
rum manifestationes, reuelationes, illustrationes, & si
quæ sunt alia huiusmodi: beneficia item in miseris mor-
tales eorum intercessione diuinitus; demum non nul-
lis sanctimonie, vel martyrij videor appellatione tri-
buere. Verum hæc omnia ita meis lectoribus propono
ut notim ab illis accipi tanquam ab Apostolica Sede
examinata, atque approbata, sed tanquam, quæ à sola
suorum Auctorum fide pondus obtineant, atque adco
non aliter, quam humanam historiam. Prinde Apo-
stolicum S. Congregationis S. R. & vniuersalis In-
quisitionis Decretum Anno 1625. editum, & Anno
1634. confirmatum integrè, atque inuolantè, iuxta de-
clarationem eiusdem Decreti à Sanctiss. D. N. D.
VRBANO Papa VIII. anno 1621. factam seruari
à me omnes intelligant, nec velle me, vel cultum, aut
venerationem aliquam per hæc tuas narrationes ulli
arrogare, vel famam, & opinionem sanctitatis, aut
martyrij indncere, seu augere, nec quicquam eius exis-
timationi adiungere, nullumque gradum facere ad fu-
turam aliquando ullis beatificationem, vel Canoniza-
tionem, aut miraculi comprobationem, sed omnia in eo
statu à me relinqui, quem seclusa hac mea lucubratio-
ne obtinerent, non obstante quocumque longissimi tem-
poris cursu. Hoc tam sanctè profiteor, quàm decet
eum, qui Sanctæ Sedis Apostolicæ obedientissimus haberi
filius cupit, & ab ea in omni sua inscriptione, &
actione dirigi.

Ego Macedo

ELENCHVS

Auctorum qui de Teresia, Sanciaq;
honorificè, & aptè ad Apo-
theosin scripserunt.



AREVIARIVM Cordubę
impressum Anno 1611.

Surius tom. 1. ad 17 Ianuar.

Baronius tom. 12. anno 1191.

Bzouius tom. 13. anno 1218. b. b.

Odericus Raynald. tom. 12. a 191.

Spondanus anno 1211. n. 6. & anno
1196. n. 10.

Annales Regni Legionensis sub Al-
phonso 9.

Ioannes Bollandi, & Federic. Henschen
in Att. 55. ad diem 17. Ianuar.

Rodericus Toletanus lib. 7. Hist. cap. 5.

Petrus de Natalibus citatus à Bollādo.

Petrus de Ribadencira in flor. extra-
uag.

uag. ad diem 16. Ianuar.

Fr. Marcus Olysiipponensis lib. 4. c. 4. q.

1. & c. 17.

Fr. Fr. Gonzaga in conuent. 2. Portugal.

Ioannes Tisserādus in officia SS. Martyr. Marroch.

Boschettus in Epistol. Innocentij III.

Pap. 1. lib. 2. epist. 116. & seqq.

Ioannes Mariana lib. 11. c. 19. & lib.

12. cap. 16.

Garibay Hist. Hispan. p. 2. &

Barbuda lib. de empres. milit sub Sancio 1.

Antonius Vasconcellus in Sancio 1. & indescript. Lusit.

Villegas in Floribus. 51. die 16. Ianuar.

Antonius Souza Macedo in Excell. seu florib. Lusit.

Odoardus Nunez à Leone in Genealog: Reg. Lusit. in Sancio 1.

Marifus in suis dialogis in Sancio 1.

Saria Souza in Epitom. Reg. Lusit. in

Sancio 1.

S 4

Roge-

Rogerus Annal. p. 3. titr 17. §. 24.

Fr. Ludoicus ab Angelis in virid. 55.
Lusit.

Fr. Lucas Vuading. in Annal. Min. an.
1217. & 1216.

Fr. Angelus Manrique Annal. Cisterc.
tom. 2. Ann. 1200. c. 4. & alibr.

Fr. Bernardus à Britto in Monarch. Lu-
sit. in Chroni. Cisterc. lib. c. 32. & 33

Fr. Antonius Brandanus ibid. in San-
cio. 1. p. l. 14. c. 9. & 10.

Fr. Franciscus Brandanus ibid.

Georgius Cardoso in Agiologio SS. Lu-
sit. tom. 2. die 13. Aprilis.

Odoardus Galuanus in Sancio 1.

Fratres Sāmarthani Galli dela Maison
de Franc. lib. 41. pag. 802. & 803.

Antonius de Macedo in Lusitania pur-
purata sub Ioanne Canon. Conimbr.
existimato Epis. Cardin. Sabinensi.

Franciscus à S. August. Macedo fra-

- ter Antonij, & autor huius libelli
in suo Propugn. Lusit. Gal. p. 1.
- D. Rodericus Acunha Archiep. olyssip-
pori. in Hist. Eccles. olyssipponi. p. 2. c.
30. & c. 27.
- Fr. Franciscus Haraldus in epit. Annal.
Minori. Anno 1219.
- Fr. Henricus Sedulius in Hist. Sera-
phica pag. 166.
- Fr. Chrysostomus Henriq. in Menologio
Cisterc. ad diem 13. Aprilis.
- Barnabas Montaluo in chron. cist. l. 2.
cap. 26.
- Andreas Resendius in Vita B. Egidij
lib. 2. pag. 40.
- Aluarus Lupus in Martyrol. SS. Lu-
sit. an.
- Arturus in martyrologio min. die mar-
tij 13. & Iunij. 17.
- Ioannes Tamayus Salazar in Marty-
rol. Hispan. tom. 1. die 16. Ianuarij.
- IN

I N D E X

C A P I T V M.



- A P. 1. *Breuis Regni Lusitani descriptio.* pag. 1.
- Cap. 2. *Alphonfi Primi gesta, & Aulæ instituta, & mores* 5.
- Cap. 3. *Sancij Patris Terefiæ, & Sanciae indoles, & proles.* pag. 9.
- Cap. 4. *Domestica Reginae, & aulicarum virginum illis temporibus exercitatio.* 13.
- Cap. 5. *Terefiæ inter reliquas aulicas virgines in officio præstantia.* 17.
- Cap. 6. *Alphonso Regi consanguineo incestis nuptijs collocatur.* 20.
- Cap. 7. *Terefiæ iam nuptæ studia, & mores.* 23.
- Cap. 8. *Incestum matrimonium ultio diuina consequitur.* 25.
- Cap.

- Cap. 9. *Lusitani calamitatum causas in-
cesto matrimonio attribuunt.* 28.
- Cap. 10. *De dissoluendo connubio legati
Romam mittuntur.* 31.
- Cap. 11. *Coacto super eare concilio ad-
uocati regij suas partes agunt.* 34.
- Cap. 12. *Pontificij suas tuentur.* 37.
- Cap. 13. *Matrimonium de sententia
Patrum dirimitur, Teresia in Lusi-
tania niam redit.* 40.
- Cap. 14. *Rex Alphonsus Sorores spo-
lia re patrimonio conatur.* 43.
- Cap. 15. *Alphonsus bellum infert sero-
ribus, sed frustra.* 46.
- Cap. 16. *Teresia de religiosa professio-
ne Loruani edenda cogitat.* 51.
- Cap. 17. *Monachis, ut vacuum sibi
relinquant monasterium, rationibus
persuadet.* 55.
- Cap. 18. *Descriptio vallis Loruani, &
monasterij in eo siti.* 59.
- Cap.

Cap. 19. *Tunc fassus fuit ad migrandum Loruanum accingit.* 66.

Cap. 20. *Pia Blanca cum Tereſia, quod ſe præteritam vidit, expoſtulationis.* 70.

Cap. 21. *Aula excedit, & in monaſterium includitur.* 74.

Cap. 22. *Monaſterio præeſt, & monialium curam gerit.* 79.

Cap. 23. *Sanciae Reginae ſororis Tereſiae natales, educatio, mores.* 83.

Cap. 24. *Ierabrice Zachariam Franciſcanum, & mox Suerium Domini- canum ex Italia venientem excipit, & ordinis monaſteria condit.* 89.

Cap. 25. *Quinque Martyres Marrochienses dicti Ierabricam ad Sancia diuertunt: ibi ſe ad nauigandum parant: parati diſcedunt.* 94.

Cap. 26. *Proſcit ſpiritu Sancia, & Martyrum Marrochij occiſorum*

per speciem aspectu fruitur. 99.

Cap. 27. De suscipiendo Cisterciensi
habitu deliberat. Palatio in Monas-
terium Minorum conuerso, Iera-
brica discedit. 104.

Cap. 28. Inuisit Tereſiam apud Loru-
num, & Montem maiorem oppidum
contendit. 109.

Cap. 29. Spernit oblatas sibi à Rege
Fratre Ferdinandi Regis Legionis
nuptias: Monasterium Cellarum in-
greditur: seque ibi Deo deuouet. 119.

Cap. 30. Tereſia hoc tempore Loruani
exercitationes. 127.

Cap. 31. Tereſia reipub. causa Monas-
terio egreditur, & ortas super hære-
ditate Regni Castellæ, ac Legionis
lites componit. 134.

Cap. 32. Redit in Lusitaniam: Monas-
terio abdita, multa in se cruciatuum
genera excogitat. 141.

Cap.

Cap. 33. Variarum quædam lumina
virtutum hinc inde collecta ponun-
tur. 146.

Cap. 34. Sancia Spiritu, quo pollebat,
prophético vicinam mortem præsen-
tit, seque ad illam strenuè, ac piè
comparat. 150.

Cap. 36. Sancia sanctè moritur. 156.

Cap. 31. Sanciae corpus aufert Teresa,
& ad Loruanum desert, ibique
sepelit. 162.

Cap. 37. Sepulcrum Sanciae saepe rutilat:
ipsa semel in choro defuncta cum vi-
uis monialibus psalmos canit. 169.

Cap. 38. Teresiae post mortem Sanciae
studia pia, & opera recēsentur. 179.

Cap. 39. Duo mirabiliora euenta nar-
rantur. 181.

Cap. 40. Teresiae extremus vitæ actus,
mors felicissima. 186.

Cap. 41. Mortua Teresa lucet: effe-
tur

tur eius corpus: prope sororem tumu-
latur: utriusque Epitaphia. 195.

Cap. 1. De communi existimatione, &
fama. 201.

Cap. 2. Mira earum post mortem vir-
tus in sanādis morbis apparet. 206.

Cap. 3. Curationes nonnullę mirabiles
narrantur.

Cap. 4. Alia eiusdē modi referuntur. 216

Cap. 5. Quędam ad Cellas Sanctę pro-
pria. 224.

Cap. 6. Alia Loruani gesta admirabi-
lia. 228.

Cap. 7. Reginarum tumuli ex interiori
Odeo ad templum exterius transfe-
runtur. 235.

Cap. 8. Aperitur sepulchrum Tereię:
incorruptum eius corpus reperitur:
mira euenta existunt. 240.

Cap. 10. Testimonia supra uniuersum
indicata speciatim proponuntur. 251.

Cap. 11.

Cap. 11. *Henrici Cardinalis postea Regis Lusitaniae de iisdem Reginis peculiare testimonium.*

Cap. 12. *Sebastiani Regis de iisdem per litteras iudicium.* 263.





